

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**S DVADESETŠESTE SJEDNICE GRADSKOG VIJEĆA TUZLA ODRŽANE 14.  
SEPTEMBRA 2016. GODINE U MALOJ SALI BOSANSKOG KULTURNOG CENTRA S  
POČETKOM U 9,30 SATI**

**- SJEDNICI PRISUSTVUJE 26 VIJEĆNIKA**

**U Tuzli, septembar 2016. godine**

## **JOZO NIŠANDŽIĆ – predsjedavajući Gradskog vijeća Tuzla**

Poštovani vijećnici, poštovani predstavnici izvršne vlasti, obrađivači materijala, predstavnici boračkih i nevladinih organizacija, članovi savjeta mjesnih zajednica, dragi gosti, dame i gospodo.

Otvaram 26. redovnu sjednicu Gradskog vijeća Grada Tuzla.

Konstatujem, da prema evidenciji Stručne službe Gradskog vijeća, sjednici prisustvuje 26 od ukupnog broja vijećnika, što je dovoljno za punovažan rad i odlučivanje.

Za današnju sjednicu niko nije najavio svoj izostanak, ali za kašnjenje su najavili Ivica Kovačević, Beriz Sakić i Jasmin Habul.

Danas je treći dan Kurban bajrama ili Hadžijskog bajrama, koji predstavlja jedan od najznačajnijih praznika među muslimanskim vjernicima.

U ime Gradskog vijeća Tuzla, a posebno u svoje lično ime i u ime zamjenice predsjedavajućeg Gradskog vijeća Tuzla, gospođe Nade Mladine, svim građanima Bosne i Hercegovine muslimanske vjeroispovijesti, koji ovaj Praznik obilježavaju upućujem iskrene čestitke sa željom da ovaj i naredne praznike provedu u zdravlju i veselju. Poznatim pozdravom Bajram Šerif Mubarek Olsun.

Sada nastavljamo sa sjednicom. Obavještavam vijećnike, da je 25-ta redovna sjednica Gradskog vijeća Tuzla, održana u srijedu, 31. 08. 2016. godine, a da je materijal za ovu 26-tu sjednicu Gradskog vijeća otišao vijećnicima u ponedjeljak, 05. 09. 2016. godine, pa iz tih razloga nije urađen stenogram, a samim time ni zapisnik sa 25. redovne sjednice Gradskog vijeća Tuzla, održane dana 31. 08. 2016. godine.

Stenogram i skraćenu verziju zapisnika sa 25. redovne sjednice Gradskog vijeća Tuzla, održane dana 31. 08. 2016. godine i ove 26-te redovne sjednice će biti urađene i dostavljene vijećnicima naknadno na označene adrese od strane vijećnika.

Za današnju sjednicu predlažem dnevni red, kao što ste dobili uz Poziv za ovu sjednicu:

### **D N E V N I R E D**

1. VIJEĆNIČKA PITANJA
2. RAZMATRANJE I USVAJANJE:
  - a) STRATEGIJE NEPROFITNOG SOCIJALNOG STANOVANJA GRADA TUZLA 2017. – 2021. GODINA
  - b) LOKALNOG AKCIONOG PLANA SOCIJALNE INKLUZIJE RASELJENIH OSOBA I POVRATNIKA U GRADU TUZLA
3. RAZMATRANJE INFORMACIJA O AKTIVNOSTIMA OPCINSKOG/GRADSKOG VIJEĆA TUZLA U MANDATNOM PERIODU 2012. - 2016. GODINA
4. RAZMATRANJE I USVAJANJE RJEŠENJA O RAZRJEŠENJU I IMENOVANJU ČLANA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA
5. IMOVINSKO-PRAVNA AKTA
  - a) Rješenje o odbijanju zahtjeva za prodaju zemljišta (Atic N. Ahmed, lokacija KO Tuzla II), broj:  
- 01/07-31-3253/16
6. KADROVSKA PITANJA

## 7. TEKUĆA PITANJA

Obavještavam klubove vijećnika da su prijedloge za naknadno uvrštavanje hitnih i neodložnih pitanja (dopunu dnevnog reda) mogli podnijeti u pismenoj formi, najkasnije 48 sati prije održavanja ove sjednice.

Kolegij Gradskog vijeća Grada Tuzla, održao je svoju sjednicu neposredno pred početak ove 25. redovne sjednice Gradskog vijeća Grada Tuzla i konstatovao je da su u poslovničkom roku stigli sljedeći prijedlozi za izmjene i dopune dnevnog reda:

1. Gradonačelnik Grada Tuzla je predložio da se dnevni red današnje 26-te redovne sjednice, dopuni tačkom pod nazivom:

**5. RAZMATRANJE ODLUKE O UTVRĐIVANJU JAVNOG INTERESA ZA EKSPOLATACIJU KVARCNOG PIJESKA NA LOKALITETU "KUŽIĆI" U TUZLI**

Napominjem, da je na svojoj sjednici održanoj dana 09. 09. 2016. godine, ovaj materijal razmatrala Komisija za statutarna pitanja i propise, te utvrdila da je ista na zakonu zasnovana.

Predlažem da se ova tačka razmatra, kao tačka 5. današnjeg dnevnog reda, a da se ostale tačke redosljedom pomjere.

Pitam vijećnike ko je za ovakav prijedlog, molim da digne ruku? (26) Ima li neko protiv? (Nema.) Uzdržan? (Nema.)

26 vijećnika je glasalo za, nema niko protiv, nema suzdržan te je jednoglasno prihvaćen prijedlog te će ova tačka biti uvrštena u dnevni red današnje sjednice Gradskog vijeća Tuzla, kao peta tačka.

Pod dva. Klub vijećnika Saveza za bolju budućnost je predložio, da se u dnevni red današnje sjednice uvrsti slijedeći materijal, odnosno inicijativa za hitno uređenje autobuskih stajališta u mjesnoj zajednici Simin Han.

Predlažem da se ova tačka razmatra, pod tačkom Tekuća pitanja. Pitam vijećnike ko je za ovaj prijedlog, molim da digne ruku? (26) Ima li neko protiv? (Nema.) Uzdržan? (Nema.)

Konstatujem da je i ovaj prijedlog jednoglasno prihvaćen i ova inicijativa za hitno uređenje autobuskih stajališta u mjesnoj zajednici Simin Han će biti uvrštena u dnevni red današnje sjednice Gradskog vijeća Tuzla, pod tačkom Tekuća pitanja.

Sada ćemo pristupiti izjašnjavanju dnevnog reda, kao cjeline. Pitam ko je za dnevni red u cjelini s izmjenama i dopunama? Izvolite. Gospodin Mensur Alić ima poslovničku.

### **MENSUR ALIĆ – vijećnik Tuzlanske alternative**

Poštovani predsjedavajući, kolege vijećnici, mediji i gosti, sve vas srdačno pozdravljam.

Ja znam da je ova sjednica posljednja u ovom mandatu ove četiri godine, ali postaviti ću samo pitanje, zbog čega nije uvršteno u dnevni red dvije informacije koje su tražene na prošlom Vijeću, zaključak da će biti dostavljene na ovoj informaciji, to je o kreditnom zaduženju 5,5 miliona i o kreditu od 26.000.000. Zbog čega nije uvršteno u dnevni red? Hvala.

### **JOZO NIŠANDŽIĆ**

Hvala. Evo sekretar će dati pojašnjenje.

## **MEDIHA NUHBEGOVIĆ – sekretar Gradskog vijeća Tuzla**

Do dana održavanja ove sjednice nismo dobili materijal, a vezano za informacije koje je u svom izlaganju pomenuo gospodin Mensur Alić, a s obzirom da informacije nisu stigle nije se ni moglo uvrstiti u dnevni red.

### **JOZO NIŠANDŽIĆ**

Hvala. Izvolite gospodine Aliću.

### **MENSUR ALIĆ**

Postavljam samo pitanje da li je moguće da za šest mjeseci se nije mogla ova informacija pripremiti? Ona traje već punih šest mjeseci, nije 15 dana nego šest mjeseci kako sam inicijativu podnio, a ima i Kolegij zaključak oko ove dvije inicijative.

### **JOZO NIŠANDŽIĆ**

Hvala. Molim vas ko je za dnevni red u cjelini s izmjenama i dopunama, molim da digne ruku? (21) Ima li neko protiv? (Nema.) Uzdržan? (5)

Za Dnevni red je glasalo 21 vijećnik, nema niko protiv, suzdržanih je pet vijećnika, što znači da je, većinom glasova, usvojen u cjelini slijedeći:

## **D N E V N I R E D**

### **1. VIJEĆNIČKA PITANJA**

#### **2. a) STRATEGIJA NEPROFITNOG SOCIJALNOG STANOVANJA GRADA**

**TUZLA 2017. – 2021. GODINA**

**b) LOKALNOG AKCIONOG PLANA SOCIJALNE INKLUZIJE RASELJENIH OSOBA I POVRATNIKA U GRADU TUZLA**

**3. INFORMACIJA O AKTIVNOSTIMA OPCINSKOG/GRADSKOG VIJEĆA TUZLA U MANDATNOM PERIODU 2012. - 2016. GODINA**

**4. RJEŠENJE O RAZRJEŠENJU I IMENOVANJU ČLANA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA**

**5. ODLUKA O UTVRĐIVANJU JAVNOG INTERESA ZA EKSPOLATACIJU KVARCNOG PIJESKA NA LOKALITETU “KUŽIĆI” U TUZLI**

#### **6. IMOVINSKO-PRAVNA AKTA**

**a) Rješenje o odbijanju zahtjeva za prodaju zemljišta (Atic N. Ahmed, lokacija KO Tuzla II), broj:**

**- 01/07-31-3253/16**

#### **7. KADROVSKA PITANJA**

#### **8. TEKUĆA PITANJA**

**a) Inicijativa za hitno uređenje autobuskih stajališta u mjesnoj zajednici Simin Han**  
Prva tačka Dnevnog reda je:

## VIJEĆNIČKA PITANJA

Ima li vijećnički pitanja? Evo molim vas nemamo vijećničkih pitanja.

Prelazimo na drugu tačku Dnevnog reda:

### **a) STRATEGIJA NEPROFITNOG SOCIJALNOG STANOVANJA GRADA TUZLA 2017. – 2021. GODINA**

### **b) LOKALNOG AKCIONOG PLANA SOCIJALNE INKLUZIJE RASELJENIH OSOBA I POVRATNIKA U GRADU TUZLA**

Predlagač je Gradonačelnik Grada Tuzla.

Obrađivač je Služba za boračko-invalidsku zaštitu, stambene poslove i integraciju raseljenih osoba.

Materijal su razmatrali Komisija za statutarna pitanja i propise, Komisija za ekonomske odnose i klubovi vijećnika.

Otvaram raspravu.

Pitam ima li potrebe za uvodnim izlaganjem? (Ima.)

Na današnjoj sjednici Gradskog vijeća, prisutna je predstavница Službe za boračko-invalidsku zaštitu, stambene poslove i integraciju raseljenih osoba gospođa Slobodanke Pranjić, pa predlažem da poslušamo kratku prezentaciju.

Na sjednici Kolegija Gradskog vijeća održanoj dana 02. 09. 2016. godine, dogovoreno je da prezentacija traje maksimalno 15 minuta.

Izvolite.

### **SLOBODANKA PRANJIĆ – ispred Službe za boračko-invalidsku zaštitu, stambene poslove i integraciju raseljenih osoba**

Hvala gospodine predsjedavajući. Prije svega želim da vas sve zajedno lijepo pozdravim i da poželim sretan Bajram svima koji ga slavite.

Ja ću vam danas ispred svoje Službe i tima koji je učestvovao u izradi a) STRATEGIJE NEPROFITNOG SOCIJALNOG STANOVANJA GRADA TUZLA 2017. – 2021. GODINA prezentovati u najkraćim crtama ova dva dokumenta.

S obzirom da se oni u mnogo čemu dodiruju i govore o istoj problematici biće obuhvaćeni zajedno.

Što se tiče stambene politike u Bosni i Hercegovini, vama je poznato da nema pravnog okvira u oblasti socijalnog stanovanja, ali obzirom da se polako uvodi taj vid rješavanja stambenog pitanja pojavile su se potrebe za tim, tako da su u dva kantona već usvojili svoje zakone o socijalnom stanovanju, a to su Zeničko-dobojski i Posavsko-podrinjski kanton. A što se tiče Tuzlanskog kantona, meni je poznato da je već u postupku izrada tog zakona.

Ova a) STRATEGIJA NEPROFITNOG SOCIJALNOG STANOVANJA GRADA TUZLA 2017. – 2021. GODINA i b) LOKALNI AKCIONI PLAN SOCIJALNE INKLUZIJE RASELJENIH OSOBA I POVRATNIKA U GRADU TUZLA će u mnogo čemu doprinijeti i kvalitetnijoj izradi samog zakona o socijalnom stanovanju.

Grad Tuzla je takođe preduzeo inicijative i aktivnosti u razvoju ovog vida stanovanja, rješavanja stambeni problema tako da smo imenovan je tim koji je uz stručnu pomoć CRS-a i zaista nesebičnu pomoć nevladine organizacije Snaga žene izradio ovu Strategiju i Lokalni akcioni plan socijalne inkluzije raseljeni lica i izbjeglica i povratnika u gradu Tuzla.

Mi već, Grad Tuzla već raspolaže sa 22 stambene jedinice tog tipa koje su već i useljene a u narednom periodu ćemo dobiti u vlasništvo kroz dva projekta još 210 novih stambenih jedinica za rješavanje stambenog pitanja određeni kategorija stanovništva. Tako da smo mi, da je to bio i jedan od motiva da mi krenemo u izradu ova dva strateška dokumenta koji su u stvari i preduslov i put ka pristupu i novim fondovima, odnosno pristup novim donatorskim sredstvima za izgradnju još ovakvih stanova.

Šta je socijalno stanovanje, mi smo to već na neki način obrazlagali u prošloj godini prilikom usvajanja one odluke tako da eto, obzirom da je kratka, da će biti kratka prezentacija mi smo to u ovim tezama napravili da to bude ipak neka jasnija slika.

Pa evo, socijalno stanovanje, neću vam to posebno obrazlagati, samo ću reći da su u ovim prvim kroacima koje mi pravimo za rješavanje stambenog pitanja pokušava se prvenstveno riješiti problem stambenog zbrinjavanja raseljenih lica. Međutim, znatan broj domicijelnog stanovništva će takođe biti riješen ovim projektima.

Što se tiče ovog slajda potrebe za dobijanjem ovog instituta. Znamo da se Bosna i Hercegovina nalazi u tranziciji i da karakteriše ekstremno tešku ekonomsku situaciju, siromaštvo i masovnu nezaposlenost, a ratna destrukcija je takođe stvorila nove ranjive kategorije, izbjeglice, raseljena lica, civilne žrtve rata, povratnike itd. i tako da odprilike 80% stanovništva se može svrstati u ovu kategoriju u teškoj ekonomskoj situaciji i potrebi za pomoć državi da bi se riješio stambeni problem obzirom da je stan potreba jednaka potrebi za hranom i zaposlenjem.

Mi smo kao tim u izradi ovog strateškog i akcionog dokumenta imali dvije faze u strateškom dokumentu, a to je bilo istraživanje institucijama grada Tuzle i obuhvatila je 30 škola, Biro za zapošljavanje i Centar za socijalni rad.

Naravno, podatke smo prikupljali i od nadležnih organa odnosno odjeljenja Gradske uprave.

Nevladina organizacija Snaga žene uradila je jedno istraživanje među građanima metodom slučajnog uzorka gdje je anketirano oko 300 građana grada Tuzle, a u izradu lapa je provedena takođe jedna opsežna anketa u naselju Mihatovići o trenutnoj situaciji, o potrebama, da bi se dobila što kvalitetnija strateška, što kvalitetniji strateški akcioni dokumenat.

Mi smo ovim dokumentima definisali viziju strateške i prioritetne ciljeve, zatim na kraju svot analizu u kojoj smo prepoznali i slabosti i mogućnosti i prednosti koje imamo u rješavanju ovog problema i razvijanju neprofitnog socijalnog stanovanja.

Cilj ovog istraživanja bio je procjena stambene situacije trenutne, ali i stambeni potreba građana Tuzle.

Odprilike evo vidite da polovina stanovništva u stvari nema riješeno stambeno pitanje ni na koji način od ovih 56.411 radi se o 36.123 individualna stambena objekta što ukazuje na potrebu za ovakvim rješavanjem stambenih pitanja.

Eto to su teze odprilike koje nema mislim potrebe da sad posebno nešto obrazlažem. Na kraju ovim zaključcima, zaključke koje smo dobili anketiranjem i analizom prikupljenih podataka je da je značajan broj građana Tuzle još uvijek nije na adekvatan način riješio svoje stambeno pitanje. Da Centar za socijalni rad ne raspolaže stambenim jedinicama da bi mogao zbrinuti socijalno ugrožene kategorije stanovnika. Da ima značajan broj nezaposlenih lica i do 35

godina koji nemaju riješeno stambeno pitanje, a samim tim to se odražava i na planiranje porodice, a što se vidi na opadanju nataliteta, a kod 51,3% ispitanika izjavilo je da bi svoje stambeno pitanje željeli riješiti na ovaj način.

Zatim, mi smo u školama proveli anketiranja gdje se zaista vidi da mali broj učenika, koji, odnosno koji imaju na neki način riješeno pitanje, stambeno pitanje, mnogo njih dolazi iz materijalno ugroženih porodica i porodica gdje su roditelji nezaposleni, mada eto se ne izjašnjavaju kao materijalno ugroženi, zatim da žive kao podstanari, da žive kod roditelja, svojih roditelja itd.

Mi smo ovom strategijom odredili neku viziju našu da je Tuzla, grad Tuzla stambeno zbrinut i vizija je stambeno zbrinuti građani grada Tuzle. Odredili smo i strateške ciljeve gdje je opći strateški cilj u stvari obezbjeđenje dvostrukog neprofitnog socijalnog stanovanja na teritoriji grada Tuzla kroz ova četiri strateška pravca, da se obezbjeđuje što više stambenog fonda ovog tipa i da naravno na kraju održivost tog stambenog fonda.

Na kraju želimo reći da je jako bitno da usvojite danas ovaj strateški plan Grada Tuzle i Lokalni akcioni plan jer su onam ovo u stvari karte za pristup mnogim, kako evropskim, tako i regionalnim fondovima.

Ukoliko ima nekih pitanja ili nešto vi. Hvala vam na pažnji.

## **JOZO NIŠANDŽIĆ**

Hvala. Gospodin Ajanović se prvi javio. Ja predlažem da vodimo raspravu i po jednom i po drugom dokumentu, a kada bude usvajanje onda ćemo ići pojedinačno. Izvolite gospodine Ajanoviću.

## **MIRNES AJANOVIĆ - vijećnik Bosanske stranke**

Hvala predsjedavajući. Bajram Šerif Mubarek Olsun svima, danas je treći dan Bajrama.

Pozdrav svima. Zahvaljujem na prezentaciji, na dobro urađenoj analizi strategije, dobro sortiranoj, obuhvaćenoj sveobuhvatnoj. Ne bih ja ponavljao ono što je sve bilo prezentiralo.

Evo okolnost da imamo relativno malo stambenih jedinica dvadeset dvije, da se planira 210 uraditi u narednom periodu. Ja bih vas ili nas, podsjetio na odluke koje smo mi donijeli već u Gradskom vijeću Tuzla u vezi obezbjeđenja 150 stambenih jedinica u Kreki za građane naselja Mihatovići gdje smo u našim odlukama i sredstvima koja ćemo dobiti u iznosu od 4.127.672 marke. Mi faktički, kao grad, jedan od rijetkih evo lokalnih zajednica time i zatvorili proces implementacije Aneksa VII Dejtonskog sporazuma. A iz samog Sporazuma o stabilizaciji i pridruživanju Evropskoj uniji.

Dakle, Grad Tuzla prednjači u tome u tim našim aktivnostima i evo mogu reći da, pa i aktivnosti i u mjesnim zajednicama, danas sam dobio informaciju da smo pokrenuli, jednog aktiviste Šefika Čivića u Kreki da će u onoj zgradi koja će se graditi, gdje će biti 150 stambeni jedinica iz naselja Mihatovići, biti otvorena i Ambulanta Porodične medicine i Apoteka. Dakle, imat će, pored ostalih segmenata, koje će imati mogućnost koristiti u toj zgradi bit će dobar uređen dio, jer imali smo priliku gledati od Službe za, dakle od nadležnih službenika koji su nam prezentirali kako će to sve izgledati i ova aktivnost je dodatna koja će biti urađena.

Danas smo dobili tih dosta teških informacija, da veliki broj građana nema mogućnost stambenog zbrinjavanja, brojni su mnogi brakovi koji nemaju stana, brojni su mladi koji trebaju

da se vjenčaju i razmišljaju o tome, a nemaju uslova i što jeste osnovna prepreka, pored naravno nepostojanja mogućnosti za posao.

Jedan prijedlog dodatni, ove stambene jedinici kako da obezbijedimo, da razmišljamo o tome da Grad Tuzla bude nosilac projekta u saradnji sa građevinskim firmama, domaćim naravno, pa ako hoće i stranim, nosilac projekta izgradnje zgrada koje će nuditi, u kojima će se nuditi stanovi po povoljnim cijenama u najam.

Jer mi imamo sada relativno visoke cijene najma. Stanovi se kreću 300, 500 maraka. Dakle, mjesečno. visok je najam. Mi bi moguće time imali i okolnost obaranja dakle konkurencijskim cijenama, obaranje globalne cijene najma što bi omogućilo ljudima da mogu doći do stana po povoljnijim uslovima dok se ne steknu uslovi da krediti budu povoljniji i samim time da omogući građanima evo mogućnost da mogu dobiti svoj stan.

Da razmotrimo i okolnost koliko Grad Tuzla može ići prema Međunarodnoj zajednici, posebno Evropskoj uniji u obezbjeđenju fondova, ako je moguće, hajde da razmišljamo unaprijed, bolje je nešto reći što bi možda nekada moglo biti realizovano, nego prešutjeti i povoljnijih kredita za izgradnju stambenih jedinica, odnosno kupovini stambenih jedinica, da i taj zaključak pokušamo evo evidentirati kao nekakvu okolnost da li je to pravno i koliko moguće. Koliko bankarski sistem dozvoljava to, da određena novčana sredstva, pa eto, kroz nekakav način posredovanja grada Tuzle iz tih evropskih fondova bude u pristupu građanima za kupovinu stanova.

Da ne zavisimo samo od lokalnih banaka, pa ako je to moguće i izvodljivo, time bi opet možda došli u poziciju, a vjerovatno bi, da i krediti za stambene jedinice mladih, ali i onih starijih što da ne, da ne govorimo samo o mladima, ima dosta ljudi koji su eto u zreloj dobi i kasnijoj a još uvijek nemaju stan. Da svima možemo omogućiti povoljnije kredite, sa dužim rokom otplate, manjom kamatom, povoljnijim uslovima, a da Grad u okviru toga, pošto svakako imamo i Službu koja je zadužena za to rješavanje a koja prije, koja je zadužena za rješavanje da ona se uključi, a hajde, što da ne kažemo ta Služba za stambene poslove bila je jedno vrijeme najnepopularnija služba.

Svi znamo da se svi otimaju za funkcionerske fotelje i da žele da budu u tom nekakvom statusu pomoćnika načelnika. A nekad davno 2000-te godine niko nije želio da bude šef Službe za stambene poslove, odnosno za boračka pitanja. Tad je to bilo u tom smislu, a sad je to vezano jedno s drugim.

Iz problema koji su bili, evo danas mi je drago da mogu da kažem da rješavanje stambenog pitanja šehidski porodica velikim dijelom, uz naravno zasluge tada Opštine, jeste i Pomoćnika načelnika za boračka pitanja i niko nije htio ni tu službu pa kada smo imali pravo kao Stranka, kao parlamentarna po broju osvojenih mjesta, tada je bilo postavljanje u službama na osnovu dobijenog stranačkog rezultata na izborima, mi smo svima rekli ostavite, ono što vi nećete mi ćemo uzeti. I svi su ostavili tu boračku službu i Edim Kadić je preuzeo tu Službu, napravio savršen rad i nakon toga su se svi otimali ko će biti nakon njega kada je on napustio i otišao na mjesto gdje je radio prije svojom voljom naravno. Svi su se otimali za tu Službu.

Danas je to jedinstvena služba. Služba za boračku zaštitu i stambeno zbrinjavanje, dakle teret je sada na jednoj osobi. Rasterečni su brojnih ovih drugih problema, ali hajde da pokušamo na ovaj način da Službu ojačamo i da bude još korisnija i građanima, odnosno mi svi evo nekakvim ovakvim prijedlozima kako da onima koji nisu u mogućnosti, a većina nije danas obezbijedimo uslov za stambeno zbrinjavanje. Hvala.



## **JOZO NIŠANDŽIĆ**

Hvala. Ispred klubova. Izvolite dalje. Azra Gazibegović, ispred Kluba vijećnika Socijaldemokratske partije SDP. Izvolite Azra.

### **AZRA GAZIBEGOVIĆ - vijećnik Socijaldemokratske partije**

Hvala predsjedavajući. Pozdravljam sve prisutne. Bajram Šerif Mubarek Olsun svima koji slave. Pa dakle, evo u uvodu smo vidjeli šta zapravo podrazumijeva a) STRATEGIJA NEPROFITNOG SOCIJALNOG STANOVANJA GRADA TUZLA 2017. – 2021. GODINA i zaista što se tiče ovog materijala nema potrebe išta da se doda jer ona sadrži sve one bitne segmente koje jedna strategija treba da sadrži.

Porazna je činjenica jel da mi nemamo uređeno zakonodavstvo u Bosni i Hercegovini pa to može biti jedan od naših zaključaka da zapravo ide.

Tako da se takav jedan zakon usvoji na nivou Bosne i Hercegovine i evo mi u gradu Tuzla smo vidjeli iz prezentacije ovog materijala da imamo 22 stambene jedinice koje su namijenjene za socijalno stanovanje i da je u planu da se izradi, odnosno uredi novih 210 stambenih jedinica, odnosno izgradi 210 stambenih jedinica u narednom periodu.

I vidjeli smo dakle da se ovim neprofitnim socijalnim stanovanjem obuhvataju prvenstveno raseljena lica, a onda i socijalno ugrožene kategorije stanovništva.

U Strategiji jeste predviđena jedna od kategorija i da su to mladi bračni parovi, ali evo mi možemo zaključkom i da podebljamo jer svi smo mi svjesni situacije kojoj živimo, dakle svjesni smo da živimo jako teško i da postoji mnogo mladih ljudi koji bi zasnovali svoju bračnu zajednicu, međutim, taj polazni osnov, odnosno stambeno pitanje nemaju riješeno i na taj način im se otežava da uopšte zasnuju bračnu ili vanbračnu zajednicu.

Ali evo, kada se već odluče da zasnuju bračnu zajednicu, onda imaju otežavajuću okolnost i nemaju tu polaznu osnovu koja im je izuzetno bitna da bi dakle uspjeli u toj svojoj nakani.

S tim u vezi ću predložiti jedan zaključak ispred Klub vijećnika i vijećnica SDP-a jer smo mi imali juče sjednicu Kluba vijećnika i vijećnica i zaključili smo da danas predložimo da se u narednom periodu kada bude izrada da li nekog akcionog plana ili neke nove revidirane strategije, s obzirom da ste vi ovdje i predvidjeli svojim preporukama da postoji mogućnost ukoliko bude potrebe za tim, da Gradska uprava može da dakle traži da se izvrše izmjene i dopune ove strategije, da se vodi računa i o mladim bračnim parovima i evo podržavam i zaključke, odnosno prijedloge koje je i iznio predsjednik Kluba Bosanske stranke. Hvala.

## **JOZO NIŠANDŽIĆ**

Hvala. Izvolite dalje. Ako nema. Otvaram raspravu klubova. Nema. Zaključujem raspravu klubova.

Otvaram raspravu vijećnika. Prvi se javio gospodin Mujić Mehmed, kao predsjednik nacionalni manjina iz reda SDP-a. Izvolite.

**MEHMED MUJIĆ – iz reda nacionalnih manjina  
vijećnik Socijaldemokratske partije**

Hvala predsjedavajući. Poštovane kolege i kolegice, poštovano javno informisanje mediji. Bilo da je, pogotovo moja inicijativa urodila plodom u ime Kluba SDP-a Socijaldemokratske partije koji sam bio pokretač 2008. godine i gdje vidimo da je ratifikovan dokument od strane Vijeća ministara Bosne i Hercegovine u saradnji sa Ministarstvom za ljudska prava BiH kada je u pitanju socijalna kategorija stanovništva.

Svu pofalu moram dati Gradskoj upravi Tuzli. Obaveznu pofalu dati gradonačelniku Grada Tuzle koji je prifatilo i koji je trenutno direktno se bavi za socijalna pitanja jer mi smo ta kategorija i pogotovo koji se bavimo za socijalna pitanja. Mi ćemo nastaviti u saradnji sa ovom Službom da što više obuhvatimo za socijalne kategorije stanovništva da imaju što bolji i sigurniji život.

Jedan od najbolji primjera, prije nekoliko godina možemo vidjeti u mjesnoj zaednici Kiseljak u kojem su građani živili, danas su razne promjene u toj naciji, isto ove godine je šest osoba ukupno 30 porodica uselilo u nove zgrade koja je vrijednost bila negdje oko 250.000 maraka i svake godine u kontinuitetu se izdvaja finansijska sredstva i mi ćemo nastaviti saradnju sa gradonačelnikom i sa službama i u saradnji sa Ministarstvom za ljudska prava BiH i sa Evropskom unijom da vidimo što više finansijski sredstava da se obuhvati i da se pomogne socijalnoj kategoriji ranjivi ovi kategorija.

Jedan od pokazatelja gdje smo ove godine četiri zgrade na području grada Tuzle, u saradnji sa gradonačelnikom i sa našim službama za 210 osoba i vidimo da je došlo do povećanja broja stambenih jedinica u odnosu na drugi kantona i drugi opština i Tuzla je uvijek bila primjer i na osnovu naših pokazatelja, naših rezultata počele su primijeniti i druge opštine.

A Tuzla je pokazala svoj najbolji dio da takvim kategorijama trebamo nastaviti i mi ćemo nastaviti u kontinuitetu, a u januaru, ako bog da, imamo i pregovore sa Evropskom unijom da što više izdvajamo od imovine za izgradnju stambenih jedinica i ja čak i to u ime gradonačelnika u ime Gradske uprave građanima u mjesnoj zajednici Kiseljak koji su uselili u nove zgrade i da imaju bolji uslove života i s tim uz samu analizu i grafički prikaz vidjeli smo da je u zaključke veliki broj djece koji nisu imali krov nad glavom, danas imaju krov nad glavom i to je bolji život i to smatramo da samo takvim ubrzanom integracijom i ubrzanim reformama možemo provest i očekujemo od Službe i dajem prijedlog.

Zaključak da u saradnji sa Gradskom upravom, u saradnji sa Hilfsvergom koji je implementator da što više realizujemo projekte i apliciraju Evropskoj uniji, a i da pregovaraju sa Ministarstvom za ljudska prava i sa Sektorom romskog nevladinog sektora. Hvala.

**JOZO NIŠANDŽIĆ**

Hvala. Ne vidim više niko da se javlja. Zaključujem raspravu vijećnika.

Idemo na izjašnjenje, molim vas, icemo posebno pod a) i pod b).

Znači ko je za a) STRATEGIJU NEPROFITNOG SOCIJALNOG STANOVANJA GRADA TUZLA 2017. – 2021. GODINA, molim da digne ruku? (26) Ima li neko protiv? (Nema.) Uzdržan? (Nema.)

Konstatujem da je 26 vijećnika glasalo za, nema niko protiv, nema suzdržan, te je jednoglasno usvojena a) STRATEGIJA NEPROFITNOG SOCIJALNOG STANOVANJA GRADA TUZLA 2017. – 2021. GODINA.

Ko je za b) LOKALNI AKCIONI PLAN SOCIJALNE INKLUZIJE RASELJENIH OSOBA I POVRATNIKA U GRADU TUZLA, molim da digne ruku? (27) Ima li neko protiv? (Nema.) Uzdržan? (Nema.)

Konstatujem da je 27 vijećnika glasalo za, nema niko protiv, nema suzdržan, te je jednoglasno usvojen b) LOKALNI AKCIONI PLAN SOCIJALNE INKLUZIJE RASELJENIH OSOBA I POVRATNIKA U GRADU TUZLA.

Molim da čujemo prijedlog zaključaka i da se izjasnimo i o njima.

1. Gradsko vijeće Tuzla traži od Skupštine Tuzlanskog kantona, da usvoji Zakon o socijalnom stanovanju u kojim će osim uređenja pitanja zakupa socijalnih stanova pod povoljnim uvjetima, biti predviđena i mogućnost učešća Grada Tuzla i svih općina na području Tuzlanskog kantona u subvencioniranju kamata na kredite za socijalne stanove, posebno mlade bračne parove.

2. Nadležne gradske službe za upravu će pristupiti aktivnostima, da se u skladu sa Zakonom pomogne mladim bračnim parovima, da pod što povoljnijim uvjetima riješe svoje stambeno pitanje.

3. Gradsko vijeće Tuzla traži, da se kod izrade Akcionog plana revidirane Strategije da se vodi računa o mladim bračnim parovima.

4. Gradsko vijeće Tuzla, traži aktivno učešće svih resornih službi na izradi i konkurisanju sa projektima, na projektima izgradnje zgrada za socijalno stanovanje prema predpristupnim fondovima Evropske unije, uvažavajući mišljenje nevladinog sektora.

5. Gradsko vijeće Tuzla, traži da se ojača Služba za boračko-invalidsku zaštitu, stambene poslove i reintegraciju raseljenih osoba.

Ovo su prijedlozi znači zaključaka, ko je za ovako predložene zaključke, molim da se izjasni? (28) Ima li neko protiv? (Nema.) Uzdržan? (Nema.)

Konstatujem da su predloženi zaključci jednoglasno prihvaćeni 28 vijećnika je glasalo za, nema niko protiv, nema suzdržan:

1. Gradsko vijeće Tuzla traži od Skupštine Tuzlanskog kantona, da usvoji Zakon o socijalnom stanovanju u kojim će osim uređenja pitanja zakupa socijalnih stanova pod povoljnim uvjetima, biti predviđena i mogućnost učešća Grada Tuzla i svih općina na području Tuzlanskog kantona u subvencioniranju kamata na kredite za socijalne stanove, posebno mlade bračne parove.

2. Nadležne gradske službe za upravu će pristupiti aktivnostima, da u skladu sa Zakonom pomogne mladim bračnim parovima, da pod što povoljnijim uvjetima riješe svoje stambeno pitanje.

3. Gradsko vijeće Tuzla traži, da se kod izrade Akcionog plana za provedbu Strategije i Revidirane strategije vodi računa o mladim bračnim parovima.

4. Gradsko vijeće Tuzla, traži aktivnije učešće svih resornih službi na izradi i konkurisanju sa projektima izgradnje zgrada za socijalno stanovanje prema predpristupnim fondovima Evropske unije, uvažavajući mišljenje nevladinog sektora.

5. Gradsko vijeće Tuzla, traži da se ojača Služba za boračko-invalidsku zaštitu, stambene poslove i reintegraciju raseljenih osoba.

Prelazimo na treću tačku Dnevnog reda:

## **INFORMACIJA O AKTIVNOSTIMA OPĆINSKOG/GRADSKOG VIJEĆA TUZLA U MANDATNOM PERIODU 2012. - 2016. GODINA**

Predlagač je Kolegij Gradskog vijeća.

Obrađivač je Stručna služba Gradskog vijeća.

Materijal su razmatrali Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za komunalna pitanja i pitanja mjesnih zajednica, Komisija za saradnju sa jedinicama lokalne uprave i samouprave, Komisija za mlade, obrazovanje i sport, Komisija za poduzetništvo, Komisija za predstavke i prijedloge, Komisija za zaštitu prava nacionalnih manjina, Komisija za jednakopravnost spolova, Komisija za odlikovanja i priznanja, Komisija za kulturu i kulturno-historijsko i prirodno naslijeđe, Komisija za stambena pitanja i klubovi vijećnika.

Otvaram raspravu.

Pitam vijećnike da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. Vidim gospodin Ajanović je digao ruku. Izvolite gospodine Ajanoviću.

### **MIRNES AJANOVIĆ**

Hvala predsjedavajući. Zadovoljstvo i čast da evo otvorim u ime svih nas tačku INFORMACIJA O AKTIVNOSTIMA OPĆINSKOG/GRADSKOG VIJEĆA TUZLA U MANDATNOM PERIODU 2012. - 2016. GODINA.

Prođe kao da je bilo juče. I to je ono što je najbolje u ovim mandatima, prođu bez obzira koliko ko mislio da je bitan, važan, prođe mandat. I onog dana kada dođe zadnja sjednica, okrenu se iza sebe, kao ode onako, prošlo.

Ja sam to dosta puta imao priliku vidjeti, ja sam brojne ispratio, dopratio. Evo dvije decenije sam praktično vijećnik. Nastariji vijećnik sam u ovom Vijeću, gotovo dvije decenije. Najstariji vijećnik u ovom Vijeću, a ne izgledam toliko loše, je li. Nisam po godinama, jesam po stažu.

Još odavno dakle, dok je ovde kao sekretar u ovoj sali bio današnji gradonačelnik Jasmin Imamović i tada sam faktički u Vijeću, još od tog vremena. Bilo je neobično, a pogotovo meni, vas, ne vjerujem da je iko bio od vas tada u Vijeću i sigurno nije, dok je jasmin Imamović obavljao dužnost Medihe Nuhbegović. Pa možda to bude kakav slijed da imamo i dama na vrhu Grada Tuzle.

A u startu, kada već govorimo o sekretaru treba napraviti zaključak danas, obaveza je svih nas, Stručnu službu Gradskog vijeća da pohvalimo, na čelu sa sekretarom Medihom Nuhbegović. Taj zaključak da ide prvi. Jer sve ovo što smo mi uradili, pa na kraju i ovaj materijal koji danas imamo, a kroz njega vidimo sve ono što smo prošli, je realizovano i zahvaljujući Stručnoj službi, a na čelu sa Medihom Nuhbegović.

U Stručnoj službi su neki od početka, neki su se mijenjali službenici, Mediha je tu bila uvijek, u prošlom mandatu, u ovom mandatu i radi se, po mom mišljenju, o savršenom radu i da to do sada nisam imao priliku vidjeti niti na jednom nivou da neko na ovakav način, kako to radi

Mediha Nuhbegović, sekretar Gradskog vijeća, odražuje da uvijek ima sve informacije koje su potrebne. Da faktički čita informacije svih službi i na svim sjednicama, posebno Komisija za statutarna pitanja i propise, ukoliko eventualno ili nema službenika, ili nije mu moguće da pojasni ono što mi tražimo kao odgovore, od Medihe Nuhbegović uvijek dobijemo kao pojašnjenje tako da je to impresivan rad.

Dakle, pored ovog o čemu imamo u materijalu da kažemo, treba istaći i ovaj dio. Opet moramo reći da ovakav rad Vijeća je zahvaljujući i predsjedavajućem Iliji Jurišiću, Nadi Mladini koji su svima nama omogućili da možemo djelovati. Nije bilo ispada u smislu onemogućavanja da neko govori, da neda mu se prilika. Tao je ono što je najvažnije i što treba da radi predsjedavajući.

Dakle, omogućiti svima da kažu bez obzira koliko se nije sviđalo. Nekad može biti prigovora, ali nije bilo faktičkog onemogućavanja bilo koga da ono što želi može reći. Bez obzira na poslovničko vrijeme i broj izlazaka. Nekada se i većinom se to nije niti brojalo, niti gledalo, niti vodilo računa. Jeste više za nas iz parlamentarne većine, koja se najviše opominjala od predsjedavajućeg trebam skratit, trebam završit. A po nalogima opozicije tzv. ili kako hoćete, zvane, a nije nikad, ja nisam nikad primjetio da je bilo ko rekao iz parlamentarne većine predsjedavajućem de sad sklonite ovog za govornice jer mu je isteklo vrijeme po Poslovniku.

To je prednost ovog Gradskog vijeća. Ova današnja diskusija u stvari eto to malo podsjećanje na ove četiri godine koje jesu bile drugačije u odnosu na vijeća u svim prethodnim godinama, još od kad je došlo do konstituisanja parlamentarizma u gradu Tuzla, opštini Tuzla, poslije rata, poslije agresije evo do danas.

Imali smo u proteklom mandatu okolnost da na ovom Vijeću nije baš bilo lako raditi i djelovati kao što je bilo ove četiri godine. Dakle, mandat prije ovog. Bile su netransparentne sjednice, nije bilo prenosa sjednica Vijeća, bilo je nekakvih odluka u Poslovniku o zabrani ulaska na sjednice Vijeća, o tome da predsjedavajući, zamislite da su čak donijeli takvu odluku da su ljude doveli predsjedavajuće u vrlo neugodnu poziciju da vijećnika može izbaciti sa sjednice ako nešto govori što se nekom ne sviđa.

Da se može pozvati obezbjeđenje koje je bilo zaduženo, ne da čuva vijećnika, nego da istjera vijećnika koji bude ostranjen ako ne bude htio, pod prijetnjom i upotrebom fizičke sile.

Zamislite situaciju da je to predsjedavajući ili predsjedavajuća Nada Mladina tada koristila da kaže, evo vi izlazite sa sjednice, naravno vijećnik neće i da naredi službi obezbjeđenja da ga uzme izčupa iz klupa ili nešto slično zamislite to vrlo.

Sabahudin Imamović kaže da su to bila dobra vremena. Pa, neko je to, zna se ko je izglasao. A izglasao je i SDA tada i oni su glasali za to. Da ne bude zabune i SDA koja je bila opozicija je tada glasala za takvu odluku i Sabahudin Imamović.

Nije bio predsjednik, kasnije je unaprijeđen da je glasao već za takvu odluku. Kada već s mjesta govori da ga podsjetim. Zamislite. I današnja opozicija i tadašnja opozicija u Gradu Tuzli glasala je za odluku da se vijećnik može tući, bukvalno, od strane snagatora raznih kupljenih, angažovanih gradskim Budžetom, da tuku vijećnike koji kažu ono što misle.

E to se promijenilo ulaskom BOSS-a u parlamentarnu većinu. Nismo tražili ništa. Ama baš ništa, osim da tražimo sve na način da imamo punu transparentnost rada, ne Vijeća, svih ustanova službi, javnih preduzeća i ustanova. Biranje svih tih koji se imenuju u upravnim odborima, nadzornim odborima, da ide javno preko Vijeća. Da se brišu iz Posovnika te odredbe o zabrani prisustva sjednicama građanima, novinarima nekim. O tome da se vijećnik može tući, izbaciti i sve se uspjelo.

Između ostalog, govorim u najkraćem, sve je usvojeno i predloženo od parlamentarne većine, pa na kraju, eto i te opozicije. I danas nema toga. Danas možemo reći da smo najtransparentnija zakonodavna institucija. Donosimo odluke sa zakonskom snagom, dakle kao predstavničko tijelo lokalne zajednice, da smo najtransparentnija zakonodavna institucija.

Niko ne radi ovako kao Vijeće. Puna transparentnost rada Vijeća ogleda se kroz prenos lokalne RTV, Radio TV 7, putem portala objektivno.ba. Oni čak imaju arhivu svih sjednica. A sve sjednice Gradskog vijeća. Sve prve, pa i ova će biti i bit će u arhivi, ostaju na tuzla.ba, dakle zvaničnoj web stranici Grada Tuzle.

Nadam se da naredni saziv Vijeća neće donijeti nikakvu odluku da se to skloni, da više ne postoji. To treba biti obaveza svima. I još jedan zaključak. Da se odluke koje su dakle vezane za transparentnost rada Vijeća i izvršne vlasti. Preporučujemo da u narednom sazivu Vijeća ostanu na snazi uključujući dakle i okolnost da na web stranici budu zadužane i dalje emitovane i predstavljene sjednice Gradskog vijeća u video i audio i video formatu i svi zaključci, kao što je to do sada.

To dakle nema niko. Svi gradovi, bilo koju sjednicu otvore, bilo koji pola sata, sat da pogledaju bilo koje sjednice, vidjet će puni angažman vijećnika ovog Gradskog vijeća u izvršenju svojih obaveza prema građanima.

Ovdje mogu reći da treba, pa eto nekakvu vrstu, odati priznanja ne samo parlamentarnoj većini nego i opoziciji koja je bila i konstruktivna i nekonstruktivna. Koja je bila nekada i kritički opravdano nastrojena. Kada namjerno opstrukcionaški nasrojena ka određenim tačkama, ali zahvaljujući i brojnim manipulacijama, pa i neistinama i pokušajima otežavanja rada Vijeća, mi smo bili još bolji.

Upravo je to bio motiv da budemo jači. Da se ne dozvoli da pogriješimo, da neka odluka eventualno zbog bilo kakvog, ne samo previda, nego možda nedovoljnog razumijevanja materijala, bude donesena, koja bi bila na bilo kakav način, ne šteta, nego lošija nego što bi to trebala da bude.

Dakle i takav način djelovanja, bez obzira kakav bio, dobar je podstrek za dodatno razmišljanje i dodatni oprez prilikom donošenja odluka.

I to je za mene najveća okolnost koja nekome ko je u parlamentarnoj većini, ko je dio vlasti, evo hajde da kažemo, tako i jeste, zakonodavna vlast u gradu, da budemo oprezniji.

Da ne napravimo grešku, da ne dozvolimo da budemo kao većina izabраниh zvaničnika, pa nešto mi kao sad u vlasti i mi se, pod navodima, zaboravili šta smo bili prije.

Meni je ostalo, evo i danas, ono što sam radio i prije da bez obzira što sam bio u vlassti, sve one svoje inicijative, prijedloge i način djelovanja, kakav je bio, zadržim i ja sam to i zadržao.

To dokazuju ove sjednice Vijeća koje su na tuzla.ba. Bili smo kritički nastrojeni i prema odlukama i podržali smo sve što je valjalo. Pripremali sve odluke. Kritikovali i šefove službi kada nisu valjali, javno za govornicom. Svakoga ko je dolazio, ako treba i pohvalili i time se mi možemo pohvaliti.

Edim Kadić je kasnije već kao vijećnik onome što smo mi uradili kroz angažman u zaštiti sporta, fudbala, košarke, rukometa, kada smo bili Druga liga, kada nikoga nije interesovalo hoće li Sloboda biti prvoligaš, odnosno u Premijer ligi, tad je Edim Kadić, posebno i mene inicirao. Nisam ni ja toliko smatrao da je moguće da se izvućemo koliko je Edim Kadić i mene inicirao, dao mi podstrek, pa smo i tražili na ovom Vijeću, donijeli odluke, pa i dali mogućnost gradonačelniku da razgovara sa licima koja su kasnije preuzela Slobodu, pa recimo što je

rezultiralo dovođenjem Ćire u Slobodu, pa i svim onim famoznim utakmicama koje su bile najinteresantnije u regiji, ne samo u Bosni i Hercegovini. Pa eto i ulaskom Slobode u Premijer ligu. A da smo šutjeli, da smo se predali u situaciji gdje su se svi predali, danas ne bi bili prvoligaš, pa na kraju i na vrhu.

U najkraćem ja bih, evo imam ovde prolaznicu za ove godine šta smo uradili 2013-ta mandatna ta prva godina, 2012-te je bila tek implementacija izborni rezultata, dakle nije bilo niti značajnog rada.

U 13-toj godini, ono što je meni bilo impresivno, a i danas je i biće uvijek i niko nas neće dostići, jeste situacija da smo mi trebali uraditi 83 tačke da bi bili idealni. Najbolji. Da nas svako pohvali. Da kažu vi ste fantastični. Ispunili ste Program rada u potpunosti.

Mi smo umjesto 83 tačke, odnosno materijala, realizovali ukupno 622 materijala. Plus sjednice Kolegija Gradskog vijeća gdje smo radili još 20-tak posto više, što nije uopšte došlo na Vijeće, nego je Kolegij sam uradio, možemo reći da je Vijeće radilo 10 puta više nego što je idealno.

To je impresivan rezultat. To nigdje nije zabilježeno. Pa čak i ovo što imamo danas da pred izbore imamo izvještaj o mandatu, dakle samo evo dvije sedmice pred izbore polažemo račun javno građanima šta se radilo u proteklom mandatu. To je presedan.

Ni to do sada nije bilo kao praksa u zakonodavnim institucijama u Bosni i Hercegovini. Svi su bježali od polaganja računa jer je bio račun loš za građane.

Meni je dakle, danas čast da imam mogućnost da govorim o ovome. Da ćete vi imati mogućnost da kažete, pa ako neko želi i kritiku, ali taj rezultat od 622 tačke nije bio slučajan.

Već naredne 2014-te godine imali smo situaciju da je trebalo razmatrati 86 tačaka materijala. Mi smo tada 586 razmatrali.

Slijedeće godine 2015-ta 506. Evo sada imamo ovaj dio u ovoj 2016-toj godini, gdje ukupno imamo razmatranih 1567 tačaka. Za četiri godine na 55 sjednica - 50 redovnih, pet vanrednih i materijala 2119.

To je impresivan rad. To treba ostati zabilježeno. Po meni treba napraviti nekakvu vrstu priznanja ovom Gradskom vijeću, ne pojedincima, nego Gradskom vijeću.

Ne da dajemo sami sebi, nego objektivno treba ostati zapisano to da je ovo Vijeće radilo impresivno. Bez obzira ko će biti kasnije, ko će doći ili šta, da ima obavezu, dakle jedna vrsta poruke svim narednim izabranim zvaničnicima da i u ovom segmentu slijede rad Gradskog vijeća, a ne recimo nekih. Evo vidite, pogledajte malo me iznenadio stav komisije, kažu ogroman broj tačaka, posebno onih naknadno uvrštenih u dnevni red, otupljuju oštricu u realizaciji bitnih tačaka dnevnog reda, te treba smanjiti na optimum. Ovo je sramota.

Ovo Komisija nije smjela uraditi za komunalne poslove. A što je uradila? Jer im smeta što ih natjeramo da rade. Zato što upravo najveći dio upravo ide na komunalnu infrastrukturu.

Ovaj izvještaj je ružan. Dozvoliti sebi ovakvu brutalnost da ovakav impresivan rad minimiziraju, je sramota za ovu Komisiju.

I ovaj izvještaj smatram, u ovom dijelu da je netačan, neistinit, neosnovan i šteti Gradskom vijeću Tuzla.

Volio bi da sam imao priliku prije da dobijem ovakav izvještaj i da tražim smjenu svih članova Komisije i da ih smijenimo. Sad je kasno.

Dakle, niko ne smije, zato tražim ovaj zaključak, da ovo što smo uradili, način rada, uvrštavanja tačaka u dnevni red u okviru Poslovnika, mi nismo uradili ništa protiv poslovnički nego je svako od nas razmišljao kada dođe prijedlog za Kolegij Gradskog vijeća, za termin

održavanja, pa i nakon Kolegija do onih 48 sati prije sjednice, šta to može uraditi dovoljno da bi poboljšao svoju aktivnost u zaštiti interesa građana, a ne da sjedi i da kaže dobro mi došlo što imam manje tačaka. Završit ću prije sjednicu, za sat, dva, ja odo kući i odo nešto drugo da radim.

Mi smo ovde znali sjediti i po 12 sati. I više od toga, bez prekida raditi, djelovati kako bi ispunili obavezu prema građanima. I nebitno je koliko tačaka.

Ko se prihvati ove dužnosti treba da je i završi na način da bude prisutan, ako mu je već mrsko se pripremati. (JOZO NIŠANDŽIĆ – Jeste li blizu kraja?)

Jesam blizu kraja. Ovo je posebna tačka, pa ako se ne protivi neko, ako se protivi, izaću ja kasnije pa ću nastaviti i zaokružimo ovaj dio djelovanja koji je, ne bih, prošao bih samo kroz ove vrlo bitne stvari.

Evo recimo 13-te godine dobili smo ovih okolnost i mogućnost dobijanja i dobijamo 26.000.000 kredita. Gdje smo dobili kredit od 12.000.000 za 0,7% kamate, deset godina otplate, dvije godine grejs period. A onda 14.000.000 poklon.

I toj realizaciji, pod patronatom Međunarodne zajednice, novčana sredstva će biti dakle u rukama Međunarodne zajednice. Nakon projekta i odluke izvođača radova uplaćuje se njima na račun. Dakle, Grad nema nikakve mogućnosti kontrole u smislu da zloupotrijebi sredstva. Što je vrlo značajna odluka.

14-te godine, ono što je meni posebno drago što smo mi uradili u ovom gradu, pa i prošli saziv Vijeća, jeste sigurnost grada.

Grad Tuzla je najsigurniji grad u Bosni i Hercegovini. Slobodno gadom možete proći kad god želite. Niti ko razmišlja o tome da može biti ugrožen.

A bio je ugrožen. Imali smo sličnu stvar, kao što je na žalost u Sarajevu da imamo grad podijeljen po interesnim zonama, razni bandi. Ali kad god se desilo nešto u Tuzli, kad god se desilo da su lica koja se bave takvim vrstama kriminala, uradile okolnost ugrožavanja sigurnosti građana, mi smo imali vanredne sjednice.

Dovodili smo ovde i policiju i tužilaštvo i sud, praktično pred njima tražili brojno preduzimanje mjera i uspjeli smo u tome da se spoznalo da nećemo dozvoliti da bilo ko narušava sigurnost grada. Rizikujući naravno i nas. Mi smo se isturali takođe naprijed. Nismo imali nikakvu zaštitu.

Ali evo uspjeli smo i u tome i zahvaljujući nama, kao Gradskom vijeću, naravno i svim ostalim organima koji su poštovali naše odluke, brojne zaključke koji su se mogli implementirati na svim nivoima vlasti. Dakle, svi nivoi do države su mogli usvojiti naše zaključke i pomoglo bi svima da bude sigurnija životna sredina, ali mi u gradu koliko smo mogli to smo i uspjeli uraditi.

14-ta godina znamo da je bila zanimljiva po svemu što se događalo i protestima februarskim, ali i klizištima.

Bio sam na izborima na FTV 14-te godine. I s druge strane pita novinarka, kaže šta evo vi, da ste vlast, šta bi vi uradili da vas zatekne ovakva situacija klizišta.

I sjedi s druge strane predstavnik njihove stranke, ne mogu reći naše stranke, nego tako se zove Naša stranka, ali to je njihova stranka, onaj Denis, a Muhamed je prije bio, sad Denis, Braco bio nešto drugo nije ni važno i napadne on novinarku kaže što nam niste rekli da ćete to pitati da se mi kao pripremimo šta bi mi uradili. Zamislite tu situaciju.

Ja nisam vidio veću sramotu. Ali eto. A zamislite mene koji sam sa punom snagom svih aktivnosti koje smo mi uradili kao Gradsko vijeće, svi mi i pozicija i opozicija, odgovorio na to pitanje.



Nisam govorio šta bi mi uradili, nego šta je Grad Tuzla uradila po svim okolnostima kada su počela klizišta.

Prvi smo proglasili opštu, javnu opasnost. Donijeli odluke koje se tiču zbrinjavanja građana, sve prijedloge koje su kasnije prepisali na federalnom nivou kao zakon i iz tih odluka mi smo predložili da ide i na viši nivo i prihvatili su to kao zakonske odluke.

Taj naš impresivni rad, način djelovanja, koliko omogućava nama svima, kada se nađe neko u situaciji, ne da kažemo šta bi radili, nego šta smo uradili.

I danas sam ponosan zbog toga, a zamislite u toj emisiji koliko mi je bilo drago kad sam počeo da rešetam, bukvalno, šta je sve urađeno. Neću sad evo to sve piše ovde.

Ono što je meni posebno draga 14-ta jeste 30. 10. 2014-te, konstituirajuća sjednica Gradskog vijeća Tuzla. mi smo prvi saziv Grada Tuzle i Gradskog vijeća Tuzla, pa eto na moju inicijativu. 7. novembra 2006-te godine inicirao sam tu tačku. Već u januaru 2007. godine donesena je Odluka i od tada smo se borili da budemo Grad. Mi nismo mogli kao Grad donijeti zakon, ali nismo niti bili u mogućnosti u sedam godina da postanemo Grad jer se tada predlagalo i tražilo da budemo grad sa više administrativni jedinica što je bila okolnost namjere moguće i najvjerovatnije podjele grada na nacionalne opštine.

I nismo, pod cijenu da ne budemo Grad prihvatili to. Ostajali smo i opet neću zaboraviti kada smo otišli kao delegacija, ovdje su većinom predsjednici klubova, od predsjednika klubova bili kod Nermina Nikšića, tada je bio premijer, prije, dakle u 14-toj godini, prije pred kraj dakle 2014-te, 13-te godine bili smo u delegaciji da rješavamo probleme naših boraca koji su se borili, sugrađana za odbranu grada i tada sam zatražio od njega, kad je pitao imate li još šta, imamo. Dajte stavite zakon u proceduru i donesite konačnu odluku! I vrlo brzo, za već dva mjeseca, zakon je bio u proceduri i realizovano je. S ove strane ja se zahvaljujem kolegi Nerminu Nikšiću na izvršenom obećanju, pa i ono što smo imali mogućnost da zajedno i ostali su me podržali, evo ispunimo to i dobijemo taj status Grada Tuzla.

I evo pozivam i ostale gradove. Zamislite imamo Gradačac, a nije Grad. Jeste, istorijski dakle Grad. Zmaj od Bosne, a nije Grad.

A u nazivu ima Grad. Dakle i brojne opštine imaju status i mogućnost da budu proglašene Gradom.

Evo predsjedavajući neću još puno. 15-te imamo u avgustu, kada su svi odmarali, vanrednu sjednicu borimo se za (JOZO NIŠANDŽIĆ – Malo da saslušamo.) za prevoz građana da bude povoljniji, kada smo imali jedan jak atak na građane, kada je bila prijetnja sa druge strane da će se blokirati javni prevoz. Mi smo u avgustu, kada su godišnji odmori svi bili ovde.

I to je impozantan dakle rad, da ne govorim o ovih 5.000.000 koje smo uspjeli dobiti, zahvaljujući naravno i brojnim aktivnostima i gradonačelnika, godišnje za obeštećenje grada na osnovu rada Elektroprivrede.

I evo, završavam, na kraju imamo i šta se sada nalazi u fazi. Koje su aktivnosti započete da naredni saziv može uzeti ovaj materijal, pogledati u najkraćem šta se to uradilo. Šta je ostalo nezavršeno. I završava se ovaj izvještaj, da citiram, niti jedan mjesec nije napravljena pauza radi godišnji odmora koje su naprotiv, sjednice Gradskog vijeća održavane u avgustu, svake godine kako bi se odgovorilo zahtjevima građana. Bili smo dakle maksimalno aktivni.

Ja predlažem da ovaj materijal bude na web stranici Grada Tuzla. Da i to bude zaključak. Da građani mogu i kroz ovaj materijal uvjeriti se u ono šta smo mi radili u sažetom obliku. Drago mi je da smo mi, evo kolege iz SDP-a i BOSS inicirali i ovu tačku dnevnog reda, kao dio parlamentarne većine koji smo ostali u svemu onome što smo radili.

I još jednom ističem. Ponosan sam na ove četiri godine. Sam sebi sam postavljao pitanje na prvoj sjednici, kada smo donijeli odluku da budemo u parlamentarnoj većini, nakon svega onoga što je bilo prije, da li možemo odgovoriti tom zadatku, izazovu, kako ćemo djelovati, da li ćemo biti korisni.

Ne mogu reći da me je bilo strah, ne bojim se ničega, znam šta znam i šta mogu, ali jedna vrsta straha da ne iznevjerim građane jeste postojala. A onda sjednica po sjednica. Jer bojao sam se da li će biti implementacije naših rezultata, zahtjeva, svega što smo predlagali. Da li će biti opstrukcije, da li je to samo onako bilo proforme radi rečeno OK bit ćemo mi u parlamentarnoj većini, a mi da ispadnemo da smo samo onako kao dodatak.

Međutim, nije bilo toga. Imali smo vrlo konstruktivan rad. Zaista mogu reći da SDP i BOSS savršeno su savršeno sarađivali u svim odlukama koje su donesene. Prije toga, naravno bila je i Tuzlanska alternativa i Narodna stranka Radom za boljitak, ali oni su izašli, mi smo ostali nositi taj teret, bez obzira kako ga ko smatrao teretom. Moguće je da jeste teret. Najlakše je izaći pa reći, u situaciji kad možda neko nije stigao pogledati ove sjednice, ili u svemu onome što ljudi rade, oni mali igrica kad se igraju ili razni serija i svega i svačega ne stigne se pogledati ono što se radi na sjednicama Gradskog vijeća, pa sada govoriti kako eto vlast ne valja, loša je.

I ja govorim kako lošu vlast treba smijeniti. Ali lošu. Ova zakonodavna vlast u ovom Gradskom vijeću, sa svima nama, ima impresivan rezultat. Imamo nešto što će neko sigurno analizirati za nekoliko decenija kasnije, možda i prije. Jer niko u Bosni i Hercegovini nije radio kao ovo Gradsko vijeće u proteklom mandatu, tako da ja svima vama, kolege vijećnici, kolegice vijećnici, dragoj i sekretaru Medihi jer je svima nama izlazila u susret kada god smo zatražili dakle i predsjedavajućim Nadi Mladini i Jozi Nišandžiću, upućujem zahvalnost za stanje u kojem možemo reći da smo ponosni za rad u proteklom mandatu.

Čestitam vam na radu uz naznaku da ovo postaje i mora biti obaveza u narednom sazivu Gradskog vijeća, da slijede rad ovog Gradskog vijeća u ovom proteklom mandatu. Hvala.

## **JOZO NIŠANDŽIĆ**

Na redu je gospođica Dajana Bakić, ispred Kluba Socijaldemokratske partije, a neka se pripremi gospodin Kasumović Elvir, pa iza njega ide Sabahudin. Kako ste se prijavljivali, tako sam vas upisivao.

## **DAJANA BAKIĆ - vijećnik Socijaldemokratske partije**

Hvala. Poštovani predsjedavajući, poštovana zamjenice predsjedavajućeg, sekretarko, vijećnice i vijećnici, predstavnice i predstavnici gradskih službi, gošće i gosti, predstavnice i predstavnici medija, sve vas srdačno pozdravljam.

Ja imam tu odgovornost, ali i zadovoljstvo da u ime Kluba vijećnika i vijećnica SDP-a Bosne i Hercegovine u ovom Gradskom vijeću, iznesem naše stavove o INFORMACIJI O AKTIVNOSTIMA OPĆINSKOG/GRADSKOG VIJEĆA TUZLA U MANDATNOM PERIODU 2012. - 2016. GODINA.

Kao što se da vidjeti iz same informacije, dakle koja je sadržajna i sažeta možemo zaključiti dakle da jesmo imali jako uspješan mandat iza sebe. Puno smo radili. Imali smo kolektivnu ali i individualne odgovornosti da doprinesemo dakle da se naš grad razvija u pozitivnom smjeru i da mi kao Gradsko vijeće, kao predstavničko tijelo građana i građanki, mi

koji smo izabrani i izabrane da ih ovdje predstavljamo i donosimo odluke koje su vezane za njihove živote, radimo sve što je u našoj mogućnosti je li da se ispoštuje ono što smo stavili pred sebe ali i da ispoštujemo odgovornost dakle koju imamo ovdje kao vijećnice i vijećnici.

Iza nas je i kompleksan mandat. Bilo je dosta novina, bili su promjenjivi politički odnosi od samog početka. Generalno vlada nepovoljna socijalna klima u društvu. Imali smo nepredviđene situacije je li kada su, naročito 2014-te godine kada smo svjedočile i svjedočili poplavama i protestima građana i građanki gdje je administrativna zgrada Gradske uprave gorila.

To su sve situacije koje su nas stavile u stanje pripravnosti, ali gdje smo mi imali veliku odgovornost i sinergiju da još više radimo i ulažemo još više naše energije, kako bi riješili postojeće probleme.

Meni je drago da smo u tim situacijama dakle zadržali tu kolektivnu odgovornost i jedinstvo u smislu da donosimo najbolje odluke, da riješimo te probleme u pozitivnom smjeru.

Ono što je najbitnije jeste da smo na početku svake godine većinom usvajali Budžet Grada Tuzla i time odlučivali da se nesmetano realizuju sve aktivnosti koje su predviđene Budžetom da time ne trpe dakle građani i građanke i svi oni projekti koji su išli u pravcu razvoja našeg grada i da se ispoštuju dakle sve one obaveze koje smo recimo i mi imali i da smo usvajali dakle jednoglasno svaki put program rada Gradskog vijeća i u ovoj informaciji vidimo da je ono što smo pred sebe postavljali na početku svake godine ispoštovano i u većem postotku nego što smo sami predvidjeli. One stvari koje nisu ispoštovane, evo stoji napomena na kraju samog materijala da je to zbog uglavnom objektivni okolnosti u smislu da neke informacije i neke stvari nisu riješene na višim nivoima ili nisu pravovremeno bile dostavljene ovom Gradskom vijeću na razmatranje i usvajanje.

Ono što se vidi dakle iz ove informacije i što možemo mi zaključiti, s obzirom da smo svjedočile i svjedočili samim prisustvom i učešćem u raspravama na ovom Vijeću, jeste da smo mi sve odluke i sav onaj materijal koji je obiman a koji je evo moj predhodnik napomenuo i što stoji na kraju u zaključnim razmatranjima ove informacije. Dakle, radi se o 55 sjednica Gradskog vijeća, preko 2000 materijala, odnosno tema i dokumenata koje smo mi raspravljali, bez pauze u toku ljetnih mjeseci, što je bio i predhodno slučaj, dakle između trinaest i četrnaest sjednica Gradskog vijeća jeste da su sve te odluke i sve te teme pratile Strategiju razvoja grada Tuzle do 2026. godine. Dakle, mi smo u predhodnom mandatu, u skladu s tim usvojili i Prostorni plan grada Tuzla koji je pratio saobraćajno-prostorni plan grada Tuzla. Dakle, određene odluke koje su, a evo spomenut ću možda i one koje su najkrupnije, koje su donijele određene olakšice po određenim životnim pitanjima, kao što su odluke o raspolaganju nekretnina grada Tuzla, odluke koje su se ticale smanjenja naknade za gradnju čime smo se otvorili u smislu bržem i lakšem pristupu izgradnji našeg grada. Odluke o davanju u zakup poslovnih prostora na području grada gdje smo već posljednji nekoliko sjednica je li svjedoci smo i svjedočili pozitivnoj implementaciji same odluke. Odluke o davanju u zakup državnog zemljišta u smislu razvoja primarne poljoprivredne proizvodnje, odluke o gospodarenju poljoprivrednim zemljištem, čime smo mi dakle, a u skladu sa raspravama na našoj tematskoj sjednici o lokalnom ekonomskom razvoju, stvorili preduslove dakle da se ovaj naš grad, naša lokalna zajednica razvija u pozitivnom pravcu kada je u pitanju poljoprivreda, privreda i generalno ekonomija dakle da dostignemo bolji i viši nivo kada je u pitanju dakle ekonomski razvoj našeg grada.

Mi smo izlazili izvan svojih okvira, kao lokalna zajednica, zaduženi smo za lokalnu infrastrukturu i predškolski smještaj ali sve naše odluke što se može svjedočiti ne samo u ovoj informaciji i može se svjedočiti dakle u svim izvještajima sa sjednica Gradskog vijeća,

stenogramima i zapisnicima koji su dostupni na web stranici Grada Tuzla, koja je jako ažurna i koja je doživjela možda i svoj procvat u ovom mandatu jeste da su naše odluke, dakle izlazile izvan okvira u smislu da smo se bavili pitanjima koji možda i nisu izvorno u našoj nadležnosti, ali s obzirom da smo Gradsko vijeće i s obzirom da smo možda u najdirektnijem kontaktu sa građanima i građankama imamo odgovornost da stvaramo pozitivan ambijent za život ljudi u ovoj lokalnoj zajednici. Dakle, to se ogleda u različitim dokumentima, odlukama, zaključcima koji se tiču i inicijativama za izmjene zakona na višim nivoima i ono što mi je drago jeste da mi imamo pozitivnu povratnu informaciju, da one inicijative za izmjene zakona na višim nivoima koje su olakšavale nama da donosimo određene odluke koje će praktično dakle poboljšati život građana i građanki iz određenih oblasti da su naišle dakle na pozitivan pinpek od strane viših nivoa vlasti.

Neki nisu i još uvijek nas sprečavaju da rješavamo neke stvari na terenu, ali je evo u narednom mandatu nadam se da će vijećnice i vijećnici imati tu istrajnost i dosljednost dakle da dalje iniciraju i urgiraju da se te stvari rješavaju.

Dakle, različita pitanja iz oblasti stambene politike. Dakle, već sam rekla, ekonomskog razvoja koja je uzrokovala dakle da imamo i regulacione planove o kreiranju poslovnih zona u našem gradu, regulacionih planova koji tretiraju dakle izgradnju dakle poslovnih zona, ali ono što nije zanemarivo i svakako je za pohvalu u našoj lokalnoj zajednici jeste socijalna politika i danas smo evo već imali još jedan rezultat našeg rada akcioni plan koji smo usvojili u prethodnoj tački dnevnog reda i što se dakle vidi i iz tekuće rezerve koju koristi gradonačelnik Grada Tuzla iz različitih propisa koje mi direktno raspravljamo i usvajamo da nismo zanemarili, dakle, najosjetljivije kategorije stanovništva u našoj lokalnoj zajednici koji su u stanju socijalne potrebe i da preuzimamo aktivne socijalne, da usvajamo socijalne politike i aktivne mjere dakle koji će riješiti probleme najugroženijih kategorija našeg stanovništva.

Meni je zadovoljstvo da sam članica kluba koji je 2013-te godine inicirao dakle da na dnevni red ovog Vijeća dolazi informacija koja se tiče podršci i aktivnostima i projektima mladih ljudi, što je direktno uzrokovalo da smo usvojili inicijativu kasnije o formiranju kancelarije za mlade i da iniciramo aktivnosti oko formiranja vijeća mladih grada Tuzla i trenutno je evo i u procesu izrada i strategije za mlade grada Tuzla koja će u mnogome i od ove godine imamo i budžetsku poziciju, grant za mlade koja iznosi 20.000 KM i nadam se da je to trend koji će nastaviti vijećnice i vijećnici koji budu u ovom mandatu bez obzira da li pripadaju kategoriji mladih, ali evo mi smo možda u tom smislu, osjećamo najveću odgovornost kao Klub koji ima veliki broj mladih ljudi da u tom smislu radimo.

Drago nam je da smo u tom smislu imali jedinstvenu podršku. Takođe naš Klub je inicirao, tačnije naša drugarica Nada je inicirala da se izradi Akcioni plan rodne ravnopravnosti gdje smo mi vijećnice i vijećnici učestvovali u samoj izradi u saradnji sa organizacijama civilnog društva i sa Komisijom za ravnopravnost spolova našeg grada i to je dokument koji dakle se već realizira i ono što mi moramo raditi jeste da pratimo, da izvršimo monitoring dakle samog dokumenta i da vidimo to šta smo i mi kao Gradsko vijeće ali i svi oni koji su preuzeli odgovornost da se realizuju određene stvari iz tog akcionog plana u tom smislu uradili.

Već sam napomenula da smo se susreli sa nepredviđenim situacijama na terenu i ono što mi je drago jeste da smo mi impulsivno reagovali u smislu da smo osjetili automatski odgovornost da reagujemo na krizu na terenu koju su izazvali najviše jel poplave.

Mi smo s tim u vezi imali vanrednu sjednicu Gradskog vijeća i kasnije na svim redovnim smo se temeljito, je li, transparentno bavili problemom s kojim su se susreli naše građanke i

građani u 2014-toj godini. I to su stvari koje nas i danas dan prate i svakako da treba nastaviti dok se u potpunosti ne riješe pitanja onih koji su nastradali u poplavama.

Mi smo s tim u vezi donijeli niz odluka i niz inicijativa za izmjenu zakona na višim nivoima i drago mi je da su odma reagovali i naravno i akcija, što je vidljivo i u ovom materijalu, a što je vidljivo bilo na terenu. Svi smo mi u saradnji sa ljudima iz Službe radili volonterski, radili smo 24 sata kako bi se riješili ti problemi.

Ono što je jedan problem koji nas i danas dan prati i čeme se i dalje treba baviti, a koji je izazvao je li pažnju javnosti, jeste problem javnog prijevoza, odnosno je li, s obzirom da je saobraćaj od javnog interesa morali smo se time baviti i još uvijek se treba baviti. Mi smo s tim u vezi evo i uskladu sa saobraćajnim i prostornim konceptom grada Tuzla usvojili Odluku o javnom linijskom prijevozu koji je stvorio pretpostavke da se kasnije je li dodatno reguliše ova oblast.

U toku svog rada imali smo različite informacije koje su pratile rad gradski službi i izvršenje onoga što smo mi pred njih stavili kao predstavničko tijelo građana i građanki.

Meni je drago da smo podržavali, dakle aktivnosti koje porazumijevaju međunarodnu saradnju i nastavak dakle trenda koji mi imamo, bratimljenja dakle sa nekim evropskim općinama koje su nam kasnije mnogo značile u smislu realizacije različitih projekata iz oblasti poduzetništva, poljoprivredne proizvodnje, organizacije različitih edukativnih aktivnosti za mlade ljude, za nezaposlene, za osjetljive socijalne kategorije stanovništva, to su projekti koji su pratili ulaganje finansijskih sredstava ili ulaganje stručnosti u smislu ljudskih kapaciteta i različitih resursa u naš grad i to je svakako pohvalno i meni je drago da smo mi svaki put davali tome pozitivnu ocjenu i da smo kroz sve to i davali podršku i organizacijama civilnog društva u nešoj lokalnoj zajednici gdje se krije jedno veliko blago ljudi koji su stručnjaci i stručnjakinje, entuzijasti i entuzijastkinje iz određenih oblasti koji itekako mogu dakle doprinijeti ovoj lokalnoj zajednici odlučili su se ljudi za aktivizam i drago mi je da smo našli tu način da saradujemo, našli sinergiju da poboljšamo određene specifične oblasti kojima se bave ljudi iz organizacije civilnog društva. Naravno nezanemarive su i građanske inicijative koje smo mi imali dakle u velikom broju, da li individualno kao vijećnice ili vijećnici, ili su nam dolazili na kolektivnu adresu Gradskog vijeća, ali drago mi je da smo svaki put ispoštovali dakle volju ljudi koji su nas birali, ali i volju ljudi za koje smo odgovorni da radimo. Dakle, da smo poštovali građanske inicijative i u skladu s tim poduzimali određene mjere da se riješe problemi ljudi na terenu.

Dakle, ovom inicijativom dokazujemo da se može dobro raditi. Dokazujemo da smo mi napravili dobar posao u prethodnom mandatu. Da smo zadržali kontinuitet u smislu kada vidimo tamo tabelu i preglednost našeg rada uvijek je to odprilike nekoliko stotina različitih odluka, inicijativa i dokumenata koje smo raspravljali dakle svake godine i da taj broj nije padao u skladu sa onim. Dakle, puno vremena smo posvetili ovoj odgovornoj ulozi koju smo sami preuzeli je li. Što je jako dobro da osjećamo tu odgovornost. I meni je drago da smo zadržali taj kontinuitet i da smo dokazali da prave vrijednosti traju.

Hvala vam. Mi ćemo podržati ovu informaciju.

**JOZO NIŠANDŽIĆ**

Hvala. Izvolite. Ispravka krivog navoda.

## **JASMINKA MIJATOVIĆ - vijećnik Hrvatske demokratske zajednice**

Hvala gospodine predsjedavajući. Želim pozdraviti sve nazočne i svima koji slave Bajram čestitati. Ja se sjećam inicijative kolegice Mladina i kazala sam da je nas šest vijećnica u Gradu Tuzla i da je prevažno da se donese Đender akcioni plan. Obzirom da sam osobno sačinila sažetak svog rada na nekih 100-njak stranica rada u ovom Vijeću i iskoristit ću to da pročitam da sam na šestoj sjednici Općinskog vijeća koje je održano 25. 4. 2013-te postavila pitanje u kojoj fazi je izrada lokalnog đender akcionog plana za područje grada Tuzle, jer je već đender akcioni plan bio usvojen u gradu Gradačcu.

A od Povjerenstva za ravnopravnost spolova županijskog je pokrenuta inicijativa u 2010-toj i 2012-toj svim gradskim vijećima i predsjedavajućim, dostavljena inicijativa za izradu đender akcionog plana.

Znači ovo je dopuna koju podržavajući i kasniju inicijativu kolegice Nade Mladine koju sam kazala da ću podržati, želim istaći, evo imam i datum kad je bila sjednica i kada je postavljeno to pitanje, a nakon toga je uslijedila inicijativa.

Ovo nije ispravak krivog navoda u klasičnom smislu, ali je obrazloženje obzirom na način kako je prezentirala kolegica. Hvala.

## **JOZO NIŠANDŽIĆ**

Hvala. Repliku ima gospodin Ajanović. Nadam se da nećemo sad.

## **MIRNES AJANOVIĆ**

Predsjedavajući nemojte se nadati da nećemo. Naša je obaveza da koristimo naše poslovničko pravo, pa i replike.

Čestitam kolegici na stotinu strana zabilježenog rada u ovom Gradskom vijeću. Zadovoljstvo mi je bilo da čujem dakle, da evo i na ovaj način je evidentirano ili bavili smo se šta smo to uradili u Gradskom vijeću.

Replika dakle iz razloga, ne mora biti kritika, naravno to nešto smatra se ko mi se moramo nešto kritikovati, suprostavljati, sukobljavati, ne, replika upravo iz toga. I ja sam želio da sjednem pa napravim šta je to nešto bilo značajno, a onda kad sam počeo da dodam ovi 2.119 materijala, učestvovao sam u svemu, nemam šta izdvojiti.

Dakle, sve što se radilo Klub BOSS-a je faktički bio u svakoj tački dnevnog reda. Ili smo je pripremali, ako je bila mogućnost da je pripremamo, ili smo je dotjerivali, korigovali, amandmanski djelovali, ispravljali, sugerisali, zaključcima popravljali.

Dakle, evo ostale kolege koji su bili, opet moram istaći posebno kolege iz Kluba SDP-a dakle nas kao parlamentarne većine koji smo imali obavezu nositi težinu predlaganja tačaka, bez obzira ispred kojeg organa bilo, zadovoljstvo da kažemo da smo, evo umjesto da pravimo, ovo je zaista impozantno. Neka stoji i zapisano i volio bi da imam priliku ovo pogledati i pročitati ovo što je kolegica istakla, ali je zaista impresivno da smo mi odradili i učestvovali u 1.567 tačaka.

1567 tačaka i realizaciji 2.119 materijala. Ni jednu tačku nismo profulali. Ni jedan materijal. Klub BOSS-a je bio tu za svaku tačku dnevnog reda i za odluku o svakom materijalu.

Hvala.

## JOZO NIŠANDŽIĆ

Hvala. Gospodin Elvir Kasumović, ispred Kluba Saveza za bolju budućnost. Izvolite. Pa Sabahudin iza.

### ELVIR KASUMOVIĆ – vijećnik Saveza za bolju budućnost

Zahvaljujem predsjedavajući. Evo obzirom da izlazim prvi put za govornicu želim da pozdravim sve naše građane grada Tuzle, posebno bi želio čestitati Bajram osobama koji ga je li doživljavaju i slave kao svoj praznik, a svima onima ostalim želim da sa nama zajedno u ibadetu provedu ove mubarek dane. Želim da pozdravim sve prisutne u sali.

Dosta je toga ovde što je već rečeno za ovom govornicom u stvari, mi kao Klub možemo potpisati i dosta je pozitivnih stvari rečeno i isto tako i to je dobro. Informacija je dobro sažeta, međutim, dao bi jedan prijedlog da li u vidu zaključka ili nekako već, ono što mi recimo po meni nedostaje ovde u ovom izvještaju, odnosno informaciji ponaosob rad vijećnika. Mislim da bi to dobro bilo. Obzirom da neke nevladine organizacije provode tako na većim nivoima koliko su aktivni recimo pojedini poslanici itd.

Mislim da bi to dobro bilo i da se u slijedećoj informaciji, evo da slijedeći saziv Vijeća navede koji su to jel vijećnici koji su uzimali aktivno učešće po pitanju rada Vijeća, koji su, koliko su podnijeli vijećničkih pitanja, inicijativa itd. da olakšamo jednostavno izbornom tijelu kome za slijedeći mandat jel da da daju priliku da i dalje tako aktivno rade.

Ne kažem da ovde ima ljudi koji nisu radili. Ja nisam vidio ni jedne osobe u Gradskom vijeću Tuzla recimo da nije uzela učešće u radu ovog Vijeća, ali ipak trebalo bi na neki način, dobro bi u stvari bilo da se i to u sastavnom dijelu ove informacije, za slijedeći put, obradi i iznese.

Kažem da je dosta toga od kolega, a kolege Ajanovića i kolegice Dajane izneseno itd. i mi stojimo i dosta toga potpisujemo jel kao Klub.

Osim ove je li jedne zamjerke, ne bi imao ništa drugo, osim što evo, jedino žao mi je što mi kao Gradsko vijeće nemamo svoju vijećnicu, da smo jednostavno podstanari u svome gradu, to mi malo smeta. Iako nam je od strane gradonačelnika nekoliko puta, par godina obećavano da ćemo raditi u svojim prostorijama.

Dobro bi bilo da mi, kao Gradsko vijeće, imamo i to. I mada nije to sastavni dio i ne bi trebalo da bude sastavni dio ove informacije, ali bi trebalo dati informaciju u praćenju, odnosno realizaciji inicijativa i projekata koje je ovo Vijeće donijelo.

Da se jednostavno i na taj način da informacija koliko je izvršna vlast uspjela se odazvati, odnosno pratiti rad ovog zakonodavnog organa.

Da li je to dobro ili ne, to će građani reći. Evo mi jednostavno, mi kao vijećnici znamo da smo nekoliko puta, odnosno više navrata ulagali uregencije na urgenciju itd. za određene inicijative i za pojedine projekte koje istini za volju nisu puno iziskivale određene ni finansijski ni neki materijalni sredstava, ali ne znam zbog kojih razloga nisu odrađene na terenu.

Tako da danas ova informacija je prihvatljiva i mi ćemo je prihvatiti u ovom obliku kakav jeste, uz naravno ovaj zaključak koji sam ja predložio. Zahvaljujem se. (MIRNES AJANOVIĆ – Replika.)

## **JOZO NIŠANDŽIĆ**

Repliku ima gospodin Ajanović. Opet pozitivna replika, naravno. Kolega Elvir je to vrlo sažeto, konkretno istakao, ne ponavljajući sve ono što smo mi već rekli, jer smo imali priliku da prije govorimo pa i ovo je način djelovanja Vijeća.

Želim da, upravo iz ovih razloga repliciram. Da nekada neko od vijećnika, jer je kolega Elvir govorio o radu vijećnika. Nekada kaže manje nego što mi trebalo da kaže i što misli da kaže jer su neki vijećnici izašli prije, pa su to obrazložili. Pa da se ne bi ponavljalo.

Zato su nekad neki vijećnici manje govorili i zato treba da se zna. Da se ne pomisli, evo sad kolega govodio nešto minut, dva, eventualno nije važno koliko manje od nas, pa da nešto njegov značaj rada je manji ili bilo kojeg drugog u Vijeću.

Upravo iz ovog načina efikasnog djelovanja Vijeća i eto nekad se neko javi prije, ostali uvažavaju to što je rečeno, pa se ili pridružimo ili dodamo nešto što je potrebno, ali je i to pozitivan način djelovanja ovog Vijeća i to treba zapamtiti da ne bi se desilo da neko kaže nekome e vidi ti kaže ovaj izlazio a ti si nešto kao sjedio pa nešto izađeš malo pa kažeš. Da i to bude značaj djelovanja ovog Vijeća, a evo uzput i ovo za to da smo podstanari.

Pa i to je prednost Gradskog vijeća. Niko ne voli biti podstanar. Svako voli nešto da bude gazda u svom je li, hadžija što bi rekli je li. Ali ne može.

Ovo bi bilo na uštrb novčanih sredstava koja treba dati u druge namjene. Mi smo bili pod teretom eto elementarne nepogode 2014. godine gdje je hiljadu kuća bilo ugroženo. Mi 2015-tu cijelu smo se bavili time kako da spasemo te ljude, kako da spriječimo nova klizišta ako desi se nova padavina da ne bude još više kuća.

Tek smo sad 2016-te mogli krenuti u komunalnu infrastrukturu i realizaciju svega onoga što smo planirali. Brojni projekti su odgođeni. A između ostalog i ovaj. Evo ovde stoji na kraju, dakle, šta je to unapređenje rada Gradskog vijeća na strani 22. govori se o Grafičaru. Mi imamo našu zgradu.

Imamo mogućnost da tamo pređemo. Budemo baš gazde. Da budemo dakle bos da imamo svoje gradsko vijeće, odnosno zgradu, vijećnicu. Ali zbog interesa građana i prioriteta da odradimo prioritete, ovo je ostalo za rješavanje kad bude moguće. Naravno što je prije moguće to je bolje. Ali odlučili smo se i za podstanarski status, kako bi izvršavali obaveze građanima. Pa nije važno, dođemo ovde, nije niti važno gdje je, da se zna i za Gradsko vijeće da je održavano gdje god je bilo prostora. Nismo nikada insistirali da to mora biti nešto ekskluzivno.

Dajte nam mjesto da možemo sjesti i da možemo govoriti, odraditi svoj dio posla, da ne bude materijal na koljenima, da imamo samo priliku da malo stola dobijemo da možemo spustiti, pregledati materijal, pripremati se, pa i to je način djelovanja pozitivan ovog Gradskog vijeća. Hvala.

## **JOZO NIŠANDŽIĆ**

Repliku ima gospođica Dajana Bakić. Izvolite.

### **DAJANA BAKIĆ - vijećnik Socijaldemokratske partije**

Hvala. Mislim slažem se sa diskusijom u smislu individualnog monitoringa rada vijećnika



i vijećnica. Malo je tu teže s obzirom na brojnost klubova i raspodjelu zaduženja koje dobiju određeni klubovi, pa veći klub naravno manje ljudi tu izlaze za govornicu, ali u smislu postavljanja vijećničkih pitanja i inicijativa i te neke statističke obrade aktivnosti vijećnika i vijećnica to je svakako poželjno i žao mi je što i do sada organizacije civilnog društva nisu na taj način pratile rad Gradskog vijeća, ali s obzirom da je sav materijal dostupan redovno na stranicama Grada Tuzla i s obzirom da se imituju naše sjednice to je svakako materijal koji je dostupan i koji se može uvijek izvršiti analiza.

U vezi sa ovom raspravom, odnosno napomena koju je iznio kolega Mirnes u vezi sa gradskom vijećnicom, mi smo, kada smo i donosili i u sklopu odluke o raspolaganju nekretnina, Grad Tuzla i Odlukom o davanju u zakup poslovnih prostora, mi smo zgradu Grafičara, mi smo i donijeli Odluku da ona pripada, da zadržimo je u vlasništvu i ona postane u konačnici gradska vijećnica.

Mi sada ova sredstva koja izdvajamo za iznajmljivanje prostora i za generalno materijal za rad, u tom smislu bi mogli usmjeriti da se taj problem nedostatka prostora riješi što je i napomenuto na kraju ove informacije. Prije svega ovo treba podebljati jednim zaključkom ako se slaže većina.

I naravno svakako treba poticati zaključak da se ojača Stručna služba Vijeća kada joj već zahvaljujemo i kada smo već istakli značajan rad i ono što doprinosi je li i nama da budemo funkcionalniji i produktivniji kao predstavničko tijelo, jeste Stručna služba koju u ovom smislu treba kadrovski ojačati i dati joj ono što je u našoj, uraditi sve što je u našoj mogućnosti je li da ona bude i još više produktivnija.

I ono što sam zaboravila u svojoj diskusiji iskoristit ću ovu priliku da napomenem. Na stranici 1. i na stranici 20. imaju gramatičke greške u smislu kada je osnovano Gradsko vijeće, stoji 2016-ta a treba 2012. Eto toliko.

## **JOZO NIŠANDŽIĆ**

Hvala. Gospodin Sabahudin Imamović, ispred Kluba vijećnika Stranke demokratske akcije. Izvolite Sabahudine. Slijedeći je gospodin Alić Mensur.

## **SABAHUDIN IMAMOVIĆ - vijećnik Stranke demokratske akcije**

Klub vijećnika Stranke demokratske akcije je u proteklom mandatu nastojala u svom radu u Gradskom vijeću da djeluje kao konstruktivna opozicija. Da podrži sve ono što je dobro za ovaj grad. Takođe bili smo kritični prema svim ovim pojavama koje smo smatrali da nanose štetu interesima grada Tuzle i građanima.

Ono što je dobro u Gradskom vijeću što se u ovom mandatu 2012. – 2016. politička scena usitnila, tako da nismo imali dominaciju jedne političke opcije, tako da smo ovdje imali priliku da čujemo različita mišljenja, borbe mišljenja. Bile su nekad i burne sjednice. Bilo je i neposlovničkog ponašanja, ali ja to smatram sastavnim dijelom parlamentarnog života i mislim da u konačnici nije narušilo naše međuljudske odnose.

Prva bitka koju smo dobili je bila za objektivno i pravovremeno informisanje građana u radu Gradskog vijeća što se napokon sjednice prate preko Televizije sedam, preko portala objektivno.ba mada smatram da televizija 7, RTV 7 još uvijek nije, ne prati rad Gradskog vijeća u punom kapacitetu. Jer za četiri godine mandata nije upriličena ni jedna tematska emisija na

kojoj bismo mogli da iznesemo svoje mišljenje o nekim ključnim stvarima koji se događaju po pitanju Budžeta, po pitanje Programa kapitalnih investicija. Zašto recimo opozicija nije glasala za nešto, da iznesemo svoje argumente. Treba nam takvih emisija.

Treba da, mi imamo različite poglede na svijet, imamo pripadamo različitim političkim strankama, ali mislim da u konačnici svi želimo dobro ovom gradu i da volimo ovaj grad.

Ono što nismo uspjeli, iako smo po obimu, po normativnoj djelatnosti učinili puno nismo mi uspjeli ostvariti kontrolu nad izvršnom vlasti i nije se ovo Vijeće ipak uspjelo pozicionirati kao najznačajniji organ lokalne samouprave.

Dakle, da je to tako govori i činjenica da na današnjoj posljednjoj sjednici Gradskog vijeća nije prisutan gradonačelnik.

Naravno on ne dolazi već šest mjeseci, ali evo dakle, nema niti jednog pomoćnika gradonačelnika. To je dakle odnos izvršne vlasti prema ovom predstavničkom tijelu i njihovo poštovanje svog našeg rada i truda.

Mislim da je to skandalozno. Dakle na posljednjoj sjednici gradonačelnik se nije pojavio, niti iko od njegovi saradnika. Bilo ih je nekolicina pa su izašli. Vjerovatno im je dosadno.

Dakle, strašno. To smo mi krivi. Dakle, naravno ne mi kao opozicija, kriva je pozicija što to ne uspijeva tu vrstu discipline uvesti.

Donijeli smo puno važnih dokumenata i koji se na žalost ne poštuju. Program kapitalnih investicija gdje je utvrđena dinamika i prioriteta realizacije projekata iz oblasti komunalne infrastrukture se realiziraju po političkim kriterijima.

Deset godina se projekti ne realiziraju. Neka mi GAP komisija napokon odgovori je li ne mogu, je li nemoguće realizirati projekat ili se neće? Ja mislim da se neće.

Evo vidimo ekspresno se završavaju neki drugi projekti. Mi smo tražili informaciju, gospođa Mladina je tražila informaciju u kojoj fazi je vezano za adaptiranje ove gradske vijećnice, je li tako. Jesmo li je dobili? Nismo je dobili.

Nismo dobili informaciju, isto kao i one informacije koje, na koje je ukazao kolega Alić.

Dakle, izvršna vlast se oglušila. Zašto? Pa neće biti sankcija. Nema odgovornosti. Pozivanja na odgovornost.

I puno drugi informacija nismo dobili. Dva mandata ja čekam da Kemo Kurević uradi onu odluku o česmama. Dakle, 2007. u onom mandatu sam podnjelo inicijativu da se u skladu sa novim Zakonom o vodama donese odluka o upravljanju javnim česmama i javnim izvorištima itd. dug je naziv ne mogu ga precizno navesti. Gdje bi mi zaštitili izvorišta pitke vode. Dakle, jedan važan komunalni problem. Izgradnjom sanitarni koridora gdje bi se locirali zagađivači i da bi mogle inspeksijske službe reagovati na pravi način.

Dakle, izvorišta pitke vode su naše bogatstvo koje mi moramo štititi. Devet godina ja čekam tu odluku. Nema sankcija.

Postavio sam pitanja vijećnička vezano za tamo izvorišta na tuđoj zemlji, naravno nisam dobio odgovore. Ovo je druga priča. Ne odgovaraju na vijećnička pitanja. I to je odnos izvršne vlasti prema Gradskom vijeću. Nerealizacija mnogobrojni inicijativa i to je odnos izvršne vlasti. Dakle to je ključni problem. Radimo mi, proizvodimo dokumenta, vrijedni smo, ostajemo dugo, nekad i nepotrebno dugo, ali u suštini što to nema uticaja na efikasnost i rad izvršne vlasti.

Šta je sa Poslovnom zonom Kreka-sjever? Urađen projekat, obezbijeđen novac, kolega Aliću bio si gore, kolika je trava, do pasa.

Znači konkretne stvari se ne rješavaju. Statut. Tuzla je dobila status Grada 1. 10. 2014. godine i mi nismo bili u stanju, mi nismo bili u stanju, dakle, tu snosimo svi krivicu jer je potrebna dvotrećinska većina.

Dakle, nismo napravili ni jedan značajniji korak da napokon usvojimo taj statut, prije svega i radi ovog jačanja uloge i značaja mjesnih zajednica. Da napokon to budu istinski predstavnici mjesne samouprave.

I sad će se ta trakavica nastaviti i nakon ovih izbora i nećemo biti u stanju da zamijenimo, da postavimo nove članove mjesnih zajednica itd.

Regulacioni plan se ne poštuje. Usvojili smo bezbroj regulacionih planova. Ja sam ovde isticao evo ovaj Regulacioni plan Irac gdje se mogu graditi prema Regulacionom planu samo poslovno stambeni prostori, mi ovde imamo u nizi pet proizvodno-skladišni prostora.

Evo vidimo kad pogledate kroz prozor. Pet proizvodno-skladišni prostora na prostoru gdje se smiju, prema Regulacionom planu, graditi samo poslovno-stambeno objekti. Ko je odgovaro za to? Niko. Niko nije odgovarao.

Dakle, Gradsko vijeće radi, proizvodi dokumente, donosi značajne dokumente, ali izvršna vlast ih ne poštuje. I ne poštuje ovo Gradsko vijeće. To dokazuje na prisustvo gospodina gradonačelnika i njegovi pomoćnika.

Na kraju želim vam svima čestitati na radu u ove četiri godine i vidimo se.

## **JOZO NIŠANDŽIĆ**

Hvala. Gospodin Mirnes Ajanović, ispravka krivog navoda.

## **MIRNES AJANOVIĆ**

Replicirao sam poštovanim kolegama, kolegici prije, Sabahudinu Imamović, on je za govornikom rekao da ću i njemu izaći replicirati. Ispravka krivog navoda. Neću.

Sve do sad što sam rekao je argumentacija ovog što je rekao moj dragi, takođe kolega Sabahudin Imamović.

Mi smo počesto bili ovako u neakvim verbalnim sukobima, ali nismo postali neprijatelji. Dakle, niko u ovom Vijeću nije neprijatelj bilo kome. Nije to da se mi kao nešto glumimo svađamo pa izađemo na kafu. Ne idemo mi na kafu kasnije.

Mi se debelo uhvatimo za vratove politički, pa to traje malo i kasnije. Ali bilo je situacija, moram reći, neće se naljutiti moj dragi kolega Imamović, nađemo se počesto i na đumi, a hajd kao mene neće, ljut još malo drži ga, kad odjednom pozdravi. A što kaže sad? Kaže posto sam bolji čovjek. (Poslije đume.) Ja poslije đume bilo.

I to je jedna, eto ti simpatični stvari, ako mogu tako reći, tih lijepih događaja u radu ovog aktuelnog mandata gdje, bez obzira koliko smo nekada bili žestoki u branjenju svojih stavova ili napadanju stavova drugog ako mi se nije sviđalo iz razloga što smatram da treba biti drugačije i bolje riješeno, nismo ostali neprijatelji. Eto tako da ja ovaj put nisam replicirao, nego ispravio krivi navod.

## **JOZO NIŠANDŽIĆ**

Hvala. Gospodin Mensur Alić, ispred Kluba Tuzlanska alternativa. Izvolite. Biće to

uskoro bosanska.

## **MENSUR ALIĆ – vijećnik Tuzlanske alternative**

BH alternativa. Poslije izbora naravno kad građani pokažu koliko nam vjeruju. To će biti ključno poslije 2. oktobra.

Ono što sam htio govoriti puno toga mi je Sabahudin uzeo iz mog govora, tako da dijelom ću biti kraći nego što sam planirao.

Prvo što želim da se zahvalim predsjedavajućem Općinskog vijeća. Mislim da je on imao jedan težak zadatak ove četiri godine u svojim godinama da je jako dobro uspio sve ono što se dešavalo i van onoga što treba Vijeće da radi i što mu je obaveza jer smo se nekad bavili i viokom politikom i svemu, da je tu predsjedavajući ipak uspio da sve posloži sa nekim pauzama i svim ostalim.

Naravno, ništa manje ne zavrđuje i zamjenik predsjedavajućeg gospođa Nada Mladina, a sekretar naravno, kao profesionalac, radi svoj posao onako kako treba i ona to zna dobro raditi.

Prema tome pohvala ovdje ovo troje koje sjedi i naravno pohvala ljudima koji su učestvovali u ovom Vijeću od pomoći koje su vršili brojanje naši glasova i sve ostalo, sve je to jedan tim koji je radio ove četiri godine.

Ono zbog čega sam najviše izašao da govorim, a to je ono na početku kad je Mirnes kolega govorio zašto je ušao, kako je ušao u vlast i tako. Ja sam tako ušao u vlast zbog samo jednog dogovora koji smo imali, a to je ekonomija i poslovne zone.

Nakon tri godine, pošto se to nije ostvarilo, a vi znate koliko smo puta ovde na Vijeću o tome raspravljali, naravno da sam bio ljut zbog toga, pa zbog te ljutnje su nas izbacili iz većine i zadnji šest mjeseci djelujemo kao konstruktivna opozicija.

Ono što smo radili, mislim da smo mogli smanjiti negdje 30% trajanja Vijeća zbog bavljenja nekim visokim politikama i zbog razni repliciranja, ispravka krivi navoda i svega toga, ali uglavnom se nije Poslovník kršio, a to je demokratsko pravo da svako izađe i da odgovori nešto i tu smo gubili puno vremena na Vijeću i mislim da to u budućnosti treba malo skratiti da bi efikasniji bili, a možemo sigurno biti još efikasniji nego što smo bili ove četiri godine.

Naravno, znači ko će sve ući u Vijeće i kako će ono izgledati poslije 2. oktobra.

Problem je, nije problem u Vijeću. Vijeće radi dobro. Ali problem je u praćenju Gradske uprave Vijeća. Mi smo toliko inicijativa imali, toliko zaključaka, pogotovo još na Kolegiju, jednostavno se nije provodilo ono što smo mi donosili ovde i zaključke i inicijative i sve. Uglavnom je to ostajalo po strani. Nije pratilo dovoljno Vijeće da bi Vijeće još više bilo efikasnije.

Drago mi je, nisam vidio tu gradonačelnika, pozdravljam ga, naravno i evo upravo ono o čemu sam govorio, može sam potvrditi da je to bio jedan od uslova mog izlaska u opoziciji, poslovne zone koje smo mogli napraviti puno više posla, puno više posla, a nadam se da će slijedeće Vijeće na tome više posvetiti, jer naš cilj jeste ekonomija, ekonomija i samo ekonomija.

Sve ostalo drugo, a imate budžet koji on je takav kakav jeste, on ide naravno radi se čitavu godinu onoliko koliko ima prihoda, toliko se i troši i to je bar jedan dokumenat koji je ustaljen.

Šta je ono što smo trebali uraditi? A to je Statut Grada. Mislim da smo tu napravili veliku grešku što nismo usaglasili Statut Grada da bi, evo kažem lokalna zajednica da bi imala onaj pristup mjesnih zajednica kao što je to u Evropskoj uniji.

To mislim da na slijedeće Vijeće će se morati usaglasiti oko toga. Imat ćemo veliki problem i poslije ovih izbora oko podjele, oko raspodjele tih savjeta mjesnih zajednica i ostalih jedni tumače Poslovnik ovako, drugi tumače onako, a sve smo to mogli da smo usvojili Statut Grada mogli smo to izbjeći da lakše bude raditi u narednom periodu.

Ja samo mogu reći da ono što sam radio za ove četiri godine i što je radila Tuzlanska alternativa da smo bili korisni u Vijeću i da smo zadržali onaj princip nevrijeđanja pojedinaca, jer je to osnov da izađemo odavde kao prijatelji.

Zato ako smo slučajno nekog povrijedili, u ime Tuzlanske alternative ja se izvinjavam na tome, za ove četiri godine, ako smo nekom nanijeli nešto što nije u skladu sa radom Opštinskog vijeća.

Nadam se da nismo, ali evo opet nekad čovjek preleti pa bolje to na vrijeme i reći. Svima želim puno sreće u narednom, na narednim izborima i srest ćemo se, nadam se, poslije 2. oktobra. Vidjet ćemo kakva će biti atmosfera. Ja smatram da će biti dobra.

Ponovo želim svima puno sreće na izborima, a naravno i u životu puno zdravlja svima.

Hvala lijepo.

## **JOZO NIŠANDŽIĆ**

Hvala. Samo da ja pogledam gradonačelnik je došao. I tražio je riječ, je li tako? (JASMIN IMAMOVIĆ – Dok završe vijećnici.)

A kad završimo s vijećnicima. Ispravku krivog navoda ima Azra Gazibegović, a za repliku se javio Edim Kadić. Izvoli Azra.

## **AZRA GAZIBEGOVIĆ**

Evo moram zaista ispraviti krivi navod. Meni je žao, ali evo nadam se da će gospodin Alić shvatiti iz razloga zbog kojeg ja to govorim.

Samo da ispravim krivi navod u dijelu u kojem ste govorili vezano za izbacivanje iz parlamentarne većine. Vi ste to nekoliko puta spomenuli za ovom govornicom u ranijim diskusijama, na ranijim sjednicama Gradskog vijeća, ja sam samo jednom izašla i ispravila krivi navod. Evo ovo je drugi put.

Da kažem da niko nikoga nije izbacio i da taj termin možda nije prikladan. Da se kaže da ste vi izašli iz većine iz razloga koji ste vi navodili i puno prije same situacije kada ste vi izašli da ste to govorili za ovom govornicom, dakle u ranijim diskusijama. Samo je ovo ispravka krivog navoda u dijelu kada kažete izbacivanje, da se kaže izašli. Hvala. (Replika.)

## **JOZO NIŠANDŽIĆ**

Samo da vidimo prvo Edim, pa ćemo dati. Replika je li tako Edime. Izvolite.

## **EDIM KADIĆ - vijećnik Bosanske stranke**

Prvo da vas sve pozdravim i da čestitam Bajram onima koji slave Bajram, pošto sam prvi put za govornicom.

Uvaženi kolega Mensur je zaista najviše pričao o ekonomiji i mislim da je imao dobru potporu sa moje strane. Da zaista smo mnogo puta zajedno predlagali mnoge stvari da u ovom gradu da se poboljša ekonomija, zapošljavanje, a samim tim i da bude bolji život u ovom gradu.

Međutim, ja ću to kasnije kao vijećnik da istaknem, pored svih ovih uspjeha da kažem rada Vijeća, mi moramo istaknuti dva veoma važna događaja koja su se desila a koja su uticala i na rad Vijeća i na mnoge da kažem neizvršene poslove koje smo mi mogli uraditi a da se to nije desilo.

To su bile demonstracije u februaru 2014. i to su bile ogromne poplave 2014. godine takođe.

Ako uzmemo novac koji smo uložili u, u, za saniranje, za spašavanje mnogih kuća, gdje bi štete bile daleko, daleko veće, onda bi s tim novcem zaista mogli napraviti siguran sam da bi i poslovne zone bile urađene. Znači da to malo imamo u vidu.

Još jednu veoma važnu stvar, da mi treba da budemo da kažem i zadovoljni s jedne strane, s druge strane nezadovoljni, da se u ovom mandatu prvi put Grad Tuzla uspjelo se zahvaljujući i Gradonačelniku uz i našu potporu da dobivamo punjenje 5.000.000, otprilike da kažem između četiri i pet miliona, u Budžet Grada Tuzle.

Ako se vratimo nazad pa da kažemo da je dvadeset godina ili deset godina, da smo dobivali ta sredstva to je cifra od 50.000.000, s tih 50.000.000 mi bi sve probleme grada vezano za osnovne stvari koje zaslužuju naši građani, znači i kanalizacija, i voda, i putevi, bili bi riješeni. Hvala lijepo.

## **JOZO NIŠANDŽIĆ**

(MENSUR ALIĆ – Mogu li ja ispravku?) Izvolte. Izvolte. Gospodin Alić. (NADA MLADINA – Ispravku krivog navoda ima gospodin Alić.)

## **MENSUR ALIĆ**

Mojoj uvaženoj kolegici Azri. Poštovanje svakako kao dami. Ja sam govorio to u zadnjih godinu dana upravo ono zbog čega sam i naglasio da nije nas pratilo Vijeće naše odluke nije pratila uprava. Gradska uprava. O tome sam ja govorio.

A sad da ulazimo u priču mislim da ovo nije uopšte i ne bih htio da ulazim zbog čega smo mi. Nismo izašli. Mi smo, neću da otvaram pitanje na stepeništu šta se desilo u ulazu u gradsku upravu. To bi bila politička sad predizborna kampanja moja a ja to ne želim. I nikad nisam htio to. Neću o tome govoriti. Upravo sam zato izbjego.

Znači sve ono što Kolegij i Vijeće donese nisu krupne stvari odrađene. I zbog toga sam bio ljut na to. I naravno ono što Mirnes kaže, nekad smo natjerali nekog da gradska uprava nešto uradi a nekad nismo mogli.

I to je ono što sam samo ja tražio. Da se poštuje integritet ovog Vijeća. I njegovi zaključci. I da gradska uprava samo to sprovodi što mi donosimo. Daleko, daleko bi danas bilo bolje svima.

Evo to sam samo, o tome sam ja govorio a nisam da smo izbačeno. Evo hajde sad nek ne budemo da smo izbačeni da smo sami izašli. Evo i to, i to ću prihvatiti za tvoju diskusiju. I to ću prihvatiti da je tako. Neću da ulazim.

Otvaranje nekih priča ovdje mislim da nije vrijeme uopšte. Nije vrijeme jer ovo je poslednje Vijeće i treba ga završiti onako bez nekih velikih replika, bez vrijeđanja, bez svega i da to završimo kako treba, kulturno, lijepo, fino, jer smo se jutros slikali pa da ta slika ostane onako nasmijana, da ne bude na kraju loša.

A ovo o čemu je Edo govorio. Edo ja slažem se sa tobom da smo mi to zajednički radili sve, ali nije dobro bilo što je skinuto na Rebalansu Budžeta dio sredstava koji ne znamo gdje je otišlo a skinut je sa Poslovne zone. Mislim da se to moglo, da se to nije trebalo dirati, moglo se to mnogo bolje uraditi.

Ali tamo ako nisu riješeni imovinsko-pravni odnosi u Poslovnoj zoni i to treba reći. Zato treba informacija. To je to. Hvala.

## **JOZO NIŠANDŽIĆ**

Hvala. Zaključujem raspravu klubova. A pre nego što otvorim raspravu vijećnika dat ćemo riječ Gradonačelniku našem koji je upravo došo, evo tu je. Pa izvolte gradonačelniče.

## **JASMIN IMAMOVIĆ – Gradonačelnik Grada Tuzla**

Dakle dame i gospodo vijećnici, mi smo pripremili sve za Fotomonografiju i biće tamo fotografija i svih vijećnika, izvršne vlasti i tako dalje. Ja sam donio odluku da je ne objavljujemo prije izbora. Imamo u Budžetu predviđen novac za Fotomonografiju, ona treba da se objavi do Nove godine, a kako ne bi, ma ispalo bi da je u funkciji predizborne kampanje i ostalog. Tako da ta fotografija.

Gospodin Alić ono sve kaže ne bi trebalo, sjednica je zadnja i tako dalje, ali boga mi održa pravi jedan predizborni govor i četiri godine danonoćnog truda pogazi kad je u pitanju izvršna vlast. Dakle sve finim, finim, finim, a ono udarci su da kosti pucaju.

Pa ja moram zato da repliciram. Kako neću replicirati na ovakvu diskusiju. Dakle prvo mislim da nije fer zanemariti činjenicu da je viša sila, najveće poplava ikada nama preostala najveći problem. Dakle nikada nije zadesila veća poplava kako se poplave mjere i veća prirodna nesreća nego 14-te godine i nije moglo ništa drugo da se radi 14-te godine, a mnogo je para potrošeno.

Cilj je bio spasiti hiljadu kuća na padinama oko Tuzle. U 14-oj godini smo imali interventne mjere, interventne mjere, ali te interventne mjere propadaju ako ste vi iskopali drenaže ukoliko ne napravite i definitivne mjere kako vam geološka struka i nauka naredi.

Uspjelo se u toj 15-oj ipak jedno 48 putnih pravaca, među kojima je bilo i onih potrganih, koje smo svakako morali zbog prirodne nesreće, ali među kojima je bilo onih gdje su ugovori već sklopljeni, završene procedure prije prirodne nesreće. Dakle to je važno da znaju građani.

Uspjeli smo spasiti hiljadu kuća jer je to bio težak, naporan posao. Dakle izvršna vlast, ja sam morao najjače ljude iz svih službi uzeti i zadužiti za rješavanje ovih poslova. Da ostave sve a da se samo time bave.

I to je odrađeno maksimalno pošteno i obezbijedene su veoma velike uštede. Niko od 60 angažovanih ljudi iz izvršne vlasti nije naplatio prekovremeni rad, rad subotom i nedjeljom i kad se to sabere to je 2.000.000 maraka. A ljudi imaju na to pravo. Samo sam

ih ja zamolio da budemo solidarni i da to noću, vikendom da smo to radili džaba. I to treba da se zna.

I nismo htjeli da nas kamere prate. Ne treba nam na tuđoj nesreći nikakav profit, ni politički. Ali predsjedavajući ima godina puno. Na svaku se čuku popeo sa mnom i sa našim timom. I to je jedan trud. To je izgubljeno vrijeme i novac. I mislim da se to ne treba zaobići.

Što se tiče ekonomskog razvoja. Pa mi oko petlje Šićki brod imamo najveću poslovnu zonu. Mi smo stvorili uslove za uvu oko petlje Šićki brod Poslovnu zonu. Kao što smo gospodine Aliću i vama stvarali uslove za vašu fabriku. Ne može bez rada ove administracije.

I mi smo napravili najveći Inkubator malih i srednjih preduzeća u Bosni i Hercegovini u Lipnici. Mi zahtjevamo od Vlade Federacije da nam da Rudnik Bukinje da tamo zaposlimo, stvorimo uslove za 500. Samo treba da napiše papir da nam da da to koristimo.

Zašto nam ne da? To je Rudniku balast. Zašto Vlada Federacije ne donese odluku i da nam Bukinje. Čak sam gurao tu inicijativu preko Udruženja poslodavaca Federacije. (ELVIR KASUMOVIĆ – Replika.)

Dalje. Zašto se ne kaže ekonomski razvoj nije se uspjelo pa se izašlo iz većine. Mislim ovako. Nigdje ne raste broj zaposlenih u Tuzlanskom kantonu kao što raste u Tuzli. U Gradu Tuzla.

Dakle šta je novim tehnologijama, novim industrijama. Zna li vi kolika je to izvozna grana kada ljudi kroz BIT centar prodaju softvere širom svijeta. Zna li to da u nekim zemljama je to najveće izvozna grana. Sjede mladi ljudi jer smo im mi stvorili uslove do sada za njih pet stotina i prodaju softvere širom planete Zemlje.

Dakle naš posao je stvaranje uvjeta. Jer li mislite da će ovaj veliki objekat Binga da tu nema ništa sa općinom. Pa kad je Bingo uplatio rentu, kad je Bingo uplatio rentu, kao i bilo koji drugi, ali evo sad je ova aktuelna gradnja ovdje preko puta eto, pa morale su sve službe pod hitno odraditi infrastrukturni dio posla. Prvi dio iz te uplaćene rente ide na takav jedan objekat.

Nije lako stići najmoćniju firmu u Bosni i Hercegovini i njihove rokove. Valjalo je iskopati i dovući najkvalitetnije infrastrukturne cijevi do tog objekta. Zar to nije trud i stvaranje uvjeta za povećanje radnih mjesta a tu će biti najmanje 700 kad se saberu svi oni, radnih mjesta, kad se saberu svi oni koji tamo budu, od Zare i ne znam više, multikina, do onoga što je njihova samoposluga.

Dakle mi smo za stvaranje uvjeta. I mislim da imamo nakon poplave prvi put priliku za rast zaposlenih i sad je ekonomija kao kriva, nedovoljan razvoj, pa se izašlo iz većine, pa negativna ocjena tolikome trudu.

Što se tiče inicijativa. Molim vas. 2.119 materijala je izvršna vlast pripremila. Measure moramo biti poštenu ljudi. Nema veze što su izbori. Vidjet ćemo se mi i nakon izbora, srest ćemo se na ulici. Molim vas u Zenici, Vijeće jednom u tri mjeseca. Ovo Vijeće čestitam, hiperaktivno. Hiperaktivno. Čestitam. Ali izvršna vlast je pripremila 2.119 materijala.

Volio bi da saznam, ima li neka gradska, općinska, izvršna vlast u BiH da je toliko pripremila.

Pazite ja nijednog gradonačelnika, ili skoro nijednog gradonačelnika, u Bosni i Hercegovini ne poštujem kao našalost rahmetli Huseina Smajlovića. Različite smo političke opcije ali jedan drugoga smo poštovali.

Ali vidite kod njih je bilo Vijeće jednom u tri mjeseca. Ne znam. Ja mislim da je bolje da bude svaki mjesec. Da se razumijemo. Da je bolje. Ali kako odgovoriti na, pripremiti 2.119 materijala i kaže ne može da nas prati izvršna vlast. Inicijativa je bilo puno, ali ne može se tolke



inicijative realizovati. One se realizuju onoliko koliko je to moguće jer ovo je previše. Ja mislim da smo apsolutni rekorderi u cijeloj, u cijeloj Bosni i Hercegovini.

Mislim da je ovdje se iskoristila govornica da se kaže izvršna vlast neefikasna. Dakle ja sam morao ovdje izaći da repliciram i da kažem da je efikasna. Za mene je neki svečani ovaj karakter sad kad se završava da se kaže istina.

Evo građani će procijeniti da li ste vi u pravu ali neće baš poslušati oni je li ni mene posebno, ni vas posebno i nikoga posebno. Poslušat će svoje srce. Oni trebaju da vjeruju očima a ne uvijek nužno riječima koje nekada znaju biti subjektivne. Evo da kažem koje nekada znaju biti neobjektivne. Najblaže rečeno. Eto toliko.

## **JOZO NIŠANDŽIĆ**

Hvala. (SABAHUDIN IMAMOVIĆ – Ispravka krivog navoda.) Ima ispravka krivog navoda ima u odnosu na ostale. Gospodin Sabahudin Imamović. Izvolte.

A repliku ima Kasumović i Mensur Alić. (MENSUR ALIĆ – Prvi sam se javio. Zato što je on poslije mene.) Molim? (MENSUR ALIĆ – Prvi sam se javio za repliku.) (MIRNES AJANOVIĆ – Jest.) Jest. Dobro. Ali ispravka krivog navoda ide prvo. (MENSUR ALIĆ – Ja. Pravo. Ima prednost.) Dobro. Izvolte.

## **SABAHUDIN IMAMOVIĆ**

Ja sam prizivao dolazak Gradonačelnika jer je to, mislim da je to red. I to u pola deset da Gradonačelnik ovdje bude i da okončamo ovu sjednicu u miru i evo i kolega Ajanović je danas nije dovoljno kritičan kao što zna biti je li.

Ono što želim da ispravim je da sam stekao utisak gradonačelniče da vi mislite da opozicija nešto izmišlja ovdje.

Vidite. Vi, prvo vi ste mi dužni šest mjeseci odgovor na dva vijećnička pitanja. Pitao sam vas šta je, ko će odgovarati za ono izvoriste mineralne vode u koje je uloženo 117.000 maraka u Kiseljaku, da bi se na kraju otkrilo da je napravljeno na tuđoj zemlji. I čovjek je sad tamo ogradio. To njegova parcela. Ima li odgovornosti?

Mislim da je suština, da je suštinska riječ odgovornost. To ne prati izvršnu vlast. Dakle 117.000 je bačeno i niko ne odgovara. Dakle to je na privatnom vlasništvu napravljeno.

Tražio sam da mi odgovorite šta ste preduzeli na zbrinjavanju ona dva preostala radnika što rade u Direkciji za izgradnju? Mi smo tražili izvještaje o radu Direkcije za izgradnju i sad mi je krivo što nisam bio još uporniji, možda bi smo spasili to preduzeće.

Program kapitalnih investicija, ključni dokument kojim se rješavaju, koji treba da bude osnov rješavanja suštinskih potreba građana. Jer ljudi žele vodu, žele dobar put, rasvjetu, kanalizaciju, žele dječije igralište. Projekti stoje u Programu, ja ću vam dokazati to, deset godina stoje tamo i ne rješavaju se. Neka GAP Komisija kaže da ih je nemoguće riješiti. A ja znam da nije nemoguće. Zato što se vaši projekti ekspresno rješavaju. Isti takvi projekti.

Odluka o česnama spominjao sam je. Devet godina čekamo od Službe za komunalne poslove da napravi tu odluku. Neće svijet propasti zato što nemamo tu odluku, ali je sramota da se jedna realna, realna Inicijativa koja je u skladu sa Zakonom o vodama

ne realizuje. Bezbroj puta sam isticao taj problem i nikoga nije riješio i niko nije odgovarao.

Dakle nema odgovornosti. Ne želim dalje zaista. (JOZO NIŠANDŽIĆ – To je ispravka krivog navoda.) Ne želim da kvarim ovu atmosferu. Dakle želim. Šta sam htio da ispravim? Nije istina da pričamo neargumentovano. Dakle imam dovoljno argumenata. I ako nastavim sa polemikama sjetit ću ih se još puno.

Dakle izvršna vlast. Ovo Vijeće puno radi, proizvodi, donosi važne dokumente koji se nažalost ne realizuju. U tome je problem. Jer izvršna vlast nije efikasna.

Mi evo pričamo o kadrovskom jačanju Službe za komunalne poslove godinama i ništa se ne dešava. Ne može se Kemal Kurević pitat za kamion kamena i za kanalizaciju koja vrijedi milion maraka. Moraju biti timovi tamo. I kad dođu predstavnici mjesnih zajednica da ode u Odjeljenju mjesnih zajednica da im može odgovoriti na pitanje, da im onaj može odgovoriti za rasvjetu, onaj za kanalizaciju, onaj za puteve.

A ne ako se Kemo, Kemo Kurević razboli, svi projekti se otkazuju. Taj, ta filozofija upravljanja je pogrešna. (JOZO NIŠANDŽIĆ – Dobro.) A to je ključna, ključna Služba u gradskoj upravi. Hvala.

## **JOZO NIŠANDŽIĆ**

Mensur Alić. Izvolte.

## **MENSUR ALIĆ**

Ja sam očekivao repliku od Mirnesa, (MIRNES AJANOVIĆ – Izašo Mirnes.) ali možda je izašo pa nije uspio. (JASMINKA MIJATOVIĆ – Reko je da neće.) (MIRNES AJANOVIĆ – Edo je izašo. Edo je izašo.) Ja. Edo je izašo.

A nisam očekivao repliku od Gradonačelnika. Stvarno ja, evo vijećnika ovdje, da li sam ja ovo sad iskoristio stvarno govornicu za predizbornu kampanju. Pa nisam imao uopšte namjeru.

Ali je problem u ovom gradu i problem politike koja se vodi, sve što kažete drugačije što razmišljate vi ste neprijatelj ovog grada. Evo to se danas dokazalo. Dokazuje se ako imate različito mišljenje i ako nešto ukazujete da ste vi neprijatelj grada. Evo to se sad dokazalo. Nisam očekivao uopšte ni najmanje.

Ako ćemo govoriti o ulaganju, ja sam zato govorio da idemo što, o ulaganju poslije poplava, pa zna se da se bilo, koliko je miliona bilo za, sredstava koje je u Civilnoj zaštiti bilo zaleđeno koje se nije moglo koristiti dok se nije izmijenio Zakon na federalnom nivou. Zna se da su to sredstva bila koja su blokirana i stajala tamo. A to su sredstva od, od, od, iz raznih fondova koja su stajala tamo i nisu se mogla koristiti po onom Zakonu i došlo je do izmjene. (NADA MLADINA – Skloništa.) Skloništa. Tako je. I koja mi plaćamo kad gradimo i ostali građani naravno koji grade kuće i ostalo.

To su sredstva namjenski i Vlada Federacije je donijela Odluku i ta sredstva deblokirala svojim Zakonom, nekim članom i ta sredstva su iskorištena.

Kad je u pitanju gospodine načelniče, kad vi kažete da ste vi meni pomogli za fabriku, nemojte to nikad reći više molim vas. Sad ću ići i minirat je. Zato što sam ja debelo platio zemljište, zato što sam debelo platio nasip zemljišta koje nije bilo uređeno kako treba, da je moja lokacija izašla preko 500.000 KM-ova. Da sam uplatio redovno rentu, da sam na vrijeme izvadio građevinsku dozvolu i sve ono što treba.

A da ste mi prodali zemljište koje je pod restitucijom. Jeste li to možda znali? Ako ste mi tako pomogli i sad meni tužilaštvo traži određene dokumente da dostavim i dostavio sam im naravno, jer moram, otkud vam priča da ste vi meni pomogli nešto.

Šta ste vi pomogli mojoj kompaniji? Šta sam ja, evo vijećnik ovdje, tražio bilo šta da, da, da se pomogne meni? (ELVIR KASUMOVIĆ – Nikad ništa.) Pa nemojte to, nemojte to miješati molim vas sa radom Vijeća.

Vi ste iskoristili ovu govornicu za predizbornu kampanju, ne ja. Ja sam samo kazao da treba više posvetiti ekonomskom razvoju Tuzle, ali sam reko da se radi ali da treba samo još malo to pojačati. Je li to ružno nešto? Nije ništa. Šta? Znači ja ne smijem izaći kao, ovdje kao Mensur Alić i govorit o ekonomiji. Ne znam.

Ako hoćete da znate, da sam ja zaposlio 50 radnika u 2016. godini. Novih, 30 mladih, do 30 godina starosti. Nisam išao sa tom informacijom. Niste je ni vi htjeli objaviti evo kao Gradonačelnik. Objavljujete druge firme tamo koliko će ovaj zaposliti, koliko onaj. Direktno ja sam zaposlio u ovoj godini 50 novih, otvorio novih radnih mjesta mladima koji ne žele.

A da vam kažem, raspiso sam skoro oglas jedan za jednog samo, stručnu jednu osobu, ako kažete da je puno zaposleno u Tuzli, stotinu se javilo na jedno radno mjesto. Nemojmo. Pa zato govorim ja o ekonomiji. Ja samo o ekonomiji govorim, ni o čem drugom.

I nisam imao namjeru uopšte zloupotrijebiti ili ovu govornicu u predizbornu kampanju. Mene građani Tuzle dovoljno znaju. Dovoljno znaju. Dovoljno je da vide moju samo fotografiju, ne treba ništa više. Ne moram govoriti ni riječi za ovom govornicom.

Ali sam moro vam ovo reći, reko bi vam još mnogo štošta ali neću da kvarim dan. Ovo što neko reče da završimo, Sabahudin što reče da završimo kako treba Vijeće. Hvala lijepo.

## **JOZO NIŠANDŽIĆ**

Kasumović Elvir ima repliku. Izvolte.

## **ELVIR KASUMOVIĆ – vijećnik Saveza za bolju budućnost**

Pa naravno ne bi današnji dan trebao da ide u onom smijeru je li gdje ne treba da ide. Ovo je jednostavno takva sjednica kakva jest. Mislim da je ona više proforme je li održiva.

Međutim, onaj evo ja ću reći samo jednu rečenicu po tom pitanju. Tražimo od Vlade Federacije i slažem se sa tim, evo kao predsjednik Kluba SBB-a, također tražimo da nam se da na ustupanje Rudnik Bukinje jednostavno da bi se napravilo još jedan poslovna zona i tako dalje.

Međutim, šta nas je ograničilo da imovinom koju smo imali 100% u vlasništvu da tu napravimo poslovne zone. Eto to je problem. Mislim to je suština problema. Nije problem da nam neko da na ustupanje.

Vidimo da je grad napravio izuzetno dobru Poslovnu zonu je li u Lipnici tako. Znači vjerovatno tim primjerom se treba slijediti i primjer Rudnika Bukinje.

Ali zbog čega se napravila greška sa ovom Poslovnom zonom u Kreki. Zbog čega nismo kažem krenuli sa realizacijom poslovnih zona tamo gdje smo bili u 100% vlasništvu kao Grad.

Eto to je, to mi nekako najviše zapalo, najviše zapalo i za oko i za uho od strane izlaganja Gradonačelnika.

## JOZO NIŠANDŽIĆ

Hvala. Molim vas idemo na vijećnike. Samo ima repliku. Kao vijećnik? Ali ima pre Nikola Slavuljica pa ste vi. Slavuljica Nikola. Izvolte. Molim vas. Redoslijed Nikola Slavuljica, Edim Kadić, Topić Ekrem, Tupajić Mirza. Tako stoji kod mene molim vas. Evo da znate.

### NIKOLA SLAVULJICA – vijećnik Socijaldemokratske partije

Zahvaljujem predsjedavajući. Želio bi prvenstveno svim pripadnicima islamske vjeroispovijesti da zaželim Bajram šerif mubarek olsun i naravno sve sa srećom njihovim porodicima i njima. (JOZO NIŠANDŽIĆ – Malo samo molim vas. Da čujemo ipak.)

Pošto je ovo moj zadnji nastup pred ovim i ovakvim skupom, ja ću se truditi da ne budem opširan, vrlo kratko ću, reću nekoliko riječi. Kolega Ajanović reče najstariji vijećnik. Jeste. A ja sam najstariji po godinama. Tako da kad se sabere tu smo negdje.

Ono što bi želio da kažem prvenstveno vezano za ovaj materijal koji je na dnevnom redu, ovo je ogroman posao koji je urađen. I mislim, naravno neću prepričavati uopšte jer je vrlo detaljno urađeno i podaci iz ovog materijala su prije svega naša slika. A onda i slika izvršne vlasti.

I normalno je da u ovakvim uslovima u kojima mi radimo, imajući u vidu prije svega materijalna sredstva, ne mogu sve strane nikako biti zadovoljne i svaka strana, tako da će sigurno i u narednom mandatu a neki i od vas će se uvjeriti u to, da bude sličnih rasprava.

No bez obzira treba konstatovati, da je i Vijeće, odnosno vijećnici, da je i izvršna vlast gradska na čelu sa načelnikom, uradio veoma, veoma dosta. Posle iza ovoga a u narednom mandatu sigurno je da će neka od ovih pitanja ponovo biti aktuelizirana i da će na njima vijećnici ponovo neki insistirati. Što je normalno.

Normalan je i način na koji se vodi rasprava ova. Jest da ponekada negdje neka varnica sijevne, ali u svakom slučaju mislim da se možemo ponositi sa ovim što je urađeno.

Reći ću i to da oni koji su kontaktirali sa kolegama, prijateljima, rodbinom van Tuzle, a ja sam imao priliku prije petnaest dana sa Mostarcem u Mostaru da kontaktiram. I kad smo govorili malo oko vlasti, on je samo rekao blago vama Tuzlacima. Jer znate svi šta se dešava u Mostaru, kakva je situacija.

I zbog toga mislim da bi bilo veoma, veoma važno, da u narednom periodu, prije svega pristupamo racionalnije našim prijedlozima, našim inicijativama. Jer ja sam pravio i nekakvu matematičku kombinaciju prošle godine vezano za Budžet, daleko više sredstava se traži po inicijativama i prijedlozima vijećnika nego što stvarno ima u Budžetu. Što znači neko mora biti zakinut. Je li tako?

Ugled Tuzle mi smo ovdje prije svega kao vijećnici a onda i nadležni organi izvršne vlasti da čuvamo ugled Tuzle, da radimo za građane naše i da Tuzlu razvijamo onako kako to građani žele i da na kraju krajeva taj ugled čuvamo.

Ja ću vam navesti samo dva primjera i kako to čak i u inostranstvu djeluje. Naime, ovo nije kao primjer nego da kažem, Tuzlu u toku godine posjeti više predstavnika stranih država među kojima je i državnici i privrednici i tako dalje, nego skoro sva druga, sve druge opštine u Bosni i Hercegovini.

To nešto znači. Znači da Tuzla ima ugled svoj. Negdje 2006. godine kada sam bio aktivan u Kulturno-umjetničkom društvu, pozvano je Kulturno-umjetničko društvo Učo iz Tuzle da da

koncert u palati UNESCO-a u Parizu na promociji uradaka žena i njihovih organizacija koje su silom prilika bile protjerane sa svojih ognjišta i radili ovdje u Tuzli.

Kada se to završilo onda je prišao mi Norveški ambasador, a Norveška je bila donator tog koncerta, i čestitao. I onda kad me je pitao jesam li i ja iz Tuzle? Jesam. On je samo rekao o Tuzli sve najljepše.

Slično je bilo i na jednu od također gostovanju u dalekoj obali, zapadnoj obali Atlantskog okeana u Francuskoj, kada je također trajao neki Festival šest nacija i pozvan Učo, dva para, vjerovatno bračna, poslije sam doznao da, stariji, idu oko autobusa Učinog i pričaju. I ja nisam bio bezobrazan, nego u prolazu čujem šta je, ne mogu pogoditi nikako odakle je autobus.

I onda ja priđem pa ih zamolim lijepo, izvinem se da sam čuo nenamjerno o čemu raspravljaju, i ja sam rekao da je autobus iz Bosne i Hercegovine iz Tuzle. Jedan stariji, poslije mi je rekao, ona je bio ekonomista u institutu nekom, rekao je svaka čast Tuzlacima, čuo sam da je tamo lijepo, naravno izuzimajući onu nesreću 25. maja.

Dakle ovo su samo nekoliko primjera kojima želim da tako kažem poduprem svoj stav o Tuzli i njenom ugledu.

Ono što je za dalje vrlo važno, a to je kada bude se pravio plan i program daljnjeg rada, ja naravno reko sam na početku neću biti tu, ali ćete biti vi koji ćete učestvovati u tome. I ono što je ostalo u meni utisak, nije mi baš drago taj utisak do sada rada Vijeća, a posebno zadnje godinu, dvije.

A to je što su neki od, neću reći svi taman posla, ali neki od vijećnika ipak su u svojim diskusijama stavljali u prvo mjesto stranački odnos. Mi smo ovdje prije svega da djelujemo kao kolektiv, naravno uz prijedloge stranaka, uz prijedloge svih onih koalicija i opozicije i tako dalje. Imali smo tu priliku da smo mi u toku zadnjih dva, tri mjeseca, ili malo i više, dosta se da tako kažem dešavale miksanje neko koalicija i opozicija.

No u svakom slučaju kažem svi smo tu da pridonesemo radu ovoga Vijeća i da Tuzla i Vijeće imaju i ubuduće imaju uticaj i volio bi kažem iako neću biti tu, ali da u budućem radu Vijeća čujem da većina vijećnika nastupa prije svega kao Tuzlak, odnosno nastupaju kao Tuzlaci i bore se za Tuzlu, naravno bez obzira iz koje je Stranke, tako da se smanje tenzije određene koje su karakterisale zadnja dva, tri, ili šest mjeseci rada.

Zahvaljujem i pozdravljam vas. Želim svima sreću u budućem životu.

## **JOZO NIŠANDŽIĆ**

Hvala. Gospodin Edim Kadić. Izvolte. Vijećnik Bosanske stranke. A nek se pripremi Topić Ekrem.

## **EDIM KADIĆ**

Ja ću biti vrlo kratak, da ne ponavljam što su prethodnici rekli i volio bi da vratimo ovu sjednicu onako kako smo počeli, da se što kaže na kraju pozdravimo i da ovo ne bude sjednica u cilju predizborne kampanje. Mislim da smo tako krenuli i da se trebamo vratiti na to.

Ono što sam najviše da kažem potencirao i inicirao kad smo 2012. imali prvu sjednicu i raspravljali o radu Vijeću, o usvajanju rada Vijeća za 2013. to je bio sport. Iz razloga što sam nekad i sam bio aktivni sportista a s druge strane imali smo jednu strašnu situaciju da su svi najpopularniji klubovi iz našeg grada bili u drugoj ili trećoj lizi. Što je tada zaista bilo

nedopustivo, neshvatljivo kako se moglo desiti da i fudbal, i košarka, rukomet, znači ovi bazni sportovi, i da smo samo imali evropske košarkašice Jedinstvo u Prvoj lizi.

Zahvaljujući i podršci sviju vas a posebno mog dobrog druga i predsjednika, održali smo i tematsku sjednicu, pokrenuli smo puno, puno da kažem dobrih stvari da nam se sport vrati, da zauzme mjesto u ovom gradu koje zaslužuje.

Ja se nadam da će uskoro da se nastavi i izgradnja stadiona. Koliko znam da je raspisana tender i da su radovi trebali početi, međutim bila je žalba u postupku javne nabavke i da bi to trebalo uskoro da krene i da stvorimo uslove ako bog da naredne godine Sloboda igra domaće utakmice, evropske u Gradu Tuzli. Da ne moramo ići u Zenicu.

Što se tiče nekog da kažem narednog, narednog perioda, mi trebamo insistirati da i viši organi koji su u nadležnosti, u čijoj nadležnosti je sport da ispunjavaju svoje obaveze. Znači i da li je to u pitanju Kanton, Federacija, država, zaista da, da se sport zauzme mjesto ono koje treba da ima, prije svega zbog zdravlja naše nacije, zbog zdravlja naše djece, a naravno i popularnost koju sport ima u svijetu.

Mi imamo najbolje navijače na svijetu. Znači nijedna reprezentacija nema navijače onakve kakve mi imamo. Mi možemo se sjetiti nekih utakmica, ovdje smo govorili, imali smo sreću da smo putovali na Svjetsko prvenstvo u fudbalu, što je zaista veliki uspjeh, gdje su naši navijači u Slovačkoj bilo ih je dvostruko više nego domaćina a i njima je bila utakmica biti ili nebiti. I niz drugih.

Tako da zaista i ovo novo Vijeće koje će biti treba da nastavi i da se vidi imamo određenih problema i sad u Slobodi i ja mislim i pozivam sve one koji učestvuju i koji su odgovorni da se ti problemi razriješe i da ako bog da u nedjelju pobijedimo u Travniku.

Znači ovo Vijeće je zaista mnogo toga uradilo i treba nastaviti i svojim primjerom da kažem i da posjećuju utakmice i kupuje one članske i godišnje karte i na taj način daje, daje ovaj primjer kako se vole klubovi.

Ako znate da u Velikoj Britaniji u Engleskoj ne možete dobiti kartu tri, četiri godine za utakmice neke onda je to znak kako oni vole svoj klub i svoj grad.

Ono što ja ne bi više ponavljao šta je to šta smo radili, mnogo toga je i gospodin, odnosno predsjednik i moj drug Ajanović rekao i ono što bi ja istakao da je zaista Klub BOSS-a se pripremao za sve tačke dnevnog reda, učestvovalo u svim tačkama, a posebno bi istakao to da smo aktivno bili na terenu. Što je jako bitno.

Znači prije svake tačke dnevnog reda smo obilazili kako javna preduzeća tako privatna, tako mjesne zajednice i najbolji je rad na terenu gdje se mnogo stvari i problema može riješiti i na licu mjesta i inicirati i doprinijeti da se ti problemi i rješavaju. I mislim da je to, da je to i pokazatelj kako se treba raditi.

Ja ne bi ponavljao da smo zaista ovo Vijeće najbolja zakonodavna u državi i da zakonodavna vlast i da i ovo što je rekao Gradonačelnik zaista je teško nas pratiti jer toliko, toliko tačaka i toliko i materijala pripremiti i obratiti zaista je teško.

Ja imam prijatelja u šest, sedam gradova u čitavoj Bosni koji kažu meni njihovo Vijeće traje pola sata, sat, do dva. Nikad. Ja kad kažem da mi radimo deset sati i da je to nešto prosto nevjerojatno. Ne mogu ljudi da vjeruju. Ali eto. Je li to Parlament, je li mi donosimo zakone?

Mi smo ovdje pokrenuli mnogo inicijativa je u pripremi da kažem iniciranju donošenja zakona. Mi nismo znači nadležni ali smo nadležni da pokrenemo inicijative, da se mnogi zakoni donesu koji bi doprinijeli boljem i lagodnijem da kažem boljem životu naših građana, u cilju

najviše da kažem zapošljavanja i zaista bez obzira što kaže nije naša nadležnost, mi se najviše trebamo tim pitanjem baviti.

Znači ekonomija, ekonomija, jer sve, ekonomija utiče na sve ostalo. Znači ako pogledamo, ako imamo ljude da rade oni će, onda će imati penzioneri dobre penzije, imat ćemo dovoljno novaca za sport, imat ćemo.

Znači mi trebamo sve da učinimo da ovaj grad što više ljudi posjećuje, da ovaj grad zaista postane jedan centar regije, kako za državu Bosnu i Hercegovinu tako i za susjedne države.

Mnoge stvari smo pokrenuli samo treba ih nastaviti i zajedno svi bez obzira ko je, malo je Slavuljica, gospodin Slavuljica je to rekao, bez obzira kojoj političkoj opciji pripadamo zaista trebamo se boriti za ovaj grad.

Ja bi rekao trebamo nekad slijediti i primjer Sarajlija bez. Oni zaista bez obzira iz koje Stranke dolaze bore se mnogo za svoj grad i mi trebamo se boriti pogotovo ove stranke koje imaju, koje pripadaju vladajućoj koaliciji, gdje. Evo meni je neshvatljivo, pazite meni je neshvatljivo da mi moramo moliti da nam se da nešto što stoji, što propada, gdje taj rudnik koji je u dubiozi, ne znam koliko stotina miliona, umjesto da to stavi u funkciju da olakša, manje plaća, da mi nekog moramo moliti.

Hoćemo li mi da pitamo ko je taj čovjek? Hoće li se jednom u ovoj državi postaviti pitanje odgovornosti. Ako je čovjek napravio grešku daj da odgovara taj čovjek. Javno zbog toga i toga.

Znači mi se moramo boriti da to bude zaista pitanje odgovornosti onih koji obavljaju ove, ove funkcije.

Tako da ja otprilike priveo bih kraju. Još jednom da napomenem zaista Klub BOSS-a da je maksimalno radio i gospodin Ajanović je sigurno bio najaktivniji. Bilo bi vrlo interesantno kad bi uspjeli da izmjerimo vrijeme koliko je ko proveo za govornicom. Hvala lijepo.

## **JOZO NIŠANDŽIĆ**

Hvala. Ekrem Topić. Izvolte. (EKREM TOPIĆ – Neko za govornicom, neko na terenu.) Vijećnik Tuzlanske alternative. (EKREM TOPIĆ – Neko za govornicom, neko na terenu, neko među narodom.) Tupajić Mirza je sledeći. Izvolte Ekreme.

## **EKREM TOPIĆ – vijećnik Tuzlanske alternative**

Pošto se prvi put javljam, poštovani gospodine predsjedavajući, gospođu dopredsjedavajuća, kolegice i kolege vijećnici, uvaženi gosti, poštovani mediji, esselam alejkum i dobar vam dan.

Svim muslimanima želim čestitati Kurban-bajram, Bajram šerif mubarek olsun i da provedu puno bajrama a i ostalih božića, uskrsa, vaskrsa u zdravlju, sreći i veselju.

Pošto sam jedan od onih, gospodin Alić Mensur je u ime Kluba Tuzlanske alternative rekao o informaciji i ostalo, ja ću malo u svoje ime, kao vijećnik, informacija o aktivnostima Općinskog, odnosno Gradskog vijeća Tuzla u mandatnom periodu 2012-2016. godina.

Ja mislim da je korektno urađena, sažeta i vjerujem da će biti na web stranici Grada Tuzle pa ko želi neka čita, a ja sam jedan od onih koji svojom voljom nije htio dalje na listu.

Pa malo sam i to htio da iskoristim, pošto vjerovatno neće biti prilike više ni u ovakvom skupu i sazivu i za ovom govornicom da se čujemo. Ima narodska ona kažu, zasviraj i zadij za pas. Ja sam meni se čini davno izgubio i pas i sviralo.

Nisam imao namjeru ovaj mandat koji teče 2012-2016. ni planiro ni imo namjeru uopšte da budem vijećnik, krenuli smo u šta smo krenuli, a dragi Allah htio je i narod pa mi dali još jedan mandat, tj. ukupno tri mandata i mogu reći sada da sam sa jednim periodom bio prezadovoljan, s jednim zadovoljan, a s jednim dijelom nezadovoljan.

I to je kao i sve u životu. Nekad ide uzbrdo, nekad nizbrdo, nekad ravno. Mislim da sam trudio i ponašao se korektno, mislim, a ako sam, ako sam za ovih 12 godina nekoga slučajno uvrijedio nisam imao namjeru, gospodin Alić se u ime Kluba izvinio vijećnicima, to je bilo u žaru borbe, oko teme, oko projekta, programa, pa ako je koja viška prešla onaj ja se izvinjavam (BERIZ SAKIĆ – Halalosum.) i da mi oprostite ako je toga bilo.

Trudio sam se da ne idem nikad u lične duele. Nekad čovjek bude izazvan pa se jednom, dvaput upusti i u to.

Zahvaljujem se svim onima i Gradonačelniku i pomoćnicima i službama s kim sam kontaktiro u ovom periodu, a i prije 2004. aktivan sam od 90. godine na razne načine, sve kroz mjesnu zajednicu, sportske klubove, kulturno-umjetnička društva, ne znam, kroz sindikat imo sam kontakte i sa ministrima, i s gradonačelnicima i sa raznim tim strukturama. Na desetine projekata smo izgurali. Nije išlo lahko ali smo uradili. Moglo je više ali bože moj.

Njima svima se želim zahvaliti na svemu što smo odradili. Ako mognem i ako budem nekom potreban da mogu nešta i dalje doprinijeti stojim, stojim na raspolaganju.

Sugerišem svima da razgovor, samo razgovor, dogovor može donijeti nešto. Sumnje razne, izbjegavanja, vrdanja, neodržavanja onoga dogovorenoga dovodi do problema i malo više razumijevanja, malo više poštovanja među, međusobom, ljudskih odnosa mislim da daleko, daleko možemo bolje i brže i kvalitetnije. Toliko od mene. Hvala svima. (JOZO NIŠANDŽIĆ - Hvala gospodine Topiću. Gospodin Tupajić Mirza.)

U stvari čestitam i želim sreću svima koji su na listi. 31 će proći ostali. (JOZO NIŠANDŽIĆ – Bože moj.) Bože moj.

## **JOZO NIŠANDŽIĆ**

Izvolte. Tupajić Mirza. A nek se Jasmin Habul pripremi.

## **MIRZA TUPAJIĆ – vijećnik Stranke demokratske akcije**

Poštovani predsjedavajući, kolege, gradonačelnice, sedma silo, ja bi vas sve poselamio, pozdravio i svim muslimanima čestito Bajram, Bajram šerif mubarek olsun. Da. (JOZO NIŠANDŽIĆ – Izvolte Tupajiću. De malo samo.)

Pošto je tačka dnevnog reda znači razmatranje informacije o aktivnosti Općinskog/Gradskog vijeća u mandatnom periodu 2012-2016. godine i evo mogu reći istinu mnogo se znači radilo, bilo je mnogo tačaka dnevnog reda, jednom, prošle, nekad 500, nekad 600, vijećnici su postavili mnogo vijećničkih pitanja, mnogo inicijativa, mnogo urgencija, mnogo konstruktivnih prijedloga, mnogo usvojenih zaključaka, ali mene interesuju naravno rezultati.

Sam sam imo desetine tih urgencija i vijećničkih pitanja i vjerovali ili ne samo je jedna realizovana. Samo jedna. Ili možda dvije. A mislim da su to izuzetno fine inicijative.



Žalosno je da kao vijećnik sam morao postavljati vijećnička pitanja za dvije sijalice. Za deset metara puta. I tako dalje. Nažalost nalazimo se u takvoj situaciji kakva jeste. Mnogo znači komunalnih problema i nadam se da će u budućnosti ovaj grad procvjetati sa nekom novom snagom. Ako bog da. I tako dalje.

Ponovo ću postaviti pitanje, zašto nemamo izvještaj javnih preduzeća i javnih ustanova? Znači septembar je mjesec. Nemaju. Nažalost nemamo ni dan danas Statut Grada, pa imamo radimo po starom Statutu Općine gdje imamo srednje i osnovno obrazovanje tu. I tako dalje.

Jeste 2014. su bile poplave. Nesreća nas je zadesila. Mnogo je to i usporilo znači razvoj našega grada. Međutim, nije to opravdanje. Negdje su bile velike štete od klizišta upravo zato. Evo na primjer u Obodnici, zato što građani tog naselja i pojedinih mahala nisu imali kanalizaciju što je uzrok, što je bila neplanska gradnja, što inspekcija nije radila kako treba svoj poso.

Ja bi ovdje poručio i drago mi je što je ovdje naš Gradonačelnik, da nisu dobre one teze koje on govori na predizbornim skupovima. Nemojte plašiti građane Grada Tuzle nikakvim neprijateljima, spinovat i tako dalje. To nije dobro za Grad Tuzlu.

U Grad Tuzlu je dobrodošlo svako ko će uložiti novac, koji će se obrtati u ovom gradu, bez obzira da li on dolazio od Arapa, da li on dolazio iz Rusije, da li on dolazio iz Tajlanda, odakle god. Bitno je samo da ti ljudi poštuju zakone ove naše zemlje, da plaćaju porez, jer upravo našoj zemlji a pogotovo Gradu Tuzli trebaju investitori s novcem.

Nažalost evo spominje se ta Poslovna zona Kreka-Sjever koja je danas plantaža ambrozije. Nažalost. Moramo otvoriti ovaj grad i svi vjerujem ovdje svi koji smo ovdje, svi 31 vijećnik, volimo ovaj grad, niko ga ne mrzi i želi bolje ovom gradu i građanima Tuzle.

Bilo je svega u ovih četiri godine. Pa smo nazivani mi iz opozicije, pogotovo iz Kluba vijećnika Stranke demokratske akcije i rasistima, i fašistima, i nacionalistima. Vjerujte teški su to bili trenuci. Pogotovo za one, evo i za mene, čija je životna biografija je sasvim nešto suprotno od toga.

Ja halalim. Jednom sam reko za govornicom neću halaliti, ali halalim. Ali mislim da nam te stvari u budućnosti ne trebaju. Borimo se da pričamo, da se takmičimo u pozitivnim idejama, konstruktivnim idejama i da to bude neka pozitivna ovaj utakmica.

Želim vam svu sreću, zdravlje i ako bog da vidimo se opet u sledećem mandatu.

## **JOZO NIŠANDŽIĆ**

Hvala. Ajanoviću jeste li vi se javili bili za repliku ili odustajete? (MIRNES AJANOVIĆ – Jesam za repliku, ali ću je ostaviti kad budem vijećnik kao, kao diskusiju vijećnika.) Dobro. Dobro. Jasmin Habul. Izvolte. Vijećnik Saveza za bolju budućnost.

## **JASMIN HABUL – vijećnik Saveza za bolju budućnost**

Hvala predsjedavajući. Pošto prvi puta izlazim za govornicu, želim da pozdravim predsjedavajućeg Gradskog vijeća, dopredsjedavajuću gospođu Nadu Mladinu, kolege vijećnike i vijećnice, našeg Gradonačelnika Grada Tuzle, kao i cijenjene medije.

Ja imam jednu i ljudsku i moralnu obavezu da se obratim obzirom da sam ovdje najmlađi vijećnik po stažu. Moj mandat je započeo 2014. godine poslije općih izbora i voljom građana

prelaskom mog kolege predsjednika Hamzića na kantonalni nivo preuzeo sam njegovu obavezu i dužnosti obavljanja funkcije gradskog vijećnika.

Spominjemo 2014. godinu i pamtit ćemo je mislim dugo godina. Ona je bila jako kritična za Grad Tuzlu i Bosnu i Hercegovinu. Prvenstveno je pamtimo po februarskim protestima građana koji su kulminirali sa dva velika požara. Gorila je zgrada Kantona i zgrada gradske uprave.

Protesti su okončani, zgrade su spašene. Tada sam bio akter tih događaja. Normalno na strani zaštite i odbrane kako gradske uprave tako i kantonalne zgrade, kao pripadnik Profesionalne vatrogasne jedinice Tuzla, čime se jako ponosim.

Moj, par inicijativa mojih se odnosilo na to za opremanje i nabavku i zaštitu građana u smislu nabavke vatrogasnih vozila i vatrogasne opreme. Dio toga smo nabavili i opremili se, čime se zahvaljujem gradskoj upravi i zaposlenju deset novih mladih momaka koji će ako bog da idućeg mjeseca dobiti status profesionalca i zajedno sa nama učestvovati na suzbijanju svih stvari koji će se vjerovatno vremenom događati na ovim prostorima.

Vozilo nije došlo. Došlo je na jedan drugi način. Što kaže moja inicijativa je bila. Ako bog da biće na putu i drugo. Ali šta je tu je. Uzelo se nešto što je trebalo. Gradska uprava je pomogla u rješavanju administrativnih problema u tom otklanjanju. Nadam se da će, da li ću to ja nastaviti dalje tu tradiciju u idućem sazivu Vijeća ili neko drugi nastaviti tu inicijativu, pa da se ako bog da za dvije godine i jedno novo vozilo nađe u prostorijama Profesionalne vatrogasne jedinice.

Ja sam uvijek naglašavo ne treba to Jasminu Habulu i vatrogascima već Gradu Tuzli i mislim da ćemo imati sluha i da ćemo taj posao odraditi. Došli smo na pola puta.

Predsjednik Kluba gospodin Kasumović je malo prije rekao mi ćemo prihvatiti ovaj izvješće, sve je to u skladu, i naglasili smo potrebe nekih viših institucija gdje bi se moglo pomoći Gradu Tuzli. Mi nikada od te ideje nismo bježali. Ja sam rođeni Tuzlak i normalno da mi je prvenstveno najpreći moj grad i mjesto u kojem ja živim i privređujem.

Ilustracije radi rećemo. Neki dan je pokrenut Projekat Vranduk, izgradnja velike hidroelektrane, možda najveći Projekat poslijeratni, takođe blok 7 Termoelektrana Tuzla, koji je u našoj užoj zoni i koji će zapošljavati ogroman broj radnika, uposlenika i naših kompanija.

Ja se iskreno nadam da će to biti tuzlanske kompanije i koje će zapošljavati naše ljude a ne neke kompanije iz nekih susjednih zemalja. Na tom trebamo poraditi i vjerujem da će saziv budućeg Vijeća to sigurno na tom istrajati.

Na čelu svih tih projekata nalaze se naši Tuzlaci, ljudi koji znači ipak imaju senzibilitet prema u ovom gradu i nastoje što kaže izrođeni iz naših političkih opcija i dobit će zadatke da naše Tuzlake i naše tuzlanske kompanije involviraju u ove projekte. To su značajne stvari.

Rudnik Bukinje, evo dobili smo po saznanju danas ja nisam bio što kažu upoznat, nastojat ćemo da involviramo sve naše resurse koji su na federalnom nivou da što kaže taj prostor Bukinja bude kao prioritet za naredni saziv Vijeća i da to bude poslovna zona kao što je Lipnica i poslovne zone koje su aktuelne.

Još bi jedna želja bila što kaže da neostvarena u proteklom sazivu gdje sam isto potenciro kroz dosta i vijećničkih inicijativa i pitanja, otvaranje jednog ureda u gradskoj upravi koji će se isključivo baviti stranim investicijama, da ljudi koji dođu iz svih zemalja, kako Evropske unije tako i Bliskog Istoka budu toplo dočekani i usmjereni ka investiranju u naš grad.

Ilustracije radi spomenut ću samo, da turske kompanije su investirale u susjednim opštinama velike projekte, pa zapošljavaju pa preko 200, 300 uposlenika. Mi smo ostvarili samo

jednu takvu investiciju. Trenutno imamo jednu takvu fabriku. Nadam se da će u dogledno vrijeme više imati sluha i da će ta što kaže zemlja koja ima vrlo slične i neke što kaže vrlo jake veze sa Bosnom i Hercegovinom da će investicije biti u Gradu Tuzli i da će se naša omladina i stručni kadar tu zapošljavati.

Još jednom zahvalio bi se svim i starijim kolegama koji su me prihvatili kao gradskog vijećnika u polovini mandata i na jedan fer i korektan način smo pokušavali da riješimo sve naše i inicijative i probleme u smislu rješavanja statusa grada i građana Tuzle. Što nam je i osnovni i jedini zadatak. Hvala vam.

## **JOZO NIŠANDŽIĆ**

Hvala. Gospođa Nada Mladina, zamjenica predsjedavajućeg isto želi da se obrati. Izvolte Nado.

## **NADA MLADINA – zamjenik predsjedavajućeg Gradskog vijeća Tuzla, vijećnik Socijaldemokratske partije**

Zahvaljujem predsjedavajući. Poštovani vijećnici, poštovani gradonačelnice, predstavnici izvršne vlasti, poštovani predstavnici medija, dragi gosti, sve vas srdačno pozdravljam i čini mi se da je ovo prilika uz ovu tačku dnevnog reda da se obratim.

Obzirom da se informacija o radu Vijeća odnosi na period u kome sam, između ostalog i u prethodnom periodu, bila i predsjedavajuća Vijeća i zamjenica predsjedavajućeg, informacija je kao takva lijepo sažeto urađena za veliki posao koji smo zajedno uradili.

Ja ipak insistiram na onoj zadnjoj stranici u kojoj se govori da bi trebalo riješiti sve probleme koji stoje na putu da se završi Projekat gradske vijećnice i da se osposobi Stručna služba Vijeća koja i u ovako teškim uslovima odlično radi.

Ja im se svima, a posebno sekretaru Vijeća Medihi Nuhbegović, zahvaljujem na radu jer bez njihovog takvog rada uspjeh ovog Vijeća i realizacija svega ovoga o čemu govorimo jednostavno ne bi bila moguća.

Zahvaljujem se na korektnoj saradnji svim vijećnicima, svim predstavnicima izvršne vlasti i Gradonačelniku i ne zamjerim, ostaje iza mene puno nekakvih loših situacija koje a koje nismo odmah razriješili. Ja nisam od osoba koja zlopamti, sveti se, to jednostavno ne znam. Obzirom na to da sam i kao vijećnik bila intezivista i stvari rješavala odmah a poslije i zaboravili kakva je teškoća bila jer je ona razriješena odmah.

U prethodnom mandatu jednom smo analizirali, donijeli smo kao Vijeće u kome participira, trenutno u ovom sazivu, osam političkih subjekata, prije toga mislim da je bilo šest ali nisam sad sasvim sigurna, gotovo 80% odluka jednoglasno, zaključaka. Što znači da smo bili koncentrirani na temu a naša tema je građanin Tuzle. Naša tema je Tuzla i međuljudski odnosi i način života u Gradu Tuzla.

To što mi ovdje sjedimo i što smo izabrani je volja naših građana. Mi imamo privilegiju sad kad raspravljamo o informaciji o radu Vijeća da predstavimo šta smo radili pa da građani i između ostalog i na osnovu toga zaključuju.

U tom smislu zahvalna sam parlamentarnoj većini, ali sam zahvalna isto tako zato što smo uspjeli realizovati sve ono što smo imali na dnevnom redu. Bez toga to ne bi bilo moguće. Zajedno smo to branili.

Ovo da kažem uslovno rečeno napadanje ili oponiranje je svojstvo političkog djelovanja onih koji su u opoziciji i ostavit ću da to tako, tako zadržim da je moje mišljenje tako.

Drugi koji će ustvovati na lokalnim izborima nemaju priliku da građani znaju kako bi to oni radili, ali ako budu izabrani imat će priliku da se ugledaju na rad u ovom Gradskom vijeću.

Vama puno hvala na saradnji. Svima vam želim puno sreće na lokalnim izborima, pri čemu najviše sreće želim Gradu Tuzli da dobro izabere i da zadržimo način života u Gradu Tuzli ovako kako je dosad bilo jer je to svetionik i drugim gradovima u Bosni i Hercegovini.

Hvala vam puno i želim vam svima puno sreće i rado ću se sretati sa svima vama u gradu kao i sa građanima koji su mi dali povjerenje.

## **JOZO NIŠANDŽIĆ**

Hvala gospođo Nado zamjenice moja. E ovako molim vas. Ja sam sicrpio diskusije vijećnika koje su bile zadnje, međutim imam ovaj zahtjeva od dva predstavnika kluba, od gospodina Ajanovića i gospodina Kasumovića da se obrate, ali ja bi ih zamolio da ne idemo mnogo široko ako imate nešto. Izvolte gospodine ajan. (MIRNES AJANOVIĆ – Kasumović.) Kasumović. Izvolte.

## **ELVIR KASUMOVIĆ**

Ja sam želio samo kao vijećnik da predložim jedan zaključak, u vidu toga da se uputi, pa jedan da li zahtjev ili neka preporuka javnim ustanovama, javnim preduzećima i izvršnoj vlasti, odnosno, i Gradonačelniku takođe, da se poštuje dignitet vijećnika i da se bez obzira kakav odgovor bio da se odgovori svim vijećnicima na njihova vijećnička pitanja.

Vjerovali ili ne evo imam 15 do 20 neodgovorenih vijećničkih pitanja, čime jednostavno, evo zadnje dvije sjednice nisam htio ni da postavljam ta pitanja zato što jednostavno ne vidim svrhu tog instituta vijećničkog pitanja kad ne dobivamo odgovor.

Ja sam za to da se istina iznese bez obzira ma kakva ona bila, da li bolna ili ne, ali jednostavno da se, da se, da vi evo jednostavno predsjedavajući kao prvi od svih nas jednakih uputite tu zahtjev da se poštuje znači dignitet i da se na svako vijećničko pitanje odgovara u onom poslovničkom, poslovničkom roku kako je tako naznačeno. Hvala.

## **JOZO NIŠANDŽIĆ**

Hvala. Gospodin Ajanović. Očekujem kratko, jasno jelde.

## **MIRNES AJANOVIĆ**

Predsjedavajuća Mladina je dobro rekla. Tuzla je svetionik. Dugo vremena. Posebno 2. oktobra 1943. Jedini svetionik, kao najveći oslobođeni grad u porobljenoj Evropi. I samim tim ovo što ste govorili eto kao ističu se nekakvi neprijatelji. Tuzla ima mnogo prijatelja, ali ima i neprijatelja.

Antifašistička, multikulturalna, tradicija i naslijeđe Tuzle žulja nacionalističke stranke i one koje su protiv antifašizma.

I za ovom govornicom nijedna Stranka za razliku od kolege koji je rekao nije nazvana fašističkom. Ja sam ih zvao antifašističkom. Jer su bili protiv antifašizma.

Ovdje je bilo i zahtjeva za ukidanje 2. oktobra kao Dana Tuzle. A nas upravo kao grad poznat u cijelom svijetu, gdje god ko zna ili čuje, kaže ima Tuzla koja je takva kakva jeste. Gdje kad pozovete nekog imenom nije bitno kako ste ga nazvali. Da li je Srbin, Bošnjak, Hrvat, Ostali, bilo kako, isti smo svi.

Naše multikulturalno a posebno antifašističko naslijeđe smeta raznim sljedbenicima Hitlera. Postoji i danas. Je li to mi hoćemo da kažemo da nema ustaških, četničkih ili raznih tamo koljačkih zelenokadarskih, ili nešto slično, sljedbenika.

Pa sada se jedan diči što mu je djed bio Hitlerov SS oficir. Ponosi se svojim legendarnim djedom. Nije on kriv što mu je unuka. Ali izaći s tim pa reć i to nositi kao izbornu kampanju, mene ko građanina zabrinjava.

Sedamdeseta godišnjica obilježavanje bitke u Normandiji u Evropi mora ostati zapamćena po predsjedniku Sjedinjenih američkih država Baraku Obami, koji je rekao da je pet lidera branilo antifašizam. Svijeta. Čerčil, Staljin, Ruzvelt, De Gol i Tito. Tito smo mi. Nisu ti lideri bili oni ti koji su branili, nego su predstavljali svoje narode. Građane.

Danas smeta nekome naslijeđe Tita, antifašizma, antifašističke revolucije, ljudi koji su bili zvani banditima u vrijeme kada su se borili protiv Hitlera i njegovih sluga.

Zanimljivo je da je 2. oktobra 2014. stupio na snagu Zakon o uspostavljanju Grada Tuzla. Nakon stotrideset ili šest godina Tuzli je vraćen status Grada. Otprilike tako. 2. oktobra 2014.

2. oktobar 1943., najveći oslobođeni grad. 2. oktobar 2014. Tuzla je Grad. 2. oktobar 2016. je dan izbora. Na Dan Tuzle, Tuzla ne smije pasti. (SABAHUDIN IMAMOVIĆ – Replika.)

## **JOZO NIŠANDŽIĆ**

Hvala. Samo polako. Polako. Polako. Repliku ima Sabahudin Imamović prvo.

## **SABAHUDIN IMAMOVIĆ**

Poštovani, povodu obilježavanja 17. septembra 1944. godine konačnog oslobođenja Tuzle, čast nam je pozvati vas da prisustvujete dokumentarnoj istorijskoj umjetničkoj izložbi „Antifašizam kao civilizacijska vrijednost moderne Evrope“.

Kad je Tuzla oslobođena? Ovdje kažu da je 17. septembra konačno oslobođena. Znači prvo tu moramo, tu dilemu da razriješimo. Bilo bi dobro da idemo u budućnost sa svim razriješenim dilemama.

Šta vi gospodo sa Titom imate? Osim što smo bili njegovi pioniri. Neko je bio, neko nije je li. Neko ga se maglovito sjeća i tako dalje. Ne znam šta imate sa Titom. (NADA MLADINA – Svašta.) (JOZO NIŠANDŽIĆ – Mnogo štošta dobrog.) Pa ja, ali direktno dakle vaša Politička stranka šta ima sa Titom?

Morate ako uzimate ono pozitivno iz historije, morate uzeti i ono negativno. Recimo evo sad je aktuelna priča kod Gradonačelnika kako će Arapi pokupovati zemlju. U Tuzli vjerovatno neće klizište pokupovat.

Tito je otimo zemlju i komunisti, dakle u nacionalizaciji, otimali zemlju po 500 duluma zemlje i ja se sjećam isto dobro kao dijete i da su nama uzimali u procesu eksproprijaciji po

mizernim cijenama mojoj porodici su uzeli šumu, zemlju, da bi se gradili površinski kopovi i tako dalje.

A sada dolaze ljudi i preplaćuju zemlju koju niko ne obrađuje, koja je tamo zjapi prazna i to je problem. E to je Tito. I to morate uzeti. I to je Tito. Otimanje zemlje, otimanje privatnog vlasništva, ponižavanje ljudi. I to je Tito. Kao što je i antifašistička borba. (ELVIR MAHMUZIC – Mogu li samo repliku jednu kad završi?) Dobro. Dobro.

Dakle sad dolaze Arapi, preplaćuju, zaključuju ugovor kod notara, sve civilizovano i to je problem. A nije bilo problem otet, istući i zatvoriti. E i to je Tito.

I de mi riješite dilemu kad je oslobođena Tuzla već jednom. I naši su preci bili antifašisti. I nije se u Tuzli živilo samo od 45. na ovamo. U Tuzli se živilo zajedno i prije 2. svjetskog rata i prije pojave komunista i svega ostalog. Zato što je to u biću našeg naroda.

I rekao sam nekoliko puta ovdje. Tuzla živi zato što mi svi činimo tu Tuzlu. Ko mene može spriječiti da napišem uvredljiv grafit ili bilo koga, koji to SDP, koja to policija, koji to Mirnes Ajanović. Ne, nego je naš odgoj takav da nam ne smeta drugo i drugačije.

I niste vi gospodo sa svojih 10.000 glasova zaslužni za biće Tuzle. Svi mi činimo biće Tuzle. 110.000 koji su tamo napisani. (JOZO NIŠANDŽIĆ – Pa nema. Nema razloga za visok ton.) Hoću da dižem ton. (JOZO NIŠANDŽIĆ – Nema razloga gospodine Sabahudine.)

Ovdje je počela predizborna kampanja. Mogli smo civilizovano okončati ovu sjednicu da idemo svi u svoje kampanje.

Koristite. Što niste spriječili zloupotrebu ove govornice? Sad ću ja pričati o platformi, o platformi izbornoj SDA. Ima jedno sedamdeset stranica. (MIRNES AJANOVIĆ – Replika.)

## **JOZO NIŠANDŽIĆ**

Ima. Ima. Tupajiću jesi li ostao? (MIRNES AJANOVIĆ – Ispravka krivog navoda.) Ispravka krivog navoda. Izvolte. Evo sad ćemo. Dobit ćete Topiću. (BERIZ SAKIĆ – Ne znam samo od koga treba Tuzlu braniti? To me samo zanima. Je li treba od mene Tuzla da se brani?) (ERNA MEŠIĆ – Dobro ba.) Polako. Polako. Saslušajte. (BERIZ SAKIĆ – Šta je dobro.) (SABAHUDIN IMAMOVIĆ – Šta je dobro.) (U jedan glas govori nekoliko vijećnika. op.a.)

## **MIRNES AJANOVIĆ**

Predsjedavajući. Predsjedavajući. (JOZO NIŠANDŽIĆ – Polako. Molim vas. Molim vas. Nemojte. Nemojte sad.) (BERIZ SAKIĆ – Da sam ja protiv ovoga grada. Kako vas nije sramota.) (JOZO NIŠANDŽIĆ – Molim vas. Nemojte sa mjesta dobacivati. Vidite.) (BERIZ SAKIĆ – Nemojte sa mjesta dobacivati.) (JOZO NIŠANDŽIĆ - Nemojte dobacivati sa mjesta.) (BERIZ SAKIĆ – Treba neko da mi kaže da sam ja zločinac ovoga grada koji sam se borio za ovu državu sa tenkovskom granatom.) (JOZO NIŠANDŽIĆ – Molim vas. Molim vas. Pa nemojte. Nikom vam nije reko ništa. Nemojte nipošto. Mirnese.) (SABAHUDIN IMAMOVIĆ – Borio se Mirnes Ajanović.)

Predsjedavajući. (JOZO NIŠANDŽIĆ – Izvolte.) (SABAHUDIN IMAMOVIĆ – Što dozvoljavate da se sjednica održi.) (MENSUR ALIĆ – Tražim pauzu od deset minuta.) Dok završim predsjedavajući. Ja sam za govornicom. (SABAHUDIN IMAMOVIĆ - Što niste mogli na civiliziran način sjednicu sprovesti do kraja.) (JOZO NIŠANDŽIĆ – Nemojte molim vas.) (SABAHUDIN IMAMOVIĆ – Šta nemoj.) (JOZO NIŠANDŽIĆ - Tupajiću. Ti ovaj

Sabahudine.) (MENSUR ALIĆ – Poslovnička. Predsjedavajući poslovnička.) (JOZO NIŠANDŽIĆ – Ali predsjednik Kluba može tražiti. Ne možete vi po Poslovniku.) Ne može. Predsj. Ne može ja sam za govornicom. (JOZO NIŠANDŽIĆ – Dobro je.) Ne može ja sam za govornicom. (ERNA MEŠIĆ – Izašo čovjek za govornicom. Izašo čovjek je za govornicom.) (JOZO NIŠANDŽIĆ – Saslušajte. Saslušajte ba. Molim vas.) (MENSUR ALIĆ – Imam je oči. Znam ja šta je Poslovnik. Poslije njegovog tražim.) Kad završim onda može tražiti šta hoće. (JOZO NIŠANDŽIĆ – Pa poslije njegovog ćemo dati. Polako. Izvolte.) (MENSUR ALIĆ – Nemojte me učiti. Znam ja. Ja sam 12 godina u Vijeću.)

Ja nisam pomenuo nijedno ime. Nisam pomenuo nijednu političku stranku. Jesam pomenuo saradnike Hitlera. Ustaše, četnike i one druge koji su mu služili iz reda muslimanskog naroda. To jesam.

Zašto ovakav bijes Sabahudina Imamovića na pominjanje antifašizma i Tita? Neću dalje obrazlagati, neću dalje replicirati, niti ispravljati krive navode. Završit ću na način da kažem, da je upravo ovo što je rekao Sabahudin Imamović.

Obavezujem sve nas da 2. oktobra na Dan Tuzle, Tuzla ne smije pasti.

## JOZO NIŠANDŽIĆ

Hvala. Molim vas po zahtjevu Kluba Tuzlanske alternative. (MENSUR ALIĆ – Odustajem.) Odustajete. Nema pauze. Dobro. Hvala. Samo moram, malo još. Još Tupajić, pa Edo, pa ću vam dati. Tupajiću izvolte.

Ali ja vas molim to dajte da zaista da provedemo ovo kraju u najno, najmirnijem tonu.

## MIRZA TUPAJIĆ

Ja ću opet finim, tihim tonom kako me je mama vaspitala moja i rahmetli babo. Četiri godine vrijeđanja Mirnese. I evo za govornicu sam rekao da halalim. Okreto si se Mirnese i ovako rukom pokazivo.

Okreto si se Mirnese djetetu antifašiste, govorio si te stvari koje si govorio. Halalim. Ovo je politička arena. Svi mi malo izletimo.

Od koga da Tuzla padne? Tuzla ne smije pasti. Tuzla ne smije pasti. 92. godine u zgradi Merhameta. Molim gospođu Ernu (JOZO NIŠANDŽIĆ – Molim vas.) nemoj praviti grimase. Ljubim te. (JOZO NIŠANDŽIĆ – Nemojte. Nemojte molim vas. Nemojte molim vas.) (ERNA MEŠIĆ – Nemoj me ljubiti sa govornice. Nemoj me ljubiti sa govornice. Eto.)

92. godine u zgradi Merhameta gdje se danas nalazi, gdje se danas nalaze prostorije Gradskog odbora Stranke demokratske akcije Tuzla je krenula grupa mladića, gdje je bilo evo i najviše Bošnjaka, ali je bilo tamo i pripadnika srpske nacionalnosti i hrvatske nacionalnosti i onih ostalih. Organizovali su prvu jedinicu Patriotske lige u Bosni i Hercegovini. Od tih ljudi je li ne smije pasti.

Ti ljudi tad su ustali i svoju mladost, i svoje zdravlje, i svoje živote dali, dali za odbranu Grada, Grada Tuzle.

Ponavljam. Takmičimo se u pozitivnim idejama. Projektima. Da vam ja kažem šta je moderni fašizam u Tuzli. Moderni fašizam je kad u januaru mjesecu ne možeš doći majki Muniri gore u Batvu u posjetu i treba ti žičara. Jer misaona imenica je viditi grtalicu u mahalama, našim prelijepim mahalama našega grada. Misaona, misaona imenica.

Poručujem građanima, nek uzmu svoje račune za vodu, svoje račune za smeće, ali one račune prije sedam, osam godina i nek uzmu ove danas koje imaju. Sve će im biti jasno. Upravo na tim sjednicama gdje su povećane cijene vode, gdje su povećane cijene smeća, mi smo ovim imenima nazivani. Zašto? Da bi se skrenula pažnja, pažnja javnosti. (JOZO NIŠANDŽIĆ – Hvala.) Jozo ja ne znam jesam li završio. Nisam još reko. (SABAHUDIN IMAMOVIĆ – Jozo izduraj još pola sata i otiđi u istoriju.) Neću. (JOZO NIŠANDŽIĆ – Završite. Nastavite.) Prekino si me.

Mislim da su ove stvari bile nepotrebne jer znam kako se kad se vidimo na ulici. Ne mrzimo mi jedni druge. I nemojmo plašiti građane Grada Tuzle nekim nevidljivim, imaginarnim neprijateljima. Nevidljivim, imaginarnim.

Neprijatelj Tuzle je onaj gazda kafića koji ne izda fiskalni račun. To je. Zašto? Jer ne plaća. Koji ne izda, popiješ kafu, ne izda fiskalni račun. A isto tako i naše ponašanje koje kada ne tražimo taj fiskalni račun.

Bavimo se konkretnim, konkretnijim stvarima. Ja vam želim opet svako dobro.

## **JOZO NIŠANDŽIĆ**

(EDIM KADIĆ – Replika.) Repliku je gradonačelnik tražio već dugo vremena. Izvolte gradonačelniče. Imamo još replika ali eto ako hoćete vi ili ćete na kraju ostaviti. (JASMIN IMAMOVIĆ – Samo ono da ne ode u stenogram.)

## **JASMIN IMAMOVIĆ**

Ja sam ovo sa gospodinom Alićem na hodniku rasčistio, (JOZO NIŠANDŽIĆ – Samo malo molim vas. Nemojte sa mjesta.) ali moram to da kažem jer je ovdje gospodin Alić koji vjerujem da to nije namjerno. Da je bio u to uvjeren pa smo razgovarali gospođa Hasiba Šahmanović i ja sa Mensurom na hodniku.

Dakle gospodin Alić je rekao, prodali ste mi zemljište pod restitucijom, pa onda mora nešto tužilaštvu da objašnjava. Ja moram da kažem dakle da to dakle nije tačno, provjerio sam sa šeficom Imovinsko-pravne službe, prodato je zemljište u vlasništvu Grada Tuzla.

A to da je neko napiso prijavu bog zna kakvu, normalno tužilaštvo primi anonimnu ili bilo kakvu prijavu, mora da radi svoj posao i da te navode provjerava.

Dakle nije prodato zemljište pod restitucijom, nego je prodato zemljište u vlasništvu Grada Tuzle po zakonu.

Bila je jedna rečenica onako meni evo jer se mi u ovom sazivu rastajemo i vidjet ćemo šta će biti iza 02. 10., kaže ko god drugačije misli bude proglašen za neprijateljem.

Moram da kažem da to nije tačno. Evo vidite u ovoj kampanji. Udaraju svi po lokalnoj vlasti, po mom timu i po meni. Još nisam čuo nijednu kritičku riječ protiv Vlade Kantona.

Ja razumijem politički, neće SDA i SBB udarati po Vladi Kantona jer ista su Partija, ali ne znam ove druge partije ama nema kritičke riječi. To znači da vlada neki strah.

Ja sam vrlo ponosan što se udara po meni jer to znači da se ljudi, jer nemaju razloga, mene ne boje. A nemoguće je naći dokaz da sam se ja nekome osvetio jer to smatram strašnom grehotom.



Tu sam, moramo trpiti kritiku. Tako da ne znam kako ja mogu, nit imamo u rukama ni pravosuđe, ni policiju, ništa, osim snagom dakle argumenta. I to je nešto gdje se recimo sa Mensurom eto ne bih složio. Zato govorim da su ljudi subjektivni.

Ovo moram reći Mirzi. Mirza vidi. Čitat će ljudi i poslije stenograme. Ja govorim o zemlji Bosni i Hercegovini i govorim o građanima Tuzle. Dakle nije tačno da je sve po zakonu. Dobra je investicija kad dođe neki s parama, pa ovdje napravi neki objekat, pa nam zaposli ljude. Šta nas briga mislim kako se zove i odakle. Neka nam napravi objekat koji nema točkove.

Ali ono o čemu sam ja govorio jeste nelegalno. Dakle krši se pravo reciprociteta. Ako ja u nekoj zemlji nemam pravo kupiti zemljište, nema ni neko drugi iz te zemlje koja god to bila, a ono se kriši tako što se osnivaju firme iz fiktivnih razloga a da bi se obavila kupovina. I to kupovina placa i kuće. Ja o tome govorimo. I nije to nikakvo spinovanje.

Dakle možeš ti replicirati meni do zore, ali ljudi znaju šta se događa u Sarajevu, u Travniku, u Bugojnu, u Bihaću. Ljudi znaju šta se događa i ljudi će o tome donijeti sud. Nije ovo bezvrijedna zemlja. Smatram dakle da se radi o jednom od najvrijednijih gradova u Bosni i Hercegovini.

Mi se prema tome moramo odrediti. Da. Velika investicija, razvoj i tako dalje. Ali kupovina placa od onoga kod koga ja plac ne mogu kupiti mislim da to je suprotno zakonu. Dakle štitimo dostojanstvo naše zemlje.

Nije spin. Meni ne vjerujete zbog mog političkog porijekla. Ali evo poslušajte akademika Durakovića. Akademik je u tri arapske zemlje i u zemlji Bosni i Hercegovini. Evo nemojte slušati mene, poštujemo akademika. Člana Akademije nauka četiri zemlje. Četri zemlje. Profesora Durakovića. Pogledaj Mirza, reko bi ti isto ovo na hodniku, poslušaj čovjeka. On to bolje zna. On bolje zna i taj svijet i ovaj svijet jer stvarno je dokazan. Pa preveo je „1001 noć“. Član Akademije nauke BiH i Akademije tri arapske zemlje.

Poslušaj, mlad si čovjek i to je nešto oko čega moramo svi sjest. Jedva čegam ja da prođe ova kampanja. Imamo mi podatke anketa. Sjesti da vidimo bolan šta da radimo. Odgovaramo mi za ovu djecu koja su se sada rodila na Gradini.

Dakle to je, samo hoću da kažem da nije nikakav spin, nego zabrinutost. I uopšte ne bi bio zabrinut da nisam Gradonačelnik, ovoliko koliko moram. Dužnost mi je da budem zabrinut kad sam, kad sam Gradonačelnik.

Imo bi mom prezimenjaku oko Tita da repliciram pola sata, ali evo dovoljno je da kažem ono pravnički, u cijelosti osporavam navode vijećnika Sabahudina Imamovića jer da ne duljimo.

Ja čestitam. Pazite. Rekorderi ste ljudi moji. Vi ste BiH rekorderi po broju održanih s, ovih tačaka dnevnog reda obrađenih. Dalje. Ja ne znam. Nisam to stigo provjeriti. Ko je još to sad u sred kampanje, petnaest dana pred izbore, zakazao sjednicu Vijeća. Ko misli da je ova sjednica petnaest dana pred izbore netolerantna nije objektivan.

Moje mišljenje, ova atmosfera, pa vi ste gospoda. Hvala vam.

## **JOZO NIŠANDŽIĆ**

Hvala. Ima, ima poslovničku je i gospodin Alić tražio. Polovnička ima prednost. Izvolte gospodine Aliću.

## **MENSUR ALIĆ**

Vjerovatno imate puno prijavljenih još replika. Pošto se otišlo od dnevnog reda, ako se nastave replike ja pozivam Tuzlansku alternativu, pet vijećnika, da napustimo Vijeće zato što se ne radi po dnevnom redu iz protesta. Zahvaljujem. (EKREM TOPIĆ – Poslovnička.)

## **JOZO NIŠANDŽIĆ**

Hvala. Nemam. Poslovnička. Izvolte Topiću.

## **EKREM TOPIĆ**

Ja ću. Podržavam stav gospodina Alića. Nečija je hemijska ostala. Podržavam stav ali ja se već lomim pola sata vjerujte mi čisto iz zdravstvenih razloga da izađem iz sale. Već sam malaksao, drhte mi ruke.

Imo sam i ja puno toga svašta reći ali potrudio sam se da budem korektan, tolerantan bar na kraju mandata. Mogo sam i ja reći i ovo, i ono, i svašta toga. Čovjek je guto puno toga ovih godina.

Ako možemo se krenuti jednom normalnom radu da završimo, ako ne može. Nisam htio ovo da uopšte govorim. Možete misliti da nešto zloupotrebljavam. Puno mi je narušeno zdravlje u zadnjih mjeseci. Ja ću morat napustiti ko i onu majsku sjednicu kad sam napustio iz zdravstvenih razloga, morat ću i ovu jer moje srce i uši. Ja nisam čovjek gdje ovdje uđe, ovdje iziđe, ja to sve gutam, preživljavam i već sam dobro uznemiren.

Ako budemo išli u ovom toku preće je meni ovo malo zdravlja sačuvat neg nervirat se ovdje i slušati i već me je znoj evo obliva a i počeo sam malo drhtat. (MIRNES AJANOVIĆ – Poslovnička.)

## **JOZO NIŠANDŽIĆ**

Pred. Poslovnička isto? Izvolte. Poslovničku isto i Ajanović. (EKREM TOPIĆ – Čija je reko ostala?) Ostavite tu kod nas.

## **MIRNES AJANOVIĆ**

Rekao sam da neću replicirati, ispravljati krive navode, nisam rekao da neću se pozvati na pravo po Poslovniku da imam pravo na poslovnički prigovor.

Nismo mi ništa uradili protivno Poslovniku. Niko. I ja kad sam govorio na strani 11. imate da je 2. oktobra 2014. godine proglašen i stupio na snagu Zakon o Gradu.

Jer ja to nemam pravo povezati sa na oktobar 43. i 2016? I zašto kada uvijek se pomene antifašizam i Tito imamo zahtjev za prekid sjednica? Neću davati odgovor.

Ali uvijek, vratite se, ko god želi neka pogleda kroz stenograme i kroz video sjednice, kad god se pomenuo antifašizam Tuzle ili su napuštali sjednice, ili su tražili prekide.

Ja koliko znam i Edim Kadić je povukao zahtjev za repliku kad je Gradonačelnik izašao jer imao je prije pravo njega i povukao, nema ni prijavljenih.

Ne treba nam ova vrsta scene navodnog neposlovničkog djelovanja u potpuno, dobro je rekao Gradonačelnik, kolegijalnom radu ovog Vijeća na današnjoj sjednici. Ne prozivamo se

imenima, ne prozivamo ni po strankama, dovoljno smo prije govorili, ističemo nekakvo svoje završno mišljenje u okviru podnošenja izvještaja Gradskog vijeća za mandat 2012/2016. godina.

## **JOZO NIŠANDŽIĆ**

Hvala. Molim vas. (MIRZA TUPAJIĆ - Još jednu rečenicu. Neću puno. Neću ništa puno reć.) (ERNA MEŠIĆ – Nemoj ljubim te.) (MIRZA TUPAJIĆ – Neću boga mi.)

Molim vas. Evo ja vas molim da privedemo kraju. Topiću. Odnosno Tupajiću, molim vas. Ja imam pravo. (SABAHUDIN IMAMOVIĆ – Izađi i pričaj. To je tvoje pravo.) Ja. Izvolte. (SABAHUDIN IMAMOVIĆ – Tražio si repliku i govori. Hoćeš li njima prepričati prvo.)

Nemojte sa mjesta molim vas. Ne treba. (ELVIR MAHMUZIĆ – I ja sam onda tražio repliku.) Pa molim vas, ja sam vama zaustavio replike i gospodi. Evo sad ću mu ja isto replicirati. Odnosno ispravku krivog navoda. Pa nema razloga. Nema potrebe sad. Dogovorili smo se fino na Kolegiju da, da.

## **MIRZA TUPAJIĆ**

Četiri godine ovako isto. Kad god mi iz opozicije tražimo riječ i jedva se dobije. (JOZO NIŠANDŽIĆ – Pa vi je izazovete prije svega Tupajiću. Vi ste je sad izazvali, odmah moram vam reći. Ima Stenogram.) Pa nemojte tako. Pa nemojte molim vas. Nemojte molim vas.

Čujem ovdje. Ono što sam govorio vezano za strani novac koji je potreban Bosni i Hercegovini, potreban evo i Gradu Tuzli. Govorio sam da su ovo opipljive i teške teme. Jako teške.

Nama trebaju strani investitori. Nama trebaju strani investitori. I na to sam mislio. Znači mislio sam na biznis. Imamo mi dovoljno nekog zemljišta. Evo još. Ne samo ovu Poslovnu zonu. Još poslovnih zona gdje će se biznis razvijati.

Jer imamo radno sposobnu snagu, imamo kvalitetne ljude koji su vični da stvaraju novu vrijednost. Na to sam mislio. Eto to je to.

## **JOZO NIŠANDŽIĆ**

Hvala. Zaključujem raspravu molim vas. Idemo na izjašnjenje a imamo poslije i zaključke. Molim vas. Samo da vam. (MEDIHA NUHBEGOVIĆ – Ko je za to da se primi k znanju informacija.)

Znači informaciju primamo k znanju, ali hoćemo li se inače izjasniti rukama. (ELVIR MAHMUZIĆ – I ja sam se javio za repliku, ali evo odustajem.) Molim. (ELVIR MAHMUZIĆ – Imo sam ja repliku, ali odustajem.) Ali odustaješ. Hvala ti. Pa evo ja sam. Nek se zna.

Pitam vijećnike, ko je za primanje informacije, molim da digne ruku? (23) Ima i neko protiv? (Nema.) Suzdržan? (Nema.)

23 vijećnika su glasala za, niko nije bio protiv i suzdržan, te konstatujem da je INFORMACIJA O AKTIVNOSTIMA OPĆINSKOG/GRADSKOG VIJEĆA TUZLA U MANDATNOM PERIODU 2012-2016. GODINA, jednoglasno primljena k znanju.

I molit ćemo uvaženog sekretara gospođicu Medihu da nam pročita predlog zaključaka molim vas.

## **MEDIHA NUHBEGOVIĆ**

Dakle poštovani vijećnici, predlažu se sljedeći zaključci:

1. Gradsko vijeće Grada Tuzla, upućuje pohvalu Stručnoj službi Gradskog vijeća za izvršavanje poslova i zadataka iz nadležnosti Stručne službe, te traži da se Služba kadrovska ojača.

2. Konstatuje se da je u mandatnom periodu 2012-2016. godine realizirano 1567 tačaka i podtačaka dnevnog reda i 2119 materijala od strane Gradskog vijeća Tuzla, kao i od strane predlagača i obrađivača materijala, što ukazuje na impresivne rezultate rada ovog Gradskog vijeća. Preporučuje se Gradskom vijeću u novom sazivu 2016-2020., da prihvati i nastavi kontinuitet u načinu rada dosadašnjem načinu rada Gradskog vijeća Tuzla.

3. Preporučuje se Gradskom vijeću u narednom periodu i u sazivu 2016-2020. godina, da odluke koje su vezane za transparentnost rada Gradskog vijeća ostanu i dalje na snazi, posebno one koje se odnose na sadržaj web stranice Grada Tuzla.

4. Informacija o aktivnostima Općinskog/Gradskog vijeća u mandatnom periodu 2012-2016. godina će se postaviti na web stranicu Grada Tuzle.

5. U narednom periodu pripremati informacije o realizaciji vijećničkih inicijativa usvojenih na sjednicama Gradskog vijeća Tuzla.

6. A u narednoj informaciji o aktivnostima Gradskog vijeća Tuzla naznačiti aktivnosti svakog pojedinog vijećnika na sjednicama Gradskog vijeća.

7. Gradsko vijeće Tuzla traži, da se u narednom mandatnom periodu dovrši projekat rekonstrukcije zgrade „Grafičara“ u Tuzli i da se realizira projekat elektronskog upravljanja sjednicama Gradskog vijeća Tuzla (Tzv. E-parlament.).

8. Gradsko vijeće Tuzla, traži od Vlade Federacije Bosne i Hercegovine, da donese odluku o davanju na korištenje prostora napuštenog rudnika „Bukinje“ za formiranje poslovne zone za potrebe Grada Tuzla.

9. Traži se od predsjedavajućeg Gradskog vijeća, da uputi pismo svim onim na koje se odnose vijećnička pitanja, da dostavljaju odgovore u roku propisanom Poslovníkom Gradskog vijeća Tuzla.

## **JOZO NIŠANDŽIĆ**

Evo čuli ste predlog zaključaka molim vas. Ko je za ove? Ne. Ne. Ima Sabahudin. Izvolte Sabahudine. Da. Dobro možemo i to.

## **SABAHUDIN IMAMOVIĆ**

Očekivao sam u jednom od zaključaka da će se naznačiti zabrinutost ovog Vijeća što izvršna vlast ne prati ovo Vijeće, u smislu da ne odgovara na vijećnička pitanja, da se inicijative ne realizuju i da se neki dokumenti ne poštuju.

Evo prepuštam sekretaru do to uobličiti.

## **JOZO NIŠANDŽIĆ**

Nisam ja taj. Ne. Ja. Ovaj. (MIRNES AJANOVIĆ – Poslovnička.) Izvolte. Ima poslovničku.

## **MIRNES AJANOVIĆ**

Zaključci su u toku rasprave jasno prezentirani i sekretar je sačinila predlog zaključaka. Mi nemamo sad ovakav zaključak jer je evidentno bilo u toku rasprave da je bilo različitih stavova u vezi ovakvih prijedloga i nije konkretiziran zaključak.

Tako da predsjedavajući ja vas pozivam shodno Poslovniku da stavite na izjašnjenje predložene zaključke.

## **JOZO NIŠANDŽIĆ**

Molim vas. (SABAHUDIN IMAMOVIĆ – Poslovnička.) Izvolte poslovnička.

## **SABAHUDIN IMAMOVIĆ**

Predlažem. Predlažem da se među predložene zaključke uvrsti i zaključak u kojem Gradsko vijeće izražava svoju zabrinutost zbog odnosa izvršne vlasti prema Gradskom vijeću kao glavnom predstavniku, najvažnijem predstavničkom tijelu i najvažnijem tijelu lokalne samouprave. (JOZO NIŠANDŽIĆ – Dobro. Hvala.)

Ja ne znam šta je sporno. Jesmo li mi izglasali zaključke? (JOZO NIŠANDŽIĆ – Izvoli.) Je li ja to ne smijem predložiti zaključak? (JOZO NIŠANDŽIĆ – Imate pravo. Predložite vi.) Evo predlažem. (JOZO NIŠANDŽIĆ – Pa dobro. Predložite.)

Dakle izražavamo zabrinutost. Nisam završio. Sjedni. (JOZO NIŠANDŽIĆ – Izjasnit ćemo se mi. Nemojte vi. Sjedni malo Elvire samo.) Sjedni dok ja ne završim. (JOZO NIŠANDŽIĆ – Sjedni.) (ELVIR MAHMUZIĆ – Neću da sjedim.)

Dakle predlažem zaključak, da se izražava zabrinutost Gradskog vijeća neradom izvršne vlasti, nepoštivanjem izvršne vlasti ovog tijela, nesprovođenjem, ne odgovaraju na vijećnička pitanja, realizacijom inicijativa, ne poštivanjem ključnih dokumenata kao što je Program kapitalnih investicija, kao što su regulacioni planovi i druge odluke koje je ovo Vijeće donijelo.

(JOZO NIŠANDŽIĆ – Izvolte Elvire. Hajde jeste li završili?) Šta hoćeš ti? (ELVIR MAHMUZIĆ – Molim vas da odstupite.)

## **JOZO NIŠANDŽIĆ**

Izvolte. Izvolte Elvire.

## **ELVIR MAHMUZIĆ – vijećnik Socijaldemokratske partije**

I mi izražavamo zabrinutost što ste vi zabrinuti druže Sabahudine. Imate pravo na prijedlog zaključaka, pa hajmo da stavimo na izjašnjenje.

Ja predlažem Vijeću (MIRNES AJANOVIĆ – Poslovnička.) ovo da se stavi pojedinačno izjašnjavanje po predloženim zaključcima.

## **JOZO NIŠANDŽIĆ**

Ja. (MIRNES AJANOVIĆ – Poslovnička.) Izvolte. Poslovničku imate.

## **MIRNES AJANOVIĆ**

Predsjedavajući, poslovnička intervencija zato što je evidentno evo sam Sabahudin Imamović je izlaskom za govornicu rekao predlažem zaključak. Vi ste zaključili raspravu. Nema nikakvog predlaganja nakon zaključene rasprave.

Ovo nije predloženo u okviru regularnog vremena kada su vijećnici i klubovi vijećnika imali priliku da predlažu zaključke.

Sam argument neposlovničkog zahtjeva Sabahudina Imamovića jeste i njegov zahtjev da nakon zaključene rasprave raspravlja, odnosno predlaže bilo šta. To je protuposlovnički.

Nema nikakvog izjašnjavanja o tome da li ćemo nešto što je protuposlovnički mi kao vijećnici odlučivati se o tome ili ne.

Predsjedavajući. Vi kao predsjedavajući imate obavezu istaći da ste završili raspravu, da je zaključena rasprava, da nema više osnova nijednom vijećniku niti klubu da raspravlja, nego da imamo samo obavezu da se izjašnjavamo o zaključcima koji su već predloženi u toku (SABAHUDIN IMAMOVIĆ – Ispravka krivog navoda.) rasprave. (MENSUR ALIĆ – Poslovnička. Poslovnička.) (EDIN HARAČIĆ – Imate prvo ispravku krivog navoda.) (MENSUR ALIĆ – Poslovnička.)

## **JOZO NIŠANDŽIĆ**

Poslovnička ima prednost. Pa zaista hoćete namjerno da ode inače zagužva. Mi ćemo pustiti u proceduru ovi zaključci koji su napisani. Izglasat ćemo se. A poslije tog vi ako hoćete preglasajte i tako će biti. Odnosno zahtjevajte i tražite. Izvolte. Pa dobro.

## **MENSUR ALIĆ**

Uvijek smo dosad, kad se zaključci pročitaju, pitali ima li ko dopunu zaključaka? I uvijek smo to dosad radili. Četiri godine. Zašto je odjedanput sad presedan?

Čovjek ima zaključak da predloži, evo dobro je predložio, pa hajmo se izjašnjavat pojedinačno o zaključcima. (JOZO NIŠANDŽIĆ – Dobro.) (MIRNES AJANOVIĆ – Ispravka krivog navoda.)

Ako je došlo dotle da ne može, ne smije predložiti zaključak. Rasprava jeste završena. Naravno. I sve. Ali uvijek kad se pročitaju zaključci, kaže ima li primjedbi na zaključke? Ima neko još jedan zaključak ili dva i stavi se na glasanje. (JOZO NIŠANDŽIĆ – Hvala. Hvala.)

Dokrajčimo to kako valja.

## **JOZO NIŠANDŽIĆ**

Izvolte. Izvolte. (SABAHUDIN IMAMOVIĆ – Prvo sam ja tražio ispravku.) (MIRNES AJANOVIĆ – Ispravka.) Ne. Ne. A ima. Šta si tražio ti? Ispravka? Šta si tražio? Ispravka.

(MIRNES AJANOVIĆ – Poslovnička intervencija.) Pa nemojte. Dajte malo. Molim vas dajte. (SABAHUDIN IMAMOVIĆ – Poslovničku i ja tražim.)

### **SABAHUDIN IMAMOVIĆ**

Pa četiri godine smo u Vijeću. Najmanje neki. A neki evo čujem i dvadeset godina. (JOZO NIŠANDŽIĆ – Da.) Ja nisam znao kakve će zaključke sekretar uobličiti nakon onolike rasprave. Ja samo reagujem.

Dakle zaključci su, u njima je uobličena rasprava. Nisam znao da u okviru zaključaka neće biti ovo o čemu sam ja govorio.

Dakle da se poštovala i moja rasprava vjerovatno bi se shvatilo da ja nisam zadovoljan sa Gradonačelnikom, izvršnom vlast i ostalo.

Dakle imam pravo. Ja ne znam sekretar kakve priprema tamo zaključke. Moglo je biti četiri zaključka, sedam. (JOZO NIŠANDŽIĆ – Ali čuli ste. Čuli ste.) Čuo sam i reagujem.

### **JOZO NIŠANDŽIĆ**

Čuli ste. Dobro. Izvolte Ajanoviću.

### **MIRNES AJANOVIĆ**

Onaj ko ne sluša raspravu tačno je ne zna šta će sekretar napisati u predlogu zaključaka. Ko izlazi sa sjednice i sjedi tamo negdje u holu i pije kafu. Ili ne znam šta. Jede burek ili sirnicu. Ne može znati šta se raspravlja na Vijeću.

Mi smo u okviru naših prijedloga jasno za govornicom istakli predložimo zaključak. I sekretar kada to vijećnik kaže evidentira. I to je uvijek do sada bilo. Bez obzira ko rekao.

Evo sad smo maločas imali određene zaključke kada smo raspravljali i svi su uvršteni. Pa čak i ovi zaključci koji su bili u vezi i vijećničkih pitanja. Svi su ušli. Gdje god je ko rekao predlažem zaključak sekretar je to prezentirao.

Tamo gdje nije, gdje je govorio, diskutovao, ne može sekretar imati pravo da sama procjenjuje, da sam procjenjuje šta to treba da piše. Onda bi bilo stenogram.

Sabahudin Imamović je nakon rasprave, nakon zaključene rasprave, nakon pročitanih zaključaka, izašao i rekao predlažem zaključak. Nije tačno što Mensur Alić kaže da smo uvijek usvajali tako. Ne.

Mi imamo priliku popraviti prijedlog zaključka ako neka riječ ili nešto eventualno nije napisano onako kako je predloženo. (MENSUR ALIĆ – O tome sam i mislio.) Da bi bilo jasnije. Evo i on sad kaže o tome je mislio. Ali ne predlagati nove zaključke.

I zato predsjedavajući, vaša poslovnička obaveza, vi to morate reći, ja nisam predsjedavajući, da je zahtjev za dodavanje zaključka nakon zaključene rasprave protuposlovnički. I da o tome se nema šta raspravljati. I da pristupite predlogu Vijeću da se izjašnjava o zaključcima koji su pročitani.

Molim vas to vi uradite. Nemojte da mi radimo umjesto vas.

### **JOZO NIŠANDŽIĆ**

Hvala. Gospođa Jasminka Mijatović isto takođe želi.

### **JASMINKA MIJATOVIĆ – vijećnik Hrvatske demokratske zajednice**

Definitivno smo otišli od teme i ja kažem da je svaki put jako ružno kad pričamo o stvarima koje nisu na dnevnom redu, ali ispravka krivog navoda kolegi Ajanoviću iz razloga što je svaki put kad smo donosili najvažniji akt pored Statuta, Proračun Grada, njegova diskusija bila u pravcu dopune zaključaka da sve ono što su vijećnici istakli u svojoj diskusiji bude razmatrano od strane stručnih službi prilikom realiziranju određenih akata.

Evo takav zaključak može biti i ovaj put. (MIRNES AJANOVIĆ – Ispravka krivog navoda.)

### **JOZO NIŠANDŽIĆ**

Izvolte.

### **MIRNES AJANOVIĆ**

Tačno je da sam ja vrlo često predlagao zaključak da diskusije i sve što je bilo u toku rasprave ima obavezu za organe Grada. Tačno.

Ali ovaj put nisam ja niti bilo ko od vas predložio takav zaključak. Iz tog razloga takvog zaključka nema.

Nakon zaključene rasprave ne raspravljamo ni o čemu. Ne želim praktično eto na zadnjoj, predzadnjoj tački, još jedna ima kadrovska pitanja, nebitno, da završimo zadnju sjednicu Gradskog vijeća kršenjem Poslovnika. Nebitno je šta se predlaže.

Imali smo priliku više sati govoriti šta god smo htjeli. Niko nije od predsjedavajućeg praktično niti od bilo nas koga isticao treba nekome skratiti i oduzeti riječ. I kad se završila rasprava sad se nešto traži a nije se tražilo u toku rasprave.

Predsjedavajući još jednom vam, pozivam vas na Poslovnik, kada se završi rasprava nema više rasprave. Nećemo otvarati novu raspravu jer je završena. I ne možemo je otvarati.

Što je neko zaboravio, prespavao, otišao, napustio, nije ga bilo briga, nije ga interesovalo, nije predložio, to je njegov problem a ne nas kao Gradskog vijeća.

I evo pozivam se ponovo na poslovničke obaveze, zauzmite stav kao predsjedavajući, je li zahtjev za dopunu nakon zaključene rasprave poslovnički ili ne, vi to trebate reći. Ako kažete da nije stavite na glasanje zaključke koje imamo. (SABAHUDIN IMAMOVIĆ – Poslovnička.)

### **JOZO NIŠANDŽIĆ**

Hvala.

### **SABAHUDIN IMAMOVIĆ**



Tražim od sekretara Vijeća, da uzme Poslovnik i da nam ovu stvar protumači. Pozivam budućeg predsjedavajućeg, na tome ću insistirat ako budem vijećnik, od sad ko god izađe i traži poslovničku mora i reagovati u skladu sa Poslovnikom i reći zato što je ta i ta odredba Poslovnika prekršena. Kod nas je sve poslovnička. (DAJANA BAKIĆ – Pa sad se sjetio.) (JOZO NIŠANDŽIĆ – Hvala. Hvala.)

Dakle sad tražim, od ponedjeljka pravna država. (JOZO NIŠANDŽIĆ – Hvala. Hvala.) Dosad što je bilo. Znači. (JOZO NIŠANDŽIĆ – Molim vas. Ja. Ja predsjedavam još ovdje. Molim vas. I dozvolite mi da.)

Dakle tražim od sekretara, da nam ovu stvar razjasni u skladu sa Poslovnikom. (JOZO NIŠANDŽIĆ – Ja predsjedavam gospodine Imamoviću ovdje.) Ali sekretar tumači. (JOZO NIŠANDŽIĆ – Ne dozvoljavam sad. Evo ja sad da kažem ne dozvoljavam. Molim vas. Deset puta izlazite po jednoj istoj stvari. Pa nemojte tako. Stvarno nema smisla.)

Dao sam vrlo konstruktivan prijedlog. (JOZO NIŠANDŽIĆ – Pa nemojte. Izjasnit ćemo se ovdje i staviti ćemo.) Evo sekretar je već pronašla i Poslovnik.

Dakle ako se svi pozivamo na Poslovnik i rad u skladu sa Poslovnikom logično je da tražim od sekretara da mi protumači odredbe vezano za usvajanje i predlaganje zaključaka. Je li tražim puno?

Predsjedavajući koliko znam vi niste pravnik. (JOZO NIŠANDŽIĆ – Hvala. Izvolte na mjesto. Čuli smo.) Vi niste pravnik. Sekretar je pravnik i od njega tražim. (JOZO NIŠANDŽIĆ – Znam. Dozvolite. Čuo sam.) Hvala.

## **JOZO NIŠANDŽIĆ**

Čuo sam. Ne morate stojati tu. Nije dobro. (NADA MLADINA – Ne morate. Nemojte se svađati.) Imamo li tumačenje? (MEDIHA NUHBEGOVIĆ – Je li me prozivate ili me ne prozivate?) Pa izvolte ako imate. (NADA MLADINA – Prozovi Medihu.)

Ja predlažem ovako. Pošto ja molim vas ovdje. Idemo. Prvo ja predlažem ovdje sada. Znači idemo na usvajanje zaključaka koje smo imali. (MIRNES AJANOVIĆ – Je li zaključena rasprava?) Zaključena je rasprava. Ma nema jasno je to. Zaključena je rasprava.

Idemo u izjašnjavanje po zaključcima koje smo dobili, a onda ćemo. Nemojte se smijati. Nije umjesno baš da znate dobro. Molim vas. (NADA MLADINA – Informaciju smo primili k znanju.) To je završeno sve. (SABAHUDIN IMAMOVIĆ – Šta je sa mojim zaključkom? To nije uredu predsjedavajući.)

Pitam vijećnike, ko je za predlog zaključaka koje je pročitao sekretar Gradskog vijeća, molim da digne ruku? (16) Ima li neko protiv? (Nema.) Suzdržan? (9)

16 vijećnika je glasalo za, niko nije bio protiv i 9 vijećnika je bilo suzdržano, te konstatujem da su većinom glasova usvojeni sljedeći zaključci:

1. Gradsko vijeće Grada Tuzla, upućuje pohvalu Stručnoj službi Gradskog vijeća za izvršavanje poslova i zadataka iz nadležnosti Stručne službe i traži, da se kadrovski ojača Stručna služba Gradskog vijeća.

2. Konstatuje se da je u mandatnom periodu 2012-2016. godine realizirano 1567 tačaka i podtačaka i 2119 materijala od strane Gradskog vijeća Tuzla, od strane predlagača i obrađivača materijala, što ukazuje na impresivne rezultate rada Gradskog vijeća Tuzla u aktuelnom sazivu. Preporučuje se novom Gradskom vijeću u sazivu 2016-2020, da prihvati i nastavi kontinuitet u načinu rada i djelovanja Gradskog vijeća Tuzla.

3. Preporučuje se Gradskom vijeću u narednom sazivu 2016-2020. godina, da odluke koje su vezane za transparentnost rada Gradskog vijeća Tuzla ostanu i dalje na snazi, posebno one koje se odnose na sadržaj web stranice Grada Tuzla.

4. Informaciju o aktivnostima Općinskog/Gradskog vijeća Tuzla u mandatnom periodu 2012-2016. godina, postaviti na web stranicu Grada Tuzla na adresi: [www.tuzla.ba](http://www.tuzla.ba).

5. U narednom periodu redovno pripremati informacije o realizaciji vijećničkih inicijativa usvojenih na sjednicama Gradskog vijeća Tuzla.

6. U informaciji o aktivnostima Gradskog vijeća u narednom mandatnom periodu, naznačiti i aktivnosti svakog pojedinih vijećnika na sjednicama Gradskog vijeća Tuzla.

7. Gradsko vijeće Tuzla traži, da se u narednom mandatnom periodu dovrši projekat rekonstrukcije zgrade „Grafičara“ u Tuzli i da se realizira projekat elektronskog upravljanja sjednicama Gradskog vijeća Tuzla (tzv. E-parlament).

8. Gradsko vijeće Tuzla, traži od Vlade Federacije Bosne i Hercegovine, da donese odluku o davanju na korištenja prostora napuštenog rudnika „Bukinje“ za formiranje poslovne zone za potrebe Grada Tuzla.

9. Traži se od predsjedavajućeg Gradskog vijeća Tuzla, da uputi pismo svima onima na koje se odnose vijećnička pitanja, da dostavljaju odgovore u roku propisanom Poslovníkom Gradskog vijeća Tuzla.

(SABAHUDIN IMAMOVIĆ – Prava idila. Boljševička.) Ne. Ne. Vi pokušavate da me ali nećete moći uspjeti. (MENSUR ALIĆ – Ne znam s kim ćete poslije izbora.) Dobro. Vidjet ćemo. Hajde nije.

Prelazimo na četvrtu tačku dnevnog reda:

### **RJEŠENJE O RAZRJEŠENJU I IMENOVANJU ČLANA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA**

Predlagač je Gradonačelnik Grada Tuzla. Obradivač je Služba za budžet i finansije.

Materijal razmatrali: Komisija za statutarna pitanja i propise, Komisija za ekonomske odnose, Komisija za izbor i imenovanja, Komisija za poduzetništvo i klubovi vijećnika.

Otvaram raspravu. Pitam vijećnike, ima li potrebe za uvodnim izlaganjem? Nema.

Otvaram raspravu klubova. Zaključujem raspravu klubova. Otvaram raspravu vijećnika. Zaključujem raspravu. Nema nikoga je li? Molim vas.

Pitam vijećnike, ko je za rješenje o razrješenju i imenovanju člana Komisije za utvrđivanje prometne vrijednosti nepokretnosti i prava, molim da digne ruku? (19) Ima li neko protiv? (Nema.) Suzdržan? (6)

19 vijećnika je glasalo za, niko nije bio protiv i 6 vijećnika je bilo suzdržano, te konstatujem da je RJEŠENJE O RAZRJEŠENJU I IMENOVANJU ČLANA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA, usvojeno većinom glasova.

Prelazimo na petu tačku dnevnog reda:

## **ODLUKA O UTVRĐIVANJU JAVNOG INTERESA ZA EKSPLOATACIJU KVARCNOG PIJESKA NA LOKALITETU "KUŽIĆI" U TUZLI**

Predlagač je Gradonačelnik Grada Tuzla. Obrađivač je Stručna služba za poslove Gradonačelnika.

Materijal razmatrali: Komisija za statutarna pitanja i propise i klubovi vijećnika. (MEDIHA NUHBEGOVIĆ – Pauza pet minuta. Pauza pet minuta.) A pauza pet minuta. Dobro. (MIRNES AJANOVIĆ – Ne treba.) (NEDŽAD MALIKIĆ – Da poštujemo Kolegij.)

Ali evo dogovorili smo se već oko toga da ne idemo džaba. (MENSUR ALIĆ – S kim ste se dogovorili?) (MEDIHA NUHBEGOVIĆ – Pauzu od pet minuta. Napravite pauzu.) Je li tražite pauzu pet minuta? Je li tako? (NEDŽAD MALIKIĆ – Da samo to. Tako smo se dogovorili. Da ne bi sad.)

Pet minuta pauza. Kolegij da idemo da se dogovorimo kratko hajde. (Pauza.)

Hajmo molim vas. Draga Mediha ti ćeš ovaj dio. (MEDIHA MUHBEGOVIĆ – Znači da pozovite Gradonačelnika pošto imate informaciju da ima Amandman.)

Molim vas. Idemo dalje. Mi smo na tački broj pet. To je Razmatranje i usvajanje odluke o utvrđivanju javnog interesa za eksploataciju kvarcnog pijeska na lokalitetu "Kužići" u Tuzli. Predlagač je Gradonačelnik Grada Tuzla.

Zato pošto sam već dobio obavijesti da ima nekih novina, pa pozivam predlagača gospodina Gradonačelnika da se izjasni. Da bi se Vijeće moglo zauzeti određeni stav. Izvolte gradonačelniče. (JASMIN IMAMOVIĆ – Dobro.)

### **JASMIN IMAMOVIĆ**

Evo ja ulažem Amandman. Da li treba da ga čitam? (MEDIHA NUHBEGOVIĆ – Pa trebate.) (JOZO NIŠANDŽIĆ – Pročitajte da uđe u stenogram samo.) Dobro. Dobro.

Evo Amandman: Tačka 2. Odluke, briše se. Dosadašnje tačke 3., 4., 5. i 6. postaju tačke 2., 3., 4. i 5. I nakon. (MEDIHA NUHBEGOVIĆ – I. To je to. Amandman. Konstatujete da.) Ja. Amandman da čitam, ovo zaključci je li? (JOZO NIŠANDŽIĆ – Ne zaključke.) Zaključke? (JOZO NIŠANDŽIĆ – Ne zaključke će pročitati sekretar nama na kraju kad se ovo usvoji.)

Vlada Tuzlanskog kantona. Je li to? (MEDIHA NUHBEGOVIĆ – Ja.)

1) Vlada Tuzlanskog kantona i resorno Ministarstvo industrije, energetike i rudarstva TK-a će prije donošenja odluke o dodjeli koncesije za eksploataciju kvarcnog pijeska na lokalitetu „Kužići“, kao i na lokalitetu „Bukinje“ i „Moluška rijeka“ pribaviti mišljenje građana sa područja mjesne zajednice, gdje se vrši eksploatacija.

2) Gradsko vijeće Tuzla, traži da se sredstva od koncesionih naknada ostvarenih po osnovu Zakona o koncesijama (Službeni list taj i taj.), usmjere na realizaciju komunalnih i ekoloških projekata u mjesnoj zajednici na čijem području se vrši eksploatacija.

### **JOZO NIŠANDŽIĆ**

Evo to je to. Čuli smo dobro. Znači o Amandmanu se ne izjašnjavamo, obzirom da je predlagač to prihvatio. (MEDIHA NUHBEGOVIĆ – Donosimo odluku sa Amandmanom.) Donosimo odluku sa Amandmanom.

Pitam vijećnike, ko je za odluku o utvrđivanju javnog interesa za eksploataciju kvarcnog pijeska na lokalitetu "Kužići" u Tuzli sa Amandmanom, molim da digne ruku? (22) Ima li neko protiv? (Nema.) Suzdržan? (Nema.)

22 vijećnika su glasala za, niko nije bio protiv i suzdržan, te konstatujem da je ODLUKA O UTVRĐIVANJU JAVNOG INTERESA ZA EKSPLOATACIJU KVARCNOG PIJESKA NA LOKALITETU "KUŽIĆI" U TUZLI, jednoglasno usvojena.

I molim vas, molim vas čuli smo i predlog zaključaka koji je Gradonačelnik pročitao. Samo malo Kasumoviću molim vas.

Pitam vijećnike, ko je za predlog zaključaka koje je Gradonačelnik pročitao, molim da digne ruku? (22) Ima li neko protiv? (Nema.) Suzdržan? (Nema.)

22 vijećnika su glasala za, niko nije bio protiv i suzdržan, te konstatujem da su jednoglasno usvojeni sljedeći zaključci:

1) Vlada Tuzlanskog kantona i resorno Ministarstvo industrije, energetike i rudarstva TK će prije donošenja odluke o dodjeli koncesije za eksploataciju kvarcnog pijeska na lokalitetu „Kužići“, kao i na lokalitetu „Bukinje“ i „Moluška rijeka“ pribaviti mišljenje građana sa područja mjesne zajednice, gdje se vrši eksploatacija.

2) Gradsko vijeće Tuzla, traži da se sredstva od koncesionih naknada ostvarenih po osnovu Zakona o koncesijama („Službene novine Tuzlanskog kantona“, broj 5/04, 7/05, 6/11 i 1/13) usmjere na realizaciju komunalnih i ekoloških projekata u mjesnoj zajednici na čijem području se vrši eksploatacija.

Znači zaključili smo tačku pet.

Prelazimo na šestu tačku dnevnog reda:

## **IMOVINSKO-PRAVNA AKTA**

**a) Rješenje o odbijanju zahtjeva za prodaju zemljišta (Atić N. Ahmed, lokacija KO Tuzla II), broj:**

**- 01/07-31-3253/16**

Ima li potrebe za uvodnim izlaganjem? Nema. Otvaram raspravu klubova. Zaključujem raspravu klubova. Ima li ras. Otvaram raspravu vijećnika. Zaključujem raspravu vijećnika.

Molim vas. Ko je za rješenje o odbijanju zahtjeva za prodaju zemljišta (Atić N. Ahmed, lokacija KO Tuzla II.), broj: 01/07-31-3253/16. Da se izjasnimo.

Pitam vijećnike, ko je za molim da digne ruku? (21) Ima li neko protiv? (Nema.) Suzdržan? (Nema.)

21 vijećnik je glasao za, niko nije bio protiv i suzdržan te konstatujem da je jednoglasno usvojen sljedeći imovinsko-pravni akt:

Rješenje o odbijanju zahtjeva za prodaju zemljišta (Atić N. Ahmed, lokacija KO Tuzla II), broj:

- 01/07-31-3253/16

Prelazimo na sedmu tačku dnevnog reda:

## **KADROVSKA PITANJA**

Molim vas nemamo ništa pod kadrovskim pitanjima.

Prelazimo na osmu tačku dnevnog reda:

## TEKUĆA PITANJA

### a) Inicijativa za hitno uređenje autobuskih stajališta u MZ Simin Han

Podnosilac inicijative je Klub vijećnika Saveza za bolju budućnost.

Ima li podnosilaca? Ako nema, jesmo li za ovu inicijativu da je prihvatimo k znanju.

Odnosno da je prihvatimo. (NEDŽAD MALIKIĆ – Biće realizirana nekad.) (BERIZ SAKIĆ- Pogotovo ako je u Simin Hanu.) (ELVIR MAHMUZIĆ – Ko preživi.) (MIRZA TUPAJIĆ – Pričat će.)

Pitam vijećnike, ko je za molim da digne ruku? (23) Ima li neko protiv? (Nema.) Suzdržan? (Nema.)

23 vijećnika su glasala za, niko nije bio protiv i suzdržan, te konstatujem da je jednoglasano usvojena pod tekućim pitanjima sljedeća inicijativa:

#### a) Inicijativa za hitno uređenje autobuskih stajališta u MZ Simin Han

Samo dozvolite mi da i ja jednu riječ, bar dvije, kažem molim vas. Evo na kraju moram se obratiti, moram se zahvaliti na saradnji ove četiri godine. Prvo na podršci koju ste dali mi kod imenovanja što kažu ili izbora za predsjedavajućeg Gradskog vijeća.

Dosta je toga rečeno danas ovdje. Ja moram reći da se osjećam ipak sretnim što sam bio predsjedavajući i što nisam imao nekih velikih što kažu poteškoća.

Dosta smo toga donijeli zajednički. Nisam vršio analizu ali ja mislim da preko 90% odluka, zaključaka, ili ne znam čega smo donijeli zajednički, ali sasvim je i razumljivo da imamo i različitih mišljenja obzirom da je osam političkih subjekata tu i ne treba se ljutiti.

Ja vama želim sve najbolje. Ovi koji su kandidovani za Vijeće da prođu i da bude uspješno. Ja se nadam da moj isto takođe prijatelj Sabahudin Imamović koji je ovako žestoko danas napado da ćemo si pružiti ruku i da ćemo nastaviti. Nema nikakvih.

Želim još jednom da se zahvalim znači i želim vam sve najbolje evo na izborima koji idu na izbore. (SABAHUDIN IMAMOVIĆ – Može li jedna fotografija?) Može. Može Sabahudine. Može Sabahudine. (MEDIHA NUHBEGOVIĆ – Selfi. Selfi.) (BERIZ SAKIĆ – Snima se još uvijek samo da znate.) (ELVIR MAHMUZIĆ – Za sve nas to?) (SABAHUDIN IMAMOVIĆ – Da li se snima? Hajde Klej požuri.) (ELVIR MAHMUZIĆ – Sabahudine je li za sve nas to?)

Hvala još jednom. Zaključujem 26. redovnu sjednicu Gradskog vijeća Tuzla molim vas. I svima najbolje. Živjeli.

Nisam se zahvaljivo pošto smo sve dogovorili oko Stručne službe Vijeća. Zista nam je radila perfektno što kažu. Bitno je naglasiti da mi nijedan vijećnik se nije požalio na rad Službe stručne. Stručne službe Gradskog Vijeća. To je velika stvar. I još jednom koristim priliku da pohvalim posebno Struču službu Vijeća.

(S obzirom da je dnevni red iscrpljen predsjedavajući Gradskog vijeća Tuzla zaključio je rad sjednice Gradskog vijeća Tuzla u 14,00 sati.)

**STENOGRAM SAČINILI:**

**Senada Karabegović**

**Igor Kurcinak**

**P R E D S J E D A V A J U Ć I**

**Jozo Nišandžić, s.r.**